

ҒАФУР ГУЛОМ
НОМИДАГИ
АДАБИЕТ ВА САНЪАТ
НАШРИЕТИ
ТОШКЕНТ — 1972

rième

φαγεῖ

ЭРКИН ВОХИДОВ

т а р ж и м а с и

Р а с с о м

ЖАВЛОН УМАРБЕКОВ

ШЕЪРИЙ ТАФАККУР, ФИКРИЙ ШЕЪРИЯТ



оғанин Вольфганг Гёте (1749—1832)нинг номи жаҳон адабиётида Гомер ва Данте, Низомий ва Руставели, Фирдавсий ва Ҳофиз, Навоий ва Пушкинлар қаторида туради.

Гёте узоқ яшаган ва баракали ижод қилган шеърият алломаларидан биридир. Унинг ўнлаб машҳур шеърий, насрӣй ва илмий-фалсафий асарлари бор. Лекин, булар ичида «Фауст» алоҳида ўрин әгаллай-ди. «Багишлов», «Арши аълодаги дебоча» ва иккى улкан қисмдан иборат бу шеърий роман XVIII аср охири ва XIX аср бошларида Европада яратилган бадиий обидаларнинг энг буюгидир.

Асарда Линцей исмли дарғанинг образи чизилган. Қадимги афсонада олтин излаб йўлга чиққан артонавтлар кемаси ҳақида ҳикоя қилинади. Шу кемада Линцей дарға бўлиб боради: бошқалар кўра олмаган олис манзилларни кўради, ўтқир нигоҳи уфқ тубларигача етади.

«Фауст» муаллифи ҳам шундай етук инсон, баркамол аллома бўлган. У Европадаги воқеалар ривожини синчков кўз билан кузатган, феодал мұхитдаги синфий зиддиятлар моҳиятини англаған, шу сабабдан ҳам даврони, замондошларини файласуфона донолик билан ҳаққоний тасвирлай билган.

«Фауст»да иккى мангу зид куч: яхшилик ва ёвузлик, иқрор ва инкор курашади. Фауст — ҳаёт ошиғи, тараққиёт жангчиси, адолат жарчиси. Мефистофель — ҳаёт ёзи, тараққиёт душмани, адолат кушиандаси. Фауст доим изланишда, курашда. Мефистофель Фаустнинг онги, идроки, ҳаваси, изланишларини сўндиришга ҳаракат қиласади.

«Ҳаракат — мавжудотнинг ибтидоисидир!» — ана шу широр Фауст ҳаётни ва курашининг фалсафий асосидир.

«Фауст»нинг финалида шундай мисралар бор:

Кимки, эрк, озодлик учун кун сайин
Узини курашга ташласа тайин,
Шу йўлни мардона ўтолса босиб,
Эрку озодликка ўша муносиб!

Асар бошдан охир шу нурли гоя, шу ўтли даъват билан суроилган.

«Фауст» ўзбек тилига биринчи марта таржима қилингани. Етук шоир Эркин Водидов бу қутлуг ишга жазм этди. Бир неча йиллик узлуксиз меҳнат натижасида улкан асарнинг салмоқли бўлаги — биринчи ҳисми ўзбек тилида оқса кўчирildи. Бинобарни, бу қисм эйниқса ўқимишли: «Фауст» билан Маргарита пок ишқининг сарбаст достонидир.

Бу масъулиятли катта ишни ниҳоясига етказиш учун таржимон яна бир неча йил заҳмат чекиши шубҳасиздир. Шу важдан ва айниқса, мазкур асарни ўз тилида ўқишга ўта орзуманд ўзбек шеърхонларининг сабр-тоқатига шафқат этиб, қадрни нашриётимиз тайёр таржимани шу ҳолиша нашр этишга қарор берди. Умид қиласизки, «Фауст» тўла ҳолича ҳам яқин йилларда ҳурматли китобхонга ҳадя этилади.

Буюк немис шоири шоҳ асарининг охирнида шундай орзу қилади:

Буюк ўлка яратман янги, белоён,
Миллион-миллион инсонларга бўлур қароргоҳ;
Йўлларида хавфу хатар кўтарса сурон,
Мангу эркин меҳнатидан топади паноҳ.

Гётенинг әзгу орзулари бизнинг давримизда, ўз ватани — Германия Демократик Республикасида амалга ошмоқда. Зулм, истибодод, эрксизлик балосидан, фашизм вабосидан холос бўлган миллион-миллион инсонлар янги ҳаёт, янги социалистик маданият ижод этмоқдалар.

«Фауст»нинг ўзбек тилида нашр этилиши бизнинг маданий ҳаётимизда, ўзбек адабиётида ҳам қувончли воқеадир.

ҲАМИД ГУЛОМ



БАФИШЛОВ

Борлигим банд этган алдоқ соялар,
Яна бўлдингизми қаршимда пайдо,
Шоядки назминиз бўлса мұяссар,
Ешлигим шавқлари сўнганини ва ё?
Йўқ, сиз туман каби босиб сарбасар,
Үйларим чулғанди дудингиз аро.
Сиз билан тин олсам тўлар кўкрагим,
Сиз билан яшарар менинг юрагим.

Мози лавҳалари жонланур яна,
Фусункор тонглару сеҳрли тунлар,—
Жонланур мисли бир ажиб афсона
Ешлигу илк бора севишган күнлар.
Утмииш ва эзгулик согинчи мана,
Дилимда қўзгаркан аламли унлар,
У ёруғ чоишоҳда бўлганлар омон,
Сизни эҳтиром-ла эслайман ҳамон.

Сўнги қўшиқларим эшитолмади
Китобим илк бобин тинглаган дўстлар,
Букун ул даврадан ҳеч ким қолмади,
Қайлардадир сўнди илк мақтov сўзлар.
Бебаҳралар фикрин ҳеч йўқ қиммати,
Олқиши дилимга солади музлар.

*Ул хассос зарифлар йитди бу замон
Кимсасиэ йўлларда бесару сомон.*

*Яна чорлар мени илоҳий бир ун,
Яна хаёлларга чулғанди бошим.
Сабо арфасидек ҳазин ва сермунг
Қўйилар сатрлар, қани бардошим!
Музлаган жисмикни эритар букун
Қўзимдан қўйилган қайноқ бу ёшим.
Бу олам чекинур, ўтмиш-чи, аён —
Қўзларим олдида бўлур намоён.*

ТЕАТР МУҚАДДИМАСИ



Театр директори, шоир ва қизиқчи.

Директор

Сиз икковлон бердингиз мадад
Танг бўлганда неча бор ҳолим.
Айтинг, бу гал келгайми омад,
Кулгаймикин бу гал иқболим?
Халқ беҳисоб бўлса бойлик бешумор,
Бу боис излармен унга на лойиқ.
Тахталар терилган, саҳна ҳам тайёр,
Бизлардан томоша кутар халойиқ.
Қошлар кўтарилимиш, нигоҳлар чанқоқ
Қувончу ҳайратнинг иштиёқида.
Менга аён әрур бу санъат, бироқ —
Букун ёнурман дил иштибоҳида.
Гарчи томошибин диди әмас зўр,
Лекин китоб кўрган, шу боис сергак.
Агар бўлсин десак томоша манзур,
Дўйстларим, албатта янги гап керак.
Қани, томошагоҳ бўлсаю тўлиқ,
Атрофига яна аламон турса,
Шу тор эшикларга ҳар кеч халойиқ
Жаннат эшиги деб ўзини урса.
Едимда, бир маҳал ҳали ботмай кун,
Бошлинарди бунда ғулу, тўполон.
Гўё латта әмас, оч халойиқ-чун
Мана шу дарчадан улашилар нон.

Бундай мўъжизага сен фақат қодир,
Кўрсат сеҳринг яна, азизим шоир!

Ш о и р

Кўйгил, қора ҳалқдан гапирма асло,
Шовқиндан кўнглимга тушар изтироб.
Аламон ҳисларни ютувчи бало,
Сурон -- тафаккурни кўмгувчи ғирдоб.
Кўнглим осудалик излар доимо.
Чўққиilar ёпиниб туманлик хижоб,
Мудраган ул маъво сари бошла,, юр!
Илоҳий сукутдан топурман сурур.
Юрак ўз тубида ардоқлаган ҳис,
Лабда қанот ёзмоқ бўлган туйгулар
Ташна кўнгилларда қолдирмаёқ из
Замон суронида дарҳол бўғилар.
Бас, ўйлар тошқинин тиндиrolсак биз,
Муқаммал гўзаллик шунда туғилар.
Жилванинг умридур бир лаҳза фақат,—
Авлодларга қолур ҳақиқий санъат.

Қ из и қ ч и

Яна авлодларми, тегди-ку жонга,
Меҳнат қилсанм фақат келажак онга,
Буқунги ёшларни хурсанд қилур ким?
Замонга ёр бўлиш кичкина ишмас,
Чин дилдан кулдириш бачканна ишмас,
Қулки — зар, кўчада ётмас азизим.
Биздан шодлик тилаб келар ҳалойиқ,
Унга қулоқ соглан ҳурматга лойиқ.
Ҳалойиқ кўп бўлса зўр бўлур таъсири,
Азиздир қалбларни қилолган асир.
Қобилият бўлсин, гапнинг сираси,
Жам бўлсин бир ерда ақл ва туйғу,

**Ҳаёлнинг парвози, шавқ силсиласи
Сўнг андак тоцирлик, бир чимдим кулгу.**

Директор

Лекин энг зарури, саргузаشت бўлсин,
Кўзга қувонч бўлсин, дилга гашт бўлсин.
Андак ўрин беринг тафсилотга ҳам,
Томоша қалбларни банд этсин токим.
Тўдани ҳангу манг қилолган одам
Унинг юрагига бўлолгай ҳоким.
Яхлит гўшт берай деб ўлтируманг толиб,
Ҳалқ ёвғон бўлса ҳам раҳмат айтади.
Ҳар ким чўмичига сиққанча олиб,
Сизага қуллуқ қилиб уйга қайтади.
Фақат кўпчиликка кўп нарса керак,
Баракали бўлсин шунинг-чун қозон.
Яхлитдан ҳалқ учун фойда йўқ, бешак,
Барибир бурдалаб ташлар аламон.

Шоир

Санъатда косиблик — козибликка тенг,
Наҳот одатийдир сизга бу ҳолат.
Бу ерда ноқобил қаламқашларнинг
Ҳурмати баландга ўхшар бағоят.

Директор

Бундоқ таъналардан камина хандон —
Чунки бу гапларнинг барчаси бекор.
Дўстим, ҳар ҳунарнинг ўз амали бор,
Тахтага арра-ю, темирга сандон.
Томошагоҳ агар чор бозоримиз,
Томошабин бизнинг харидоримиз.

Ўйлаб кўринг, недир унинг матлаби?
Биздан нима тилар, асли ўзи ким?
Унинг томошага келиш сабаби...
Барини ҳисобга олмоқ шарт, дўстим.
Бирор ғариккандан келади бизга,
Бирори шунчаки ҳазми таом деб.
Бирорининг тушиб дониши эсга,
Бир-иккита гўлни қилурман ром деб.
Хонимлар томоша кўрмоққа тугул
Кўрсатмоққа келур фақат ўзларин.
Улар кўз-кўз қилиб кетишар бўпул
Еқадаги тулки ва қундузларин.
Эй, хаёл кўкида учган шоирим,
Тушинг энди пастроқ, заминга ёвуқ.
Берироқдан қаранг — томошабин ким?
У қўпол, бефаҳм, ҳиссиз ва совуқ.
Бу даргоҳдан чиққач бирор қиморга,
Бирор фахш уйига урап ўзини.
Бас, бунда нима бор юксак ашъорга,
Кимга ёқмоқчисиз қалб юлдузини?
Такрор айтаманки, кўп ёзинг фақат,
Гап кўп бўлаверсин, фикр шарт эмас.
Ҳалойиқни ҳанг-манг қилолсангиз бас,
Сизникидир обрў, сизники шуҳрат.
Нечун ўйга чўмид қолдингиз бесас,
Еки илдом билан қилурсиз суҳбат?

Шоир

Бор, изла ўзингга бўлак хизматкор,
Сен бошлаган йўлга асло бормасман.
Менда тангри бермиш олий ҳуқуқ бор,
Сени деб мен уни лойига қормасман.
Шеърият қалбларни ёқур не сабаб?

Наҳот боис бўлса баландпарвоз гап!
Шоир юрагида пинҳондир олам,
Жаҳоний уйғунлик унда мужассам.
Парвосиз табиат замон чархида
Тириклик ишини йигиргани чоғ
Баркамоллик бўлмас унинг тархида,
Аралашиб кетар гоҳи хас, пўчоқ.
Чарх ишига шунда ким берур тузум,
Ҳаёт риштасига ким берур оро?
Борлиқнинг бетартиб суронига ким
Мусиқий оҳангдек баҳш этар жило?
Кимдир шайдо қалбнинг түғён чогини
Тўфон шиддатига қилгувчи қиёс?
Кимга муҳаббатнинг ўт фирғини
Сўйлайдур ҳар оқшом ботгувчи қуёш?
Ким ул боғда унган оддий печакни
Шуҳрат гултоҷига этди баробар?
Кимнинг изми ила олам чечакни
Маҳбублар пойига соғди саболар?
Кимдир ул, забт айлаб Олимп маснадин,
Тангрилар посбони бўлолган қодир?
Улдир одамзотнинг буюк қудратин
Қалбида мужассам айлаган шоир.

Қизиқчи

Шундай экан, демак, илҳомни чоғланг!
Ўшал сеҳрингизни кўрсатинг, наби.
Ходисалар ипин тезгина боғланг
Муҳаббат риштасин боғлаган каби.
Ахир севгида ҳам шу бўлур такрор,
Гасодиф учрашув, дўстлик, сўнг оҳ-воҳ,
Уришиш, ярашиш, бўса ва никоҳ.
Мана, қарабсизки, достон ҳам тайёр.

Мана, ёза қўйинг шунинг ўзини,
Бу гап ҳар қадамда — қўл чўзсангиш бас.
Ҳар ким ўз қалбини ўзи англамас,
Уни кўрсатсангиш очар кўзини.
Елонни дўндириинг. қайнангу жўшинг,
Лекин икки оғиз оост гап ҳам кўшинг.
Шунда сиз тайёрлаб уватган шарбат
Ҳам арzon бўлади. ҳам жонга лаззат.
Савлат тўкиб шунда эл кўрки ёшлар
Шу эшик олдида йигила бошлар.
Сиз тутган ажойиб неъматдан тутур,
Ҳар ким ўз қалбига керагин топур.
Барча қулоқ тутиб. кўз қадайдур жим,
Бу даргоҳдан қуруқ қайтмайдур ҳеч ким.
Кулар. кўз ёш тўқар қалби гўдаклар.
Томошадан узмас ҳайрат кўзини.
Кимки тутиб олган бўлса ўзини,
Унга асар қилмас турфа әртаклар.
Лекин қадам қўйган ҳаётга илк бор.
Барин англар, қилар ташаккур изҳор.

Шоир

Сен ҳам менга ўшал ёшликни қайтар,
Ҳаётга илк қадам қўйган онимни.
Қайтариб бер менга оташин байтлар,
Куйларга пайваста жисму жонимни.
Оlamни чулғаган тонг тумонида
Ҳайрат кўзин очган чоғларим қайтар.
Ёшликдай етилган баҳор онида
Мени гулга кўмган боғларим қайтар.
Қайтиб бергин менга ёшлигим, у пайт
Ўзим гадо да лек кўнглим шоҳ әди.

Мен учун ошу нон — шеър ва ҳақиқат,
Илҳом ила тўқу кўнглим чоғ эди.
Қайтар менга — ҳали доно бўлмаган
Суронли ул шўху бебошлигим бер.
Меҳри ҳам, қаҳри ҳам сарҳад билмаган
Жунун ошиноси — ўт ёшлигим бер.

Қизиқчи

Ешлик, азиз дўстим, жангларда керак,
Душман ҳамла қилса у берур сабот.
Жононлар бўйинингга солсаю билак,
Узинг кекса бўлсанг — ундан сўр најот.
Ешлик керак бўлур маррага қадар —
Лаҳзаларни қучиб юргурган чоғинг.
Май ичиб, шод бўлиб то оппоқ саҳар
Суронли даврада ўлтирган чоғинг.
Ва лекин рубобнинг торин чертмоққа,
Урганган оҳангинг қилмоққа такрор,
Сўз билан дилларни асир әтмоққа.
Азизим, аксинча, кексалик даркор.
Дерларки, кексалик келгач доимо
Болалик қайтармиш, ҳайрон қоламиш,
Аслида ҳаммамиз ўлгунгача то
Оlamdan foфilmiz — гўдак боламиш.

Директор

Бас, етар, сафсата сотмас иш билган,
Бекорчи сиз-биздан қанчалик фойда?
Вақт ўтказмоқ нечун тақаллуф билан
Дарҳол келишмоққа имкон бор жойда?
Шеърий кайфиятни тек кутган шоир
Умр сўнгигача кутиши мумкин.
Агар шоир бўлса чинакам олғир,

Илҳом этагидан тутиши мумкин.
Бизга нима керак сизларга аён,
Сиздан шинни қилиш — бизлардан қозон.
Тезгина киришинг, фурсат кутмайди,
Шартта қилинмаса ҳеч иш битмайди.
Кун ўтдими тамом қайтмайди у ҳеч,
Иш жиловин тутиинг, то бўлмасин кеч.
Немис саҳнасида, кўринг ўзингиз,
Ким нима хоҳласа қилиб ётиби.
Сиз ҳам иш кўрсатинг етса кўзингиз,
Қандай асбоб керак тўлиб ётиби.
Сизга нур керакми — мана чироқлар,
Қанча керак бўлса аяманг, ёкинг.
Мана бунда бўрон — бунда чақмоқлар,
Енгин керак бўлса бу ёнга боқинг.
Бутун қоиноту юлдузли олам —
Шу кичик саҳнада бўлмиш жамулжам.
Осмон қабатларин баридан ўтиб,
Бунда тушмоқ мумкин токи жаҳаннам.

АРШИ АЪЛОДАГИ ДЕБОЧА



Тангри, само қўриқчилари, сўнг Мефистофель.
Уч малонка.

Рафоил

Мусиқий самовот қабатларида
Азалий йўлидан еларкан шитоб—
Гулдурос таратиб фалак қаърида
Овоз бермоқдадир жаҳонга офтоб.
Ҳайрат нигоҳини тикмиш малаклар,
Ажабким, куч бермиш белгисиз дунё.
Яралиш онидан то бу дам қадар
Мангу машаррафдир сунъи таоло!

Жаброил

Ақл бовар этмас суръат-ла замин
Маҳвар даврасида чарх ураётир.
Зулмат кечасининг қувлаб қадамин,
Жаннат нурин сочиб тонг туроётир.
Денгизлар хубобдин юзга тўр тортиб,
Вазмин қояларни ювар дамодам.
Қоя, денгизларни елкага ортиб,
Елиб бормоқдадир курраи олам.

Микоил

Йўлида не кўрса отиб серзарда,
Жунун түғёнида кўтариб сурон,

Гоҳи уммонларда, гоҳ саҳроларда
Ҳукм сурмоқдадир даҳшатли бўрон.
Титрар гулдиракдан гумбази даввор,
Шамширин кўтарур ер узра чақин.
Ва лекин, эй холиқ, бул мўъжизакор —
Сенинг қудратингга ўқиймиз таҳсин.

Учовлон

Мусиқий самовот қабатларида
Азалий йўлидан еларкан шитоб,
Гулдурос таратиб фазо қаърида
Овоз бермоқдадир жаҳонга офтоб.

Мефистофель

Малоикалардан, эй тангрим, яна
Сўроқлаб турибсан: «Оlamда не гап?».
Авваллар мени ёт тутмасдинг. Мана,
Хузурингга келдим мен ҳам шу сабаб.
Биласанки, сўзга чечанлигим йўқ,
Баъзи малаклардай ваъз айтмам қуруқ.
Агар баландпарвоз нутқ сўзлар бўлсам
Юмалаб кулардинг ҳатточи сен ҳам.
Гапирмайман, юлдуз, сайёralардан,
Сўзлайман ер узра оворалардан.
Инсон — коинотда кичкина худо,
Шундай яралган у азал ибтидо.
У балки тузукроқ яшарди буқун,
Сен солмаган бўлсанг кўнглига учқун.
Уша учқунни у ақл деб атар,
Куни у туфайли ҳайвондан баттар.
Кечир, гарчи унга бердинг башар от,
Аммо яшаётир мисли ҳашарот.

Худди чигирткадек хас-чўплар аро
Гоҳ учар, гоҳ сакрар, гоҳ тузар наво.
Майли эди юрса маконида жим,
Ҳар ишга тумшуғин суқар у, тангрим!!

Тангри

Арзинг шуми? Яна ўша эски гап!
Бир ишқал топурсан ҳар ишдан, ажаб!
Рўзи оламдин сен, демак норизо?

Мефистофель

Тангрим, оламингда иш жуда расво!
Шундай уқубатда яшарки одам —
Раҳмим келар унга ҳатто менинг ҳам.

Тангри

Фаустни танирсан?

Мефистофель

Табибми?
Тангри

Қулим.

Мефистофель

Гапинг тўғри, аммо тоат усулин
Бажо әтар қулинг ғоят турфа ҳол,

Унинг гизоси не — тушуниш маҳол.
У курашни севар — ошадир довон,
Йироқ манзилларни кўзлар доимо.
Истар — юлдузларин узатсин осмон,
Ер эса бахш этсин туганмас сафо
Ва лекин ҳар нечук бўлса комроғи —
Таскин топа олмас у кўнгил асло.

Тангри

Биламан — мен учун умри меҳнатда,
Демакким ҳидоят бўлгай сарвари.
Ниҳол әкар бўлса боғбон албатта —
Кўз олдида бўлар гули, самари.

Мефистофель

Гаровга тайёрман! Ишончим комил,
Бу қулингни сендан тортиб оламан.
Мен ўзим уни бир йўлга соламан,
Ваколат бер — мениман бу ишга омил.

Тангри

Майли, синаб кўргин,— сенда ихтиёр,
У то тирик әкан қўлингда сенинг.
Иzlаниш бор ерда адашиш ҳам бор.

Мефистофель

Раҳмат, тангрим. Ўлик зотларда менинг
Зарра ишим йўқдир. Улар не даркор?
Мени тортар ўзга фақат тирик жон,

Юздаги қизиллик, юракдаги қон.
Керак әмас менга мурдалар асло,
Тирик сичқон керак мушукка ҳатто.

Тангри

Топширурман уни ихтиёрингга,
Ҳар қанча тубанлик бўлса — бошлагин,
Кўрайин, қанчалик әргашур сенга,
Майли олиб бориб жарга ташлагин.
Сен гаровни сўёзиз бой бердинг, аён,
Зулматдан йўл топиб чиқолур инсон.
Унга чироқ бўлур мен берган идрок.

Мефистофель

Гаров ўйнамоққа розиман бебок,
Лекин аён бўлур ўтмай кўп фурсат,
Таслим бўлар менга одамзод албат.
Кўрарсан, сен шунча ишонган одам
Тупроққа қоришиб бўлади барбод.
Бамисоли менинг суюкли холам —
Илондек судралиб кечиргай ҳаёт.

Тангри

Ушанда келақол, тортинма сира,
Сен кабилар менга ёт әмас, ишон.
Барча иблислару гумроҳлар ичра
Менга яқинроқсан, алдоқчи шайтон.
Инсон табиати уйқуга мойил,

Сен унга қутқу сол, туртиб тур доим.
Атрофидә айлан, қўзгот эрта-кеч,
Ҳар замон бедор тут, ором берма ҳеч.

(Малоикаларга)

Эй, сиз фаришталар, меҳру донишнинг
Суюқ фарзандлари, сўзим эшитинг.
Оlam гўзаллиги завқ берсин сизга,
Кимки юрагида шавқ билан яшар —
Кимки алам чекар, ёнар, курашар,
Ёру ҳамроҳ бўлсин юрагингизга.

Осмон ёплади. Малоикалар тарқалишади.

М е ф и с т о Ф е л ь

(ёлғиз)

У сўзлар нақадар сокин, мулоим!
Унга ўзни яқин тутаман доим.
Бу чолнинг ажойиб бир хислати бор,
Ҳатто иблисга ҳам бермайди озор.

БИРИНЧИ ҚИСМ



ТУН

Готик услубда ишланган томи қуббалик уй. Фауст мактобга қўйилган очиқ китобга кўз тикиб курсида бедор ўлтиради.

Фауст

Илоҳиёт ила банд бўлдим,
Фалсафада хирадманд бўлдим.
Бўлдим яна адолатшунос,
Ҳаким бўлдим — табобатшунос.
Лекин менга бир нарса аён:
Нодон эдим, нодонман ҳамон.
Бордир доктор, магистр отим,
Ўн йилдирки кечар ҳаётим
Шогирдларни алдамоқ ила,
Гоҳ ўнгуга гоҳ терс сабоқ ила.
Таҳсил кўрар улар бесавоб,
Шундан чекар виждоним азоб.
Мен-ку авло уламолардан,
Табиблардан, фузалолардан.
Булар ичра жин урмаган кам,—
Мендан-чи, дарс олур жинлар ҳам.
Кимлигимни биламан, аммо —
Ғуур ила санамам асло
Ўзни олам боғибони деб,
Аҳли одам ҷароғбони деб.
Топганим йўқ бойлик ва шуҳрат;
Тотганим йўқ ҳаётда лаззат.
Ит чидамас, бу қандай ҳаёт!

Мен жодудан изладим нажот.
Токи руҳлар келсин чорласам,
Аён этсин асрорин олам.
Токи мен ғўр, жаҳолатга банд —
Санамайин ўзни донишманд.
Танҳоликда билайн, олам
Қай куч ила уйғун әрур, жам.
Кўнгил бермай нодон бидъатга,
Токи етай туб ҳақиқатга.
Ой, сен менга бедор ошино,
Тунлар қўниб дарчамга танҳо,
Мен хат узра чекканда заҳмат,
Ўзинг бўлдинг тонггача улфат.
Қани энди, эй моҳи анвор,
Кўрсанг мени бунда сўнгги бор,
Улфат бўлсам сенга тоғларда.
Чулғаб тонгги мовий туманлар,
Фаришталар бирла филмонлар —
Ўйнаб учган кўк ўтлоқларда
Шабнам кечиб чопсам, унутсам
Диққи нафас олимликни ҳам.
Танҳоликнинг дарди юракда,
Лекин ҳануз мен шу катакда.
Бунда ёлғиз нақшин дарчадур,
Тушмас ундан ҳатто парча нур.
Чангга ботган китоблар билан
Тўла бу уй шипга қадар то.
Бу кулбада чироқ дудидан
Ҳатто ёргуғ кундуз ҳам қаро.
Бунда сонсиз сўнгак қалашган,
Оламинг шу — шу сенга маскан.
Айттил, яна не учун пайдо
Юрагингда бўйла ҳаяжон?

Не асрорким, бу зиндан аро
Йиллар ўтиб бўлмадинг хазон?
Айтгил, нечун ~~кев~~динг тангри ёр —
Табиатнинг тирик жонидан?
Девор ичра ясадинг девор
Аждодларнинг устихонидан?
Қоч бу ердан, ўтказма дамни!
Кет ва ҳамроҳ этиб йўлингга
Сирлар тўла Нострадамнинг
Китобини олгин қўлингга.
Шунда сенга юлдузли само
Аён қилур тириклиқ розин.
Кўнглинг бўлур доғдан мусаффо,
Тинглагайсан руҳлар овозин.
Аммо улар белгиси мавҳум,
Шарҳ этолмас қуруқ тафаккур.
Эй сиз, руҳлар, сизни чорлагум,
Жавоб беринг, кўргузинг зуҳур.

(Китобни очади ва макрокосм белгисини кўради)

Менга бу сирли хат бахш этиб қудрат
Қўзғар юрагимда шодон туйғулар.
Бу нечук синоат, бу нечук ҳикмат,
Қайта уйғонадур дилда орзулар.
Қай тангри яратмиш ушбу белгини,
Яратмиш мукаммал, расо айламиш.
Кўнглим дардларига даво айламиш,
Ғуссалар тунидан қутқармиш мени.
Борлиқ кўз олдимда мисоли суврат,
Гўё менинг ўзим холиқи қудрат,
Гўё илкимдадир жаҳоний миръот,
Гўё кафтимдадир бутун коинот.
Аён бўлмиш менга бу доно ҳикмат:

«Сенинг ёнингдадир руҳлар дунёси,
Эшиги қулф эмас,— сен кўрсан фақат.
Сени чўмилтирса саҳар зиёси,
Кўз очсанг, бу дунё мана, марҳамат».

(Суратни диққат билан кўздан кечиради)

Бу тинимсиз коинот ичра .
Ажаб, комил тартиб устивор.
Мулки борлиқ аро қай бурчда
Эҳтиётлик хазинаки бор —
Неча минглаб қанотлик жондор
Навбат ила олтин чўмичда
Бир-бирига узатадур боз,
Гоҳи шўнғир, гоҳ қилур парвоз.
Не манзара! Мен учун бироқ,
Жонсиз сурат — манзара фақат.
Сенинг қутлуғ оғушингдан, воҳ,
Яна четда қолдим табиат!
Қандоқ мумкин сенга етишмоқ,
Баҳра олмоқ қучоқларингдан,
Сенинг зилол булоқларингдан
Тўйиб-тўйиб шимирмоқ шарбат.

(Алам билан янги варақ очади ва ер руҳининг
белгисини кўради)

Менга марғуб ушбу аломат,
Замин руҳи ошнодир менга.
У туфайли шавқ ила фақат
Интиламан доим олдинга.
Бундай чогда тайёр бўлурман
Ҳамма учун бахш этмоққа жон.
Куним битган бўлса бенолон
Бош кўтариб мағрур ўлурман.

Бурқиб ётар оқ булут,
Ой бўлди ниҳон.
Чироқ ўчди, тутунга
Чулғанди хонам.
Силаб ўтди қизғиш нур
Аста пешонам,
Вужудимни титратиб,
Солиб ҳаяжон,
У дунёнинг даҳшатин
Этиб намоён,
Шипдан бир нафас келди!
Эй, руҳи олам.
Шу ердасан, келақол,
Кел, кел, кел! Тезроқ!
Юрак ёнар! Борлигим
Сен билан ҳамдам.
Фикрим чувалди, таним
Чулғади титроқ.
Кел, келақол, майлига
Қўрсаму ўлсам.

(Китобни олиб сирли дуо айтади. Қизғиш олов ичидан
руҳ пайдо бўлади)

Рұқ

Йўқладингми?

Фаст

(Юз буриб)

Бедаво хилқат

Руҳ

Дуо билан мени чорладинг,
Кўп ёлбординг, кел деб зорладинг.
Мана, келдим.

Хўш...

Фауст

Қандай даҳшат!

Руҳ

Кел, кел деди ўзи бетоқат,
Ўзи қилди кўрмоқни орзу.
Мен раҳм этиб ерга тушдиму
«Даҳшат» дейди соҳибқаромат.
Қани журъат, эй, олий одам!
Туйғуларинг оташи қани?
Ҳа, йўл бўлсин бизга етгани!
Еки мендан тиларсан ёрдам?
Сенми ўша Фауст, мен билан
Мағрур туриб сўйлашолган зот?
Келдим, — нечун бир сўз демайсан,
Айт, ғуруринг бўлдими барбод?
Қўрқув ичра тўлғанурсан лол
Аянчли бир чувалчанг мисол.

Фауст

Йўқ, руҳ! Кўрқаним йўқ! Сўзларинг алас.
Мен Фаустман -- сендан зарра кам эмас.

Рұх

Мен — ҳаётнинг уммонидаман,
Ҳаракатлар бўронидаман.
Оловга ҳам сувга ҳам ёрман,
Ҳамма ерда ҳамма вақт борман:
Туғилиш, ўлиш
Нисбатида мен.
Доимо ўсиш
Хизматида мен.
Мен — дарёдурман,
Мавжман — силсила.
Мен — дастгоҳдурман —
Соҳир ип ила
Замон отли қашта тўрин ер узра ёйиб,
Либос тиккум илоҳият учун ажойиб.

Фауст

Эй сен, тирикликнинг бетинч даҳоси —
Менинг тимсолим!

Рұх

Йўқ! Ақалинг зиёси
Кашф этган руҳ фақат сенга ошино.
Мен әмас асло!

(Йўқолади)

Фауст (аламли)

Сен әмасми?
Йўқса кимдир, дайт?

Наҳотки мен —
Тангрига монанд —
Оллоҳнинг тимсоли, шу гумроҳга ҳам
Тенг бўлолмасам?

(Эшик тақиллайди)

Ана холос! Гоят бемаҳал ташриф!
Мен руҳ висолига бўлганда мушриф,
Кайфимни тарқатур бадқовоқ, ғалча,
Саёз қироатхон бу муллабачча.

Тунги ёпинчиқ ва тақя кийган Вагнер чироқ кўтариб келади.
Фауст ноҳушлик билан унга қайрилади.

Вагнер

Кечиринг, сиз юонон фожиасидан
Шеър ўқиганингиз йўқми мабодо?
Журъат қилиб кирдим, муддао — сиздан
Шеър ўқиш санъатин ўрганиш, усто!
Воиз олмоқ бўлса обрў чўққисин,
У актёрга шогирд бўлиб ўқисин.

Фауст

Агар воиз бўлса актёр ўзи ҳам,
Бўндай зотлар, ахир, эмас бизда кам.

Вагнер

Биз туну кун уйда қилурмиз меҳнат,
Оlamни кўурмиз байрамда фақат.
Ахир қандай мумкин элни бошқармоқ,
Ибодат аҳлидан биз фоят йироқ.

Ф а у с т

Чинакам иқтидор йўқ бўлган жойда
Пешона теридан қанчалик фойда?!
Ақлу заковатда бўлолса устун,
Воизу носиҳнинг имони бутун.
Кимки ўзи танбал ҳам зеҳни ўтмас,
Аён ҳақиқатдан бир қадам ўтмас.
Бўлмагач янгилик излашга тоқат,
Ўзгалар фикрини такрорлар фақат.
Бундайлар гоҳида топурлар обрў
Баъзи ғофиллару гўдаклар аро.
Ва лекин бўлмаса фикр ва туйғу,
Юракдан юракка йўл йўқдир асло.

В а г и е р

Аммо катта гапдир овоз, усул ҳам,
Сезаман, тажрибам шу борада кам.

Ф а у с т

Ҳалол обрў олиб ўрганинг ҳар вақт,
Маъни дeng, берилманг ортиқ оҳангга.
Қуруқ сафсатаю ваъз эса фақат —
Жаранглаб тургувчи қалбаки танга.
Кўнгилда шавқ ўти ёнса чинакам,
Чиройлик сўзларни ахтармас одам.
Гар маъни пуч бўлса, қофиялик сўз,
Оҳангдор жумлаю чиройлик мақол
Кўнгилни ғаш қилур, бамисоли куз —
Ҳазон япроқларин учирган шамол.

Вагнер

Ва лекин умримиз қисқадир ғоят,
Билим йўли эса узундан узоқ.
Каминангиз ҳоли ҳалитдан чатоқ.
Қўрқаман, баттарроқ бўлгай оқибат.
Умрининг ярмини берар баъзилар
Етиб олмоқ учун булоқ бошига.
Лекин ярим йўлда кўпичўзилар
Урилиб жонбозлик харсанг тошига.

Фауст

Қоғоз боса билмас кўнгил ташнасин,
Тафаккур мифтоҳи китобда эмас.
Ҳаёт асрорига интилган ҳар кас
Ўз қалбидан топар сирлар чашмасин.

Вагнер

Бироқ бу оламда әнг гўзал ва соз
Ўтмиш асрларга айламоқ парвоз.
Нақадар завқлидир ўрганиб билмоқ —
Қанчалар кетибмиз улардан йироқ.

Фауст

Сизнингча, улар ер, биэ өса само.
Ўтмиш асрларга қўл урманг асло!
Ечолмаймиз сирли мозий муҳрини.
Мударрислар айтган замон руҳини
Уларнинг ўз руҳи, фикри деб англанг.
Бу — ўтмиш ҳақида эртакдир. Уни —
Ҳақиқий ўтмиш деб айтурлар, аттанг.

Баъзилар ўтмишни қилганда хаёл,
Бир ҳужра кўринур — тўла чуваринди.
Баъзиларга эса ўтмиш бамисол
Қўғирчоқ ўйини бўлиб кўринди.
Эмишки аждодлар бўлмишлар бир ҷоқ
Бозингар қўлида тирик ўйинчоқ.

Вагнер

Дунё-чи? Ҳаёт-чи? Одамзод ўсди
Билмоқ учун олам сирин мукаммал.

Фаст

Билмоқ ўзи нима? Гап шунда, дўстим,
Бу жабҳада ҳали кўп нарса ишкал.
Оlam сирдонига калит топганлар,
Қалб уйин очганлар бўлган хору зор.
Барчага аёнким, уларни минг бор
Гулханга ёққанлар, бутга қоққанлар.
Гап кўп, аммо етар. Дам олиш даркор.
Кеч бўлди. Бугунча баҳсимиз тамом.

Вагнер

Менга қолса қани тонггача бедор
Бу ажиб сұҳбатни этардим давом.
Лекин арта байрам, фурсат топиб шом —
Келарман. Бирмунча саволларим бор.
Мен кўп ўқийман, кўп биламан аммо
Билгим келар тўлуг ва беистисно.

(чиқади)

Ф а у с т

(ёлғиз)

Үтга, чўққа урар тентак ўзини,
Ҳазина қидирар солмоқ бўлиб чанг.
Дур излаб кўлмакка тикар кўзини,
Ўзинда йўқ курсанд — топса чувалчанг.
Бунда мен руҳ билан қилганда суҳбат,
Мени лол этганда соҳир сиймоси
У тинчимни бузди. Лек сенга раҳмат,
Дўзахийлар ичра энг паст гадоси!
Ақлдан озардим ёлғиз эҳтимол
Агар эшигимни очмаган бўлсанг.
Руҳ қаршимда әди улкан девмисол,
Мен митти одамдай турардим гаранг.
Мен тангри монанди саналган бир зот
Ўзни илоҳий деб билибман чиндан.
Гурур кўр қилибди кўзимни ҳайҳот,
Ҳаддимдан ошибман. Айб ўтди мендан.
Осмоний санадим ўзимни бебок,
Авлиёман, дедим, дедим аналақ.
Ўйладим ўзни мен фариштадек пок,
Даҳолар сингари зўр, ҳукми мутлақ.
Шу гурур туфайли мен тирик ўлдим,
Чақмоқдай бир сўз-ла чилпарчин бўлдим.
Шармисор этмакка ҳаққинг бор мени,—
Руҳ! Келишга мажбур этдиму, сени
Тутиб туролмадим ва лекин бир дам.
Даҳшатли куч әэди елкамдан шитоб,
Дилимни ўртади сўнгсиз изтироб.
Тубанликка отдинг мени бекарам,—
Тубанликким, шу ер — шу хонаи ғам.
Энди нима бўлди орзу, ширин хоб,

Эзгу хаёлларим айлайми ҳамдам?
Рост, ҳаёт заҳмати қийнамас бизни,—
Ўзимиз тўсамиш ўз йўлимишни.
Қорин деб ўтурмиз фоний дунёдан,
Юрак ташналиги бизга бегона.
Юксак мақсадларни кўзлаган одам
Бизларда саналур далли девона.
Энг гўзал, мусаффо, сирли туйғулар
Ҳаёт гирдобида янчилар, ўлар.
Гоҳ илҳом забт этса кўнгиллар кунжин,
Учурмиз чулғаниб мовий туманга.
Лекин елкамизга осилган хуржун
Дарҳол олиб тушар бизни тубанга.
Сафсата виждонга пўшида бўлар,
Ўзимиз танбалмиз, бўшангмиз хароб.
Шафқат, номус деймиз, аслида булар
Ожизлик юзига тортилган ниқоб
Турфа хил сабабу узр ягона
Кўнгилни алдамоқ учун баҳона.
Бола-чақа деймиз, уй-жой ва хотин...
Гоҳ ўтдан қўрқамиз, гоҳида сувдан.
Йўқ, булар ожизлик соглан қўрқувдан,
Зоҳир ҳадик эса, тубанлик ботин.
Менми худованд? Йўқ, кимлигим аён,
Мен коинот аро кўр бир чуволчанг —
Маҳкумман судралмоқ ва ютмоққа чанг,
Оёқлар остида бўлмоққа қурбон.
Ҳа, умрим кечмоқда босиб чанг, мағор,
Чор атрофим китоб, ўзим тутқунда.
Эски-туски тўла сандиқлар бунда,
Барчаси ғубордир, барчаси ғубор.
Топурманми бунда нима изласам?
Ҳа, минглаб китобдан топдим бир маъно:
Доимо азобда яшаган одам,—

Бахт эса ҳамиша бўлган истисно.
Эй сен бош сўнгаги, тиржайиб ҳамон
Мени масхаралаб турибсанми, айт?
Е сенинг эганг ҳам мендек бир замон
Шодлик баҳт қидириб топғаним кулфат?
Эй сиз, бағри чизик, турфа шишалар —
Кимё ашёлари, қулмоқдасиз жим.
Мен сизни қалит деб билдим муқаррар,
Лек табиат қулфин оча билмадим.
Табиат ўз сирин ганжина таҳлит
Тилсум қолқаси-ла айламиш ниҳон.
Очиб бера олмас ҳеч қандай қалит,
Бузиб кира олмас ҳеч бир палаҳмон.
Эй, мен қўл урмаган синиқ сополлар,
Кимиё соҳиби қолдирган бисот,
Эй сиз қай замонлар, қайси бир хаттот
Кўчирған қофозлар — не ҳасби холлар,
Шунча йил сиэларга қилгунча тоқат,
Бўлмасмиди бир йўл айласам барбод?
Мерос сақламоққа лойиқдир фақат
Ўзи ҳам бир мерос қолдиргувчи зот!
Матоҳ йигар фақат бечора ҳасис,
Ҳар янги лаҳзанинг меваси лазиз.
Ажабо, не учун бу сирли шиша
Оҳанрабо янглиғ тортар кўзимни?
Мен нигоҳ ташласам унга ҳамиша
Ойдин ўрмон аро сездим ўзимни.
Сени олқишлийман, эй қутлуғ шарбат,
Кўнглим толпинади сен томон фақат,
Инсон яратса олган энг буюк иеъмат!
Сенда мангаликнинг ширин уйқуси,
Сендадир ўлимнинг энг зўр оғуси.
Кел, ижодкорингга бер буқун најот!
Сенга боқар бўлсам дардим тағофиљ,

Сени қўлга олсам таскин топар дил.
Тинадур исёнкор юрак қутқуси.
Мени оғушига чорлар йироқлар,
Чорлар янги кунлар, янги қирғоқлар,
Чексиз уммонларнинг нурли кўзгуси.
Ана, учиб келди ўти аргумоқ,
Унинг қанотида учмоқ истайман.
Белгисиз бу олам, сирли бу равоқ
Бағрига отилмоқ: қучмоқ истайман.
Э воҳ, наҳотки мен — хасдек тубан зот
Тангри даргоҳига восил бўлолсам!
Ҳа, ер қўёшидан юз бур, эй одам,
Бир йўл ҳаётингни эта қўй барбод!
Одамзод ақлига даҳшат солгувчи
Ўшал дарбозани қилгину яксон,
Тангрилар олдида инсоннинг кучи
Зарра кам эмасдир,— этгил намоёни.
Майли гирдибоду даҳшат остона
Ривояти ила солароқ қўрқув
Хаёлот яратган турфа афсона
Тамуғ аллангасин ёқса ҳам мангу,
Ўшал остонодан дадил қўй қадам,
Майли ҳатто сени қучса ҳам адам.
Кел, эй аждодлардан қолган майкоса,
Кўҳна филофингни тарк айла-ю, чиқ.
Сени унугтандим. Бир замон роса
Боболар базмида жилвагар, ёниқ —
Олмос қирраларнинг кўргузиб, қадаҳ,
Неча мажлисларни қилдинг муфаррах.
Сени қўлга олиб айтдилар алёр,
Ҳамду сано ўқиб базм аҳли сенга,
Оппоқ симиридилар такрор ва такрор.
Ўшал шод кунларни эслатдинг менга.
Ва лекин мен алёр айттолмам әнди,

Чунки лаб очмоққа бўлмагай фурсат.
Неча йил қуюлди, қорайди, тинди
Мен ўзим яратган бу сирли шарбат.
Уни сипқорурман мен ўзим букун
Келажак, қўёшли янги тонг учун.

Қадаҳни кўтаради.

Шу пайт қўнғироқ ва ялпи қўшиқ овози келади.

Малаклар қўшиғи

Тирилди Исоӣ
Бандалар озод,
Гуноҳлар барбод,
Эй мулки обод,
Сенга салламно.

Фауст

Илоҳий бу овоз лабимдан
Тортиб олди ўлим шарбатин.
Хабар қиласи қўнғироқ бу дам
Элга қуттуғ айём соатин.
Худди шундай, дағи тунида
Малакларнинг қўшиқ унида
Оlam уқди хадис ҳикматин.

Аёллар қўшиғи

Мушк ила айлаб
Муаттар бўйлик,

Уни авайлаб
Тобутга қўйдик.
Кафанди әди
Исонинг тани.
У йўқ-ку энди,
Қани у, қани?

М а л а к л а р қўшиғи

Тирилди Исо!
Ким даҳри жаббор —
Жабрига тайёр,
Доим умидвор,
Унга салламно!

Ф а у с т

Самовий садолар, илоҳий куйлар,
Нечун янградингиз менинг хонамда?
Сизнинг масканингиз ўзга оламда,—
Бунда имон найлар, диёнат найлар?
Мўъжиза имоннинг суюк фарзанди,
Мени фазоларга учира билмас,
Лек осмондан келган ул илоҳий сас
Мени яна бошдин айламиш банди.
Ҳаётга қайтармиш кўнглимни яна —
Мисоли бир замон осуда ва тинч
Шанба օқшомида гўдак пешона —
Уэра қўйган каби самовий ўлич.
Болалик кунларим ёдимда ҳамон,
Қўнғироқ садосин тинглаб ногиҳон,
Лабларимдан учган ибодат сўзи.
Эҳтирос чорларди далалар томон.
Ҳаяжон қўйнида ёш тўкиб кўзим —

Менга юз очарди янги бир жаҳон.
Үйғонди ёдимда ёшлик ва баҳор,
Үйғонди шавқ тўла саодат, виқор.
Ушал илк хотира тутди қўлимдан —
Бир йўл халос қилди мени ўлимдан.
Ерга олиб тушди қайта тафаккур,
Яна кўзларимда ашким шағқатор.
Илоҳий садолар, янгрангиз такрор,
Шу лутфингиз ҳаққи, сизга ташаккур.

Талабалар қўшиғи

Улим тонг қолди,
Тарқ бўлди тобут.
Кўкка юксалди
Ул мушриф, событ.
Элни қондирди
Соҳир зиёга.
Бизни қолдирди
Фоний дунёга.
Даҳри дун аро
Эл ғам ичра боз.
Кўнглимиз аммо
Сен бирла, устоз!

Малаклар қўшиғи

Ўлимни енгди
Масиҳи акрам.
Парчаланг энди
Кишанини сиз ҳам.
Кимки даҳр аро
Унга доимо
Ўқиб ҳамд-сано,

Собит ишқда ҳам,
Ким билса қонун.
Бир парча нонин
Дўст ошинонинг
Кўрмоғин баҳам,
Ким кезиб жаҳон,
Ўз сидқин аён
Этса ҳар замон,
Исадур ҳамдам.

ШАҲАР ДАРВОЗАСИ ҶЕНИДА

Одамлар тўда-тўда бўлиб шаҳар ташқарисига сайрга чиқишишмоқда.

Бир неча шогирдлар

Жўралар, қаёққа?

Бошқалари

Овга — ўрмонга.

Сизларга йўл бўлсин?

Биринчилари

Биз — тегирмонга!

Шогирдларнинг бирни

Жуда ажойиб жой! Кайфлар бўлур чоғ!

Иккинчиси

У ер кўп бемаъни. Йўли ҳам узоқ.

Иккинчи тўдадан бири

Сен-чи? Үрмонгами ё тегирмонга?

Учинчи шогирд

Барибир. Кўпчилик юрган тобмонга.

Тўртинчиси

Яхиси Бургдорфга борайлик бизлар,
Топилар зўр пиво ҳам жонон қизлар.
Болалари биз боп, чиқарамиз жанг.

Бешинчиси

Гапингдан маълумки, сен олифтанинг
Калтакни соғинган кўринар танинг.
Мени қўй, кетабер ўзинг хоҳласанг.

Хизматкор қиз

Йўқ, мен ундан кўра уйга кетаман.

Бошқа хизматкор қиз

Балки теракзорнинг орқасида ул.

Биринчиси

Мен у ерга бекор бориб нетаман,
У йигит сен билан гаплашар нуқул.
Яхими сиз икков раңс тушган чоғда
Аҳмоқдай тиржайиб турсам бу ёғда.

Иккинчиси

Менимча бир ўзи келмаса керак,
Бирга келар анов сочи жингалак.

Толиб

Ана, қўлтиқлашиб келар икки қиз,
Иккисин иккимиз бўлиб оламиз.
Бангу бода бўлса ҳам гўзал жонон,
Биз қайтган әмасмиз, дўстим, ҳеч қачон.

Шаҳарлик қиз

Эси борми, анов иккита толиб —
Ўзларини элга қилар тасқара.
Биздек хонимчалар бу ёқда қолиб,
Чўрилар кетидан чопишар, қара.

Иккинчи толиб

(Биринчисига)

Хей, тўхта, биродар, мана бу ёқда
Иккита ажойиб хоним келмоқда.
Уларнинг бириси менга сал таниш,
Шу ёққа борайлик оғайнини-чалиш.
Танишиб оламиз қадрдан бўлиб,
Кейин сайр этамиз тўртовлон бўлиб.

Биринчи толиб

Қўй, ошина, ўлгудек таманно улар,
Хизматкор қизлар-ку ўзимиэга мос.

Шанбада супурги ушлаган қўллар
Қучар якшанба кун оловли, ҳассос.

Шаҳарлик

Янги бургомистр — бу янги қайфу,
Кундан-кун тумшуғин кўтармоқда у,
Заррача наф кўрмас ундан ҳалойиқ,
Бўйруқ чиқаришни билади фақат.
Кундан-кун камайиб әлга марҳамат,
Кўпайиб бормоқда кундан-кун солиқ.

Гадо

(куйлайди)

Бормоқдасиз сафога,
Мард йигит, ўш санамлар
Оч юпун бир гадога
Шафқат қилинг, одамлар.
Байрамидир худонинг,
Хайр қилинг ҳақ учун.
Қорни тўйса гадонинг
Унга байрам ўша кун.

Иккинчи шаҳарлик

Шундай байрам куни бир сўлим боғда
Қиттаккина отиб, сўзлашсанг икков —
Олис турк элида қонли жангоҳда
Қилич чопишганин икки улкан ёв.
Қандай соз дарчадан қуёш ботганда
Кемалар саир әтган дарёга боқиши.
Сўнг иссиқ ўринга кириб ётганди
Сокин кечаларга ўқимоқ олқиши.

Учинчи шаҳарлик

Менинг ҳам фикрим шу. Майлига дунё
Ўз аҳли қонига олуда бўлсин.
Борлиқ остин-устун бўлсину аммо...
Аммо менинг уйим осуда бўлсин.

Кампир

(шаҳарлик қизларга)

Эй гулдай безанган дўндиқча қизлар,
Нега мен кампирга қарамайсизлар?
Ахир мен биламан юрагингизни,
Мен бажо қиласман тилагингизни.

Биринчи қиз

Агата! Кампирдан нари юр бир оз,
У бағоят айёр, догули жуда.
Лекин ўша кампир у кун кўзгуда
Бўлажак қайлигим кўрсатгани рост.

Иккинчи қиз

Менга ҳам кўрсатган: қайлигим қўлга
Үткир қилич тутган саллотмиш ботир
Ҳар кун эрталабдан қарайман йўлга,
Лекин менинг ёrim кўринмаётир.

Саллотлар

Тубсиз чоҳлару
Баланд деворлар,

Кўзлару оҳу
Сулув дилдорлар
Биз ҳужум қилсак
Беролмас бардош!
Ортиқ не керак
Сенга, эй йўлдош!

Бурғу овози
Чорлайди жангга,
Қизларнинг сози,
Таннози — менга.
Янгра эй бурғу,
Таслим бўлурлар
Истеҳкомлару
Энг гўзал хурлар.

Мукофот учун
Жанг қиласр саллот,
Мард саллот учун
Шу зўр мукофот.

Фауст билан Вагнер
Фауст

Мана, ирмоқларни кўклам сабоси
Музлик исканжадан этмоқда озод.
Баҳор қуёшининг жонбахш эпеси
Аёз салтанатин қилди-ю барбод —
Қишиғор-ўнгурларда сақлаб жонини,
Утлоқларга сочар қор бўронини.
Лекин тоғ саҳардан уйғониб қуёш
Қиши изин супуғар мисоли фаррош.
Баҳор ёнса ҳамки зумрад гиламлар,
Ҳали дала кўкси чечакларга таңг.
Гул йўғу гуллардек яшнабди башанг

Байрам либосини кийган одамлар.
Шу юксак қоядан шаҳарга қара,
Нақадар улуғвор, ажиб манзара!
Шаҳар дарбозаси букун кенг очиқ,
Диққи нафас уйдан чиқиб ҳалойиқ —
Зарра қишиғубори қолмай қўнгила,да,
Кўм-кўк далаларда қилурлар сафо.
Тангримиз тирилган бу қутлуғ кунда
Уларнинг ўзи ҳам тирилмиш гўё.
Улар халос бўлиб чиқдилар букун
Хароб қулбалардан, ертўлалардан.
Бегим кун барчаси дастгоҳда тутқун,
Байрамда чиқурлар бу тор шаҳардан.
Бадқовоқ черковнинг қоронғу кунжи
Фақат бу кун этмиш уларни озод,
Чопқир ирмоқлардан бунёд бўлгувчи
Анҳорлардай оқар халқ жўшқин ва шод.
Дарёга ошиқар ана ҳалойиқ,
Қирғоҳда ҳам жой ийқ қўйгали қадам.
Хов сўнгги қайиқда одамлар тўлиқ,
Жуда зўр келибди эшкакчига ҳам.
Хов ана адирда шаҳарлик ёшлар
Бащангликда ўтар бири биридан.
Деҳқонлар ҳам чиқиб тор ўнгиридан
Байрамда бир яйраб рақс этабошлар.
Мен шулар ичида бўлурман шодмон,
Шу ерда севаман ўзимни инсон.

Вагнер

Мен учун сиз билан сайр этмоқ танҳо
Ҳам фойда келтирур, ҳам катта шараф.
Оддий ҳалойиқдан ўзимни аммо
Олиб юраман мен доктор, бир тараф.

Чунки қандай йиғин қилмасин деҳқон,
Охири бўлади жанжал, тўполон.
Улар тузган ўйин, чалган сибизга
Тамом бегонадир сиз билан бизга.

Деҳқонлар

(Аргувон тагида рақс этадилар)

Қизлар билан рақс этмоқ учун
Чўпон чиқди ясаниб у кун,
Камзуліга гул тақиб кўркам.
Аргувонлар остида ул кеч
Рақс қизирди бир зум тинмай ҳеч,
Тинмас эди ғижжакчилар ҳам.

Ўзни урди тўдага чўпон,
Туртинди бир қизга ногиҳон —
Кўрса, жонон — кўзлари оҳу.
Лекин унга деди жонон қиз:
«Кўзингизга қараб юрсангиз —
Бўлмайдими, нима қилиқ бу?»

Оlam недир чўпон унуди,
Жонон қизнинг белидан тутди,
Рақсга тортди чарх уриб чунон.
Қиз белига ботди билаги,
Ҳилпиради жонен кўйлаги.
Ҳансирар қиз, ҳансирар чўпон.
Қиз ёлборар: «Кўйиб юбор!» деб,
«Қилма менга севги изҳор,— деб,—
Алдоқчисиз ҳаммангиз, аён!»
Лекин йигит шавқи ортади,
Авлоқ ерга қизни тортади...
Ғижжак куйлар олисда ҳамон.

Ч о л

Ружсат беринг, доктор, халқнинг номидан
Сизга чексиз ҳурмат қилайин изҳор.
Шундай юксак шону илмингиз билан
Халқ ичра кезишдан қилмадингиз ор,
Биз ҳаммамиз сизни қилурмиз тавоф.
Мана бу қадаҳда лиммо-лим шароб,
Утингчимиз -- шуни қилгайсиз қабул,
Неча томчи бўлса ушбу қадаҳда,
Шунча йил оламда яшанг фараҳда.

Ф а у с т

Тилагингиз учун минг марта раҳмат,
Сизлар ҳам шунча йил бўлинг саломат.

Халқ уларни қуршайди.

Ч о л

Устоз, ёдимиздан чиқмайди асло
Сиз бунда жон фидо қилган у кунлар.
Хароб юртимизга келганда вабо,
Ҳар ёқни қучганда фарёдли унлар,
Вабо гўшасидан ҳакимлар қочиб
Ўликлар кўчада қолганда, ҳайҳот,—
Раҳматли отангиз жонидан кечиб,
Олиб келган эди бизларга нажот,
Ёшгина йигитча эдингиз у пайт,
Бунда келардингиз дорулар олиб.
Касаллар олдида тун бўйи қолиб,
Яна қайтардингиз соғу саломат.
Хасталарга мушфиқ бўлдингиз доим,
Шу сабаб асрари сизни худойим.

Ҳ а м м а

Хасталикни қўрманг мутлақо,
Согу омон бўлинг доимо.

Ф а у с т

Не учун сиз таъзим қилурсиз менга?
Бош өгинг шафқатни ато этганга.

(*Вагнер билан нари кетади*)

В а г н е р

Қандай қадри улуғ илму ҳикматнинг,
Бунда сизни ғоят қилурлар эъзоз!
Тангри берган шуур ҳамда меҳнатнинг
Эзгу самарини қўрмоқ қандай соз!
Сиз келдингиз гўё зулмат ичра нур,
Сиз келдингиз тўлди дилларга сурур.
Шодликдан дўппилар учди осмонга,
Ёшлар рақсадан тўхтаб боқар сиз ёнга.
Қаранг қандай ҳурмат, қандай эътибор!
Сизга йўл беришар саф чекиб қатор.
Дам ўтмай саждага эгилур бошлар,
Халқ тангри деб сизга сифина бошлар.

Ф а у с т

Анов ёнбагирга чиқайликчи, юр,
Бунда мен бир пайтлар сокинликда жим
Паришон қояда ўлтирас әдим,
Рўздан тан ориқ, кўнгил беҳузур...
Тангрига сифинар әдим дилимдан,

Даҳшатли вабодан этгин деб ҳалос.
Елборардим — қутқар юртни ўлимдан!
Нақадар зўр әди кўнглимда ихлос!
Қарагин кулгулик ушбу ҳолимга;
Букун биз ҳаммадан азиз кишимиз,
Хижолат бўлурман тушса ёдимга
Отам билан бунда қилган ишимиз.
Ажойиб бир феъллик зот әди отам,
Табият илмига борлиги-ла банд.
Турфа услуб ила тадқиқ әтса ҳам —
Умри кечди ҳалол, шул ишга пайванд.
Унинг эътиқоди әди алкимё,
Минг хил суюқликлар — минг хил колъбада.
Сафдошлари билан бир тор қулбада
Үймалашар әди саҳаргача то.
«Нилюфар» дердилар кумушнинг отин,
«Арслон» аталарди у тилда олтин.
Уларнинг «фарзанди мукаммали»га
Ном берилмиш әди «гўзал малика».
У жило берарди сирли зиёда,
Билардилар уни шифо деб, ҳайҳот,
Омон қолмас әди ёруғ дунёда
Бу турфа дорудан нўш этган ҳар зот.
Уни ичардилар сезмайин хатар,
Ўлганга боисдур паноҳи олам...
Шундай қилиб менинг раҳматлик отам
Элга қирон солди вабодан баттар.
Не дейин әнди бу ҳамд-саноларга,
Бунда қанча-қанча бегуноҳларга
Мен ўз қўлим билан берганиман заҳар.

Вагнер

Қўйинг устоз, ўзни койимоқ нега,
Аксинча шу билан ўринаксиз азал.

Сиз ҳар вақт оталар тажрибасига
Юксак эҳтиром-ла қилдингиз амал.
Отанинг маслаги фарзандлар учун
Ҳар нарсадан қутлуғ бўлмоғи керак.
Ахир ўғлингиз ҳам улғайиб бир кун
Сизнинг йўлингизни тутади бешак.

Фауст

Ул инсон баҳтиликим, бу зулмат аро
Хидоят йўлини излар дамо-дам.
Аён нарсалардан Фойда йўқ асло,
Сирлар дунёсига интилар одам.
Бас энди — гўзаллик, шодликдан қочиб
Нечун шундай оқшом чекмоқ изтироб?
Қарагин, кенгликка заррин нур сочиб,
Уфқлар ортига чўкмоқда офтоб.
Бу юртни тарқ этиб шамси коинот,
Ийроқ ўлкаларга қўймоқда қадам.
Не учун, не учун йўқ менда қанот?
Қуёшнинг кетидан қувлашиб учсан,
Алвои шуълаларга чўмиб борлигим,
Юксак тоғлар узра этсаму парвоз,
Ҳам соғ ирмоқларга бўлолсам ҳамрозв,
Ҳис этсан қуш янглиғ баҳтиёрглигим.
Қани насиб бўлса менга ҳам қанот!
Энг юксак чўққини бориб қучардим.
Кўргизиб камоли қудрату сабот
Чексиз уммонлардан ошиб учардим.
Шуъла дастурхонин йигиштириб кун
Беркинмоқ бўлганда тоғлар ортига,
Оқшом бўлганида уфқ лолагун
Мен қамчи босардим гайрат отига.
Ул сўнгги шуълага этиб олардим,

Күёш этагидан тутиб олардим.
Учардим, бошимда нилигун осмон,
Олдинда ёруғ кун, ортда қаро тун —
Остимда поёнсиз ложувард уммон...
Нечун қанотим йўқ, нечун йўқ, нечун?
Кўнгил парвоз истаб талпинади,— бу —
Барча одамзодга қадрдан туйғу.
Бағрини очганда беғубор само,
Қайлардадир тўргай қилганда наво,
Тиниқ куз фаслида дилрабо саҳар —
Арғимчоқ солгандা кўкда турналар,
Бургут қанот қоқмай кезганда фалак,
Кўкка учмоқ истаб талпинар юрак.

В а г н е р

Менинг ҳам сиз каби орзуладим мўл,
Аммо менда йўқдир бу янглиғ ҳавас.
Дилимни банд этар на ўрмон, на кўл —
Қуш бўлиб учмоқ ҳам муродим әмас.
Кўнглим тилагидир хаёл парвози,
Юрагим дардига китобдир малҳам.
Китоб ўйлағимнинг ёлғиз ҳамрози,
Унга ошинондири кечаларим ҳам.
Қувончдан фалакда учарман агар
Қўлга тушиб қолса нодир бир асар.

Ф а у с т

Сенга фақатгина битта тилак ёр,
Тамом бегонадир ўэга бир дунё.
Менинг кўксимда-чи, икки юрак бор,
Иккиси бир-бирин тан олмас асло.
Бири она ернинг меҳрига тўлуғ,

Вужудимни қилур тупроққа пайванд.
Бирининг оташи қүёшдан улуғ,
Парвоз әтмоқ бўлур юлдуздан баланд.
Қани энди фақат хаёлда эмас,
Чиндан маъмур әтса тақдирим мани,
Кўқда учолсайдим мен ҳам бир нафас,
Ўзга бир оламни кўрсайдим, 'қани.
Қани, бўлса менда сеҳрли бир тўн,
Кийсаму юксалсан йироқ ва йироқ.
Жулдор бўлганда ҳам у тўн мен учун
Шоҳлар либосидан эди авлороқ.

В а г н е р

Самовий руҳларни қўзгатманг фақат,
Чорлашини ҳаттоқи қилмангиз хаёл.
Улар одамзодга ёв әрур қаттол,
Ер узра сочурлар ўлим, фалокат.
Гоҳ улар шимолдан совуқ ел бўлиб,
Ўқдек тешиб ўтар баданларимиз.
Гоҳида жанубдан гармесел бўлиб,
Ҳазон әтар боғу чаманларимиз.
Гоҳида машриқдан келгувчи сабо —
Дард олиб келадир, дардки бедаво.
Гоҳ келур магрибдан булатлар гала,
Қуяр бошимиздан даҳшатли жала.
Зулмат руҳларига ишонманг асло,
Гарчи кўринса-да фаришта бўлиб,
Жилва қилсалар-да нурланиб, кулиб,
Улар келтирурлар ўлим ва бало.
Хўш, энди кетайлик. Тушди салқин ҳам,
Туман кўрласига бурканди олам.
Ўйда ўлтиromoқ соз бундай паллада.

Дарвоқе, шу тобда нимага бундоқ
Тикилиб қолдингиз, азизим, узоқ?

Ф а у с т

Кўрдингми, бир лайча чопар далада?

В а г н е р

Кўрдим. Нима бўпти, оддий бир кучук.

*Ф а у с т

Диқат қил, нима ул, айланур нечук?

В а г н е р

У — адашган лайча,— одатий нарса,
Эгасини излаб юрибди, аён.

Ф а у с т

Борган сари торроқ айлана ясаб,
Яқинлашиб келар, қара, биз томон.
Мени алдамаса агарда кўзим,
Кўринмоқда ундан қолган ўтли из.

В а г н е р

Ахир, қаршимизда лайчанинг ўзи,
Чиндан алдамоқда балки кўзингиз.

Ф а у с т

Ҳамон теграмизда юрибди кезиб,
Қарагин, жодули кўзлари бизда.

Вагнер

Йўқ, у қўрққанидан думини қисиб
Кетолмай айланур атрофимиизда.

Фауст

Айлана қисқарар. Келдил Тўхта, бас!

Вагнер

У оддий лайча-ку, шарпа, руҳ әмас.
Ана, акиллади, ана, ётибди.
Ит итлигин аён қилаётибди.

Фауст

Тўхта! Қўрқма, кучук! Бери кел дарров!

Вагнер

Ажойиб ит экан, олов-а, олов!
Қулогин динг қилиб қараб туради,
Тўхтасак тўхтайди, юрсак юради.
Ўргатилган ит бу — қаранг, ўлтирас,
Бирор нарса ташланг,— дарҳол келтирас.

Фауст

Муъжиза йўқ бунда, фикринг ҳақиқат.
Оддий лайча экан,— машқ кўрган фақат.

Вагнер

Олимга ҳам эрмак учун ҳар нечук
Керак ўргатилган шундай бир кучук.

У талабалардан дарс олган чоги,—
Кўриниб турибди улар сабоги.

Шаҳар дарвозасига киурулар.

ФАУСТНИНГ ИШХОНАСИ

Фауст ит билан кириб келади.

Ф а у с т

Туман ичра чулғаниб ётган
Далаларни тарқ әтдим, мана.
Кўксим аро тўлғаниб ётган
Ҳислар қалқиб чиқмоқда яна:
Ором топди кўнгил түфёни,
Таскин берди илоҳий сеҳр.
Юрагимда яна уйғонди
Тангри ила инсонга меҳр.

Ҳеий, ит, кўп югурма, жим бўл бир нафас,
Ҳадеб остоини искамоқ нечун?
Қани, бурчакка кир, тек ёт, энди бас,
Мана ёстиқ, ухла, ташқарида тун.
Сакраб-чопиб роса ўйнадинг, етар,
Бу ер дала эмас, кўп бўлма нодон.
Изватингни билгин, шўхсан бунчалар?—
Ахир сен бу кеча уйимда меҳмон.

Борлиқ узра чўкмиш зулумот,
Еритмоқда кулбамни зиё.
Ишхонамнинг ўзимас фақат,
Юрагим ҳам ёришар гўё.
Вужудимга тафаккур әга,
Яна ортур кўнгил ташнаси.
Яна мени тортар ўзига

Тирикликнинг зилол чашмаси.
Ҳей ит, бас қил итлик ашуласини,
Бўлди, кўп фингшина, билиб ёт жойинг.
Мени асир этган илҳом сасини
Бўғмоқдадир сенинг хунук хиргойинг.
Сен-ку ит, одамзод феъли ғалати —
Ҳаргиз чин донишдан кулмоққа тайёр.
Ўзидан баландга ҳуриш одати
Ажабо, наҳотки итларда ҳам бор?

Воҳ, тарқ этди яна иштиёқ,
Яна ҳоким сўнник кайфият.
Борлигимни әгаллар ҳар чоғ
Илҳомдан сўнг шундай сукунат.
Шундай әкан ҳамиша аҳвол:—
Гоҳ парвозда, гоҳ афтодаҳол.
Лекин бордир бу дардга малҳам —
Адашганинг ёруғ юлдузи,
Бу — илоҳий каромат сўзи —
Янги Таълим ичра бўлмиш жам.
Қаршимдадир мана ул ўзи —
Қудрати зўр бу замонда ҳам.
Банд айлади мени каромат,
Энди қилиб сабру қаноат —
Бул китобда бўлса ҳар нима,
Немисчага қиласай таржима.

(Таржима қилиши учун китобни очади)

«Даставвал Сўз бўлган». Илк сатрданоқ
Мени лол этди-ку мураккаб жумбоқ,
Нима бўлди әкан бунинг маъноси?
Наҳот сўз оламнинг бўлса асоси?
«Дастлаб Идрок бўлган». Таржима мана.

Матне маъносига шу сўз яқинроқ,
Лекин ўйлаш керак. Бисмиллоданоқ
Ишни расво қилиб қўймайлик яна.
Йўқ идрок борлиқнинг замари эмас,
«Дастлаб Қудрат бўлган». Қолгани алас.
Яна юрагимга иштибоҳ солдим,
Яна ҳайронликка учрадим қолдим.
Йўқ, қудрат ҳам эмас, қилибман хато,
«Дастлаб Амал бўлган». Шу асли маъно.

Ҳайдалишни истайсан наҳот?
Ғингшима, жим ёт.
Бўлай десанг мен билан ҳамдам,
Қутурма, ошнам.
Бу аҳволда ишлаш мумкинмас,
Вовуллама, бас.
Илож йўқми — ҳал қилмоқ керак:
Ортиқчамиз биттамиз, демак.
Кетмоқ керак сенга ё менга,
Мана, эшик, қани, марҳамат!

Воҳ, ажабо, бу нечук ҳолат!
Ўнгимми бу, тушимми экан?
Ит тобора бўлмоқда улкан.
Ўсаётир эну бўйига
Ўсаётир шинга қадар то.
Қандай маҳлуқ кирди уйимга,
Йўқ, бу итмас, бегемот гўё.
Ўт чақнаган қўзвари даҳшат,
Ҳа, англадим, бу албатта жин!
Менга мадад бермоғи мумкин
«Сулаймоннинг мифтохи» фақат.

Ж и н л а р

(*Tашқарида*)

Бир дўстимиз тутқунда —
Йўл йўқ ичкари.
Лек ёрдамга шай бунда
Жинларнинг бари.
Айланиб учмоқ керак,
Гоҳ паст, гоҳ баланд.
Бизлар ҳаракат қилсак,
У бўлмагай банд.
Қани берайлик ёрдам,—
Биздан умидвор.
Ёрдам қилганди у ҳам
Бизга неча бор.

Ф а у с т

Даф қилганда махлуқ, мададкор —
Мифтоҳ аро тўртта дуо бор:

Саламандра, ён,
Үндина, мавж ур.
Сильф — сочил ҳар ён,
Кобальд — ишлаб тур.
Кимга бу дуо
Бўлмаса ошно,
Ким сеҳр кучин
Ўз нафи учун
Билмаса агар,
У не афсунгар?
Ўзни ўтга ёқ,
Саламандра,

Жилғаларга оқ,
Ундина,
Юлдуз бўлиб боқ,
Сильфидা,
Уйга қараашмоқ —
Сенга, Инкубус,
Бекалар муштоқ
Сенга, Инкубус.

Йўқ! Бу тўрт унсурнинг бирортаси ҳам
Бу махлуқда эмас мужассам.
Ана у ётибди бемалол,
Бу не ҳол!
Агар
Мен айтган дуолар қилмаса асар,
Булардан ҳам зўрроқ бир дуо керак.
Қаршимда — жаҳаннам қувғиндинисидур.
Шошмай тур!
Мана бу муқаддас белгига бир боқ,
Сенек гумроҳларга солгай у титроқ.
Ана, белги уни даҳшатга солди,
Қўрқувдан қалтираб ҳурпайиб қолди.

Эй даҳшат бало,
Ҳурпайдинг нечун?
Англадингми ё
Яратилмаган,
Ҳеч ким билмаган,
Ҳаммамиз учун
Эрк ато қилган
Ҳамда биз учун
Бутга тортилган
Тангрининг кучин?
Бурчакка қисилиб,

Не даҳшатки бул,—
Худди филдай бўлиб
Ўсаётир ул.
Чулғамоқда тутун
Еру самони,
Тўлдиргудек бутун
Борлиқ дунёни.
Эй сен дўзахий руҳ,
Буюрдим сенга:
Жим ёт, руҳи макруҳ,
Тобе бўл менга!
Ўқишимни кутма
Уч карра дуо.
Менда бор, унутма,
Оташи худо.
Йўқотурман беиз,
Етгай иқтидор.

Тутун тарқалиб, печка орқасидан дарвиш кийимида М е ф и с т о -
Ф е л ь чиқади.

М е ф и с т о Ф е л ь

Дўқ нечун? Қулингиз
Хизматга тайёр.

Ф а у с т

Ажабо, кулкулик сир бўлди ошкор,
Ит бўлиб кўринган дарвиш экан-да?

М е ф и с т о Ф е л ь

Этай, улуғ олим, хурматим изҳор,
Роса қийнадингиз сиз мени бандда.

Фауст

Исминг нима?

Мефистофель

Нечун бу майдада сўроқ?
Сўз сен учун ахир ҳеч нарса әмас.
Сенга фақатгина амал муқаддас,
Бас, ие керак сенга исмимни билмоқ?

Фауст

Ҳар амалнинг ўзга номи бор аммо,
Англаб олмоқ учун сенинг зотингни
Билмоқ кифоядир фақат отингни.
Жинмисан, шайтонми, иблисмисан ё?
Кимсан, айт!

Мефистофель

Мен харгиз ёмонлик тилаб —
Яхшилик қилғувчи кучнинг бир қисми.

Фауст

Оддийроқ қилиб айт — нимадур бу гап?

Мефистофель

Мен инкор руҳиман, инкор қилишни
Қасб қилиб олганман — коинот абас,
Гангри не яратмиш бари керакмас,
Барини йўқотмоқ истагим-сўзим

Хуллас, сиз ёмонлик дея атаган —
Бузиш, беомонлик дея атаган
Куч — менинг ўзим.

Ф а у с т

Сен қисмман дединг, сўйла не учун?
Ахир рўпарамда турибсан бутун.

М е ф и с т о ф е л ь

Мен ҳақиқат сўзин айтдим камтарин,
Манманлик — бу гофил одамзодга хос.
Бутун деб биларлар улар ўзларин,
Мен эсам қисмнинг қисмиман холос.
Ҳа, мен бир бўлакман. Нимадир бутун?
Бу — тун. Бир замонлар борлиқни бутун —
Чулғаб олган зулмат! У яратди нур,
Нур энди зулумот билан курашур.
Туқдан онасини енгмоқ бўлар у,—
Аммо ниятига етолмас ёғду.
Жисмлар сиртидир унинг макони,
Жисмлар — жисмидир унинг ва жони!
Вақт келиб оламдан йўқолса жисм,
Борлиқда қолмагай нур деган исм.

Ф а у с т

Мана, энди менга кимлигинг маълум.
Йўқота олмагач оламни буткул —
Майда нарсаларга қилурсан ҳужум.

М е ф и с т о ф е л ь

Рост айтсам, бу иш ҳам нақадар мушкул.
Поён билмас Йўқлик олами аро
Кичкина заррадир бу Борлиқ дунё.
Уни йўқотмоққа уринмай неча,
Ҳануз устивордир, кор қилмас пича.
Унга юбордим мен чақмоғу бўрон,
Даҳшатли зилзила, ёнгину тўфон.
Аммо асар қилмас коинот учун,
Уммонлар жойида, қуруқлик бутун.
Парранда, ҳайвонот, бари одамзод,
Қанча қирон солмай, бўлмади барбод.
Уларнинг одати — насл қолдирмоқ,
Шу боис тириклик бўлмайди тамом.
Тагин ҳам бўлмайди тоқатларим тоқ,
Тагин ҳам касбимни қилурман давом.
Қаён боқма:— ерда, сувда, ҳавода
Ҳаёт куртаклари мангу намоён.
Яхшики олов бор экан дунёда,
Йўқса қолмас эди мен учун макон.

Ф а у с т

Қара-я турфа бу тутган йўлингни,
Демак, оламда не курашар, яшар,
Ҳашарот, парранда, жондору башар...
Барига кўтардинг машъум қўлингни.
Эй зулмат фарзанди, ўзингга бўлак —
Дурустроқ касбу кор танлашинг керак!

М е ф и с т о ф е л ь

Үйлаб кўриш мумкин. Бу ҳақда бироқ
Бафуржа гаплашсан бўлур кейинроқ.
Менга ижозат бер әнди кетмоққа,

Фауст

Нима кераги бор сенга рухсатнинг?
Кета бер майлига истаган ёқقا,
Келиб тур гоҳида бўлса фурсатинг.
Хўп, хайр. Марҳамат, бу ёқда эшик,
Мана дарча, мўри. Бор туйнук тешик
Сенинг хизматингда. Бора бер, рухсат.

Мефистофель

Бу ердан чиқмоғим мушкулдир фақат.
Анов остонага чизилган тасвир
Қилаётир чиқмоқ йўлин муаммо.

Фауст

Бу пентограмма. Уйга сен аммо
Остонадан ўтиб кирдинг-ку ахир.

Мефистофель

Шаклни нотўри чизгансиз андак,
Икки ён чўзилиб иккита бурчак
Ўртадан киришга йўл қолган, қаранг.

Фауст

Сени асир қилди тасодиф, демак,
Қўлимда тутқунсан, ҳолинг, демак, танг.
Бундоқ омадин ким қилибди хаёл?

Мефистофель

Ит ўтмоғи мумкин сакраб bemalol
Ва лекин шайтоннинг йўриғи бўлак:
Қаршимда белги бор — менга берк йўлак.

Ф а у с т

Мана, дераза бор — кета бер.

М е ф и с т о Ф е л ь

Бироқ —
 Қайдан кирған бўлса шу ердан чиқмоқ,—
 Жину шайтонларга азалий қонун,
 Уни буза олмас ҳеч қандай малъун.

Ф а у с т

Демак, дўзахнинг ҳам қонунлари бор,
 Буни билиб қўймоқ албатта дәркор.
 Мумкиндири сен билан шартнома туэмак.

М е ф и с т о Ф е л ь

Бизда асло бўлмас аҳдини бузмак.
 Неки ваъда қилсак бизлар доимо
 Вақтида ҳеч сўёсиз қилурмиз адo.
 Сўйлашурмиз ҳали учрашиб такрор,
 Ҳозир қўйиб юбор — кетмоғим даркор.

Ф а у с т

Қаёққа шошурсан,— тўхта бир нафас,
 Менга у дунёнинг эртакларин айт.

М е ф и с т о Ф е л ь

Мен яна келаман, ҳозир вақтимас,
 Суҳбат қуражакмиз яйраб ўша пайт.
 Ортиқ тутма мени.

Ф а у с т

Кизиқ бу сўзинг,
Сени тутган менмас,— илиндинг ўзинг.
Бу гал озод этсам сени мабодо,
Қайтиб илинмассан балки ҳеч қачон.

М е ф и с т о Ф е л ь

Хўп, қилганим бўлсин истагинг бажо,
Яна бироз бўлай уйингда меҳмон.
Мени ўз ҳолимга қўюрсан аммо,
Истаганча қилгум сени шодмон.

Ф а у с т

Не қилсанг қила бер, сенда ихтиёр,
Фақат мени яйрат, дилим ёз бир бор.

М е ф и с т о Ф е л ь

Яйратганим бўлсин,— бир неча фурсат
Дил ёзгач, топурсан бир йиллик лавзат.
Тингларсан жинларнинг ашуласини,
Банд этгай афсунгар бир шуъла сени.
Борлиғингни берсанг ул сирли унга,
Нур севгучи кўзу әшитар қулоқ,
Таъм билгувчи оғиз, бўй билгич думоқ —
Бари асир бўлгай ўшал фусунга.
Фурсат керак әмас ҳозир бўлгани,
Ҳаммамиз тайёрмиз. Бошладик қани.

Ж и н л а р

Садпора бўлсин
Хонаи зулмат.
Яйрасин, кулсин
Кўргузиб талъат
Мовий самоват.
Кўк юзин тутар
Қора булатлар,
Булат оралаб
Юлдуз мўралаб
Излайди нажот.
Булатдан баланд
Чексиз фалаклар
Бир-бирга монанд
Учар малаклар —
Кўк ўғлонлари.
Курраи олам
Ям-яшил гилам.
Гўзал ёз чоғлар —
Тоғлар, ўтлоқлар,
Боғ, бўстонлари
Япроқлар ёзиб,
Янги куртаклар,
Айтар ишқ розин
Севган юраклар —
Пинҳон маҳфилда.
Ширин висоллар,
Ширин хаёллар,
Ваъдаи вафо
Ҳам сирли наво
Тилда ва дилда.
Эзгичдан тошиб
Улкан хум томон

Отилгансимон,
Кўпиреб шошиб
Узум шарбати,
Чўққидан тушиб
Ошиб даралар,
Гумбурлар жўшиб
Шўх шаршаралар —
Буюк шиддати,
Шиддат ила ул
Интилар пастга.
Пастда мовий кўл
Жимиirlар аста,
Қамишлар куйлар.
Бунда бир томон
Поёнсиз ўрмон —
Шитирлаб елда
Минг битта тилда
Қайнилар сўйлар.
Бунда тонгдан то
Оқшомга қадар,
Бўлмайди адo
Ўйин ва лапар,
Кулар ер, осмон.
Кўнгиллар қувноқ,
Бўсалар қайноқ.
Сўнгги йўқроҳат,
Айшу фароғат
Бунда ҳукмрон.

М е ф и с т о ф е л ь

Ана, ухламоқда у тинч, беозор,
Жинларим, мен сиэдан доим миннатдор.
Сиазлар кўрсатдингиз ажойиб санъат.

Ҳа, шайтонни тутмоқ осон иш әмас.
Қўшиқ айтиб туринг яна бир нафас,
Токи маҳкам олсин бағрига гафлат.
Мана бу шаклни йўқотмоқ әса
Каламушнинг иши,— кемиргай дарҳол.
Ана, келиб қолди кутдирмай, яша!
Нажоткорим сенсан, менга қулоқ сол!
Каламуш — қурбақа, сичқонлар хони,
Бургалар, каналар, битлар хоқони—
Сенга буюрмоқда — ҳузуримга кир,
Анов оstonада белги бор — кемир.
Томизиб тураман мен у ерга ёғ,
Йўқотмасанг бўлмас — у менга тузоқ.
Тезроқ бўл! Қатраси қолмасин фақат,
Яна жиндек қолди, яша азамат,
Бўлди. Ердам учун ташаккур катта.
Мен кетдим. Ухлай бер, Фауст, роҳатда.

Фауст

(үйғониб)

Яна гафлат ичра алдандим наҳот!
Наҳот ухлаб қолдим мен тентак, нодон.
Тушимда келибди қошимга шайтон,
Ит эса хонамдан қочибди, ҳайҳот!

ФАУСТНИНГ ИШХОНАСИ

Фауст ва Мефистофель

Фауст

Эшик тақиллади! Ким яна, э воҳ,—
Тинчимни бузмоққа келмиш? Кира қол.
Кимдурсан?

М е ф и с т о ф е л ь

Мен келдим.
Ф а у с т

Киравер, гумроҳ!

М е ф и с т о ф е л ь .

Уч марта айтмасанг кирмогим маҳол.

Ф а у с т

Кир!

М е ф и с т о ф е л ь

Мана, қаршингда бўлдим мен пайдо,
Келишиб олурмиз бизлар икковлон:
Не ғам-андуҳ бўлса қўнглингда, ишон,
Баридан бўлурсан, дўстим, мусаффо.
Қўр, мана, мен қандай кийиниб олдим,
Эгнимда зар ила тикилган камзул,
Елкамда ёпинчиқ,— тоза шоҳи бул,
Тилла нақшин қинга шамширни солдим.
Теллагимда эса хўроznинг пати,
Шунча бўлар битта йигит келбати.
Сен ҳам шундай кийин, қулоқ бер менга,
Ҳаёт ўз кўркини очажак сенга.

Ф а у с т

Қай либосда бўлмай, барибир қалбим
Сезажак не гусса бўлса дунёда.

Елғиә сафо учун кексайиб қолдим,—
Беҳаваас бўймоққа ёшман зиёда.
Не берур мен ўзим билмаган олам?
«Тобе бўл, сабр ила чека бер алам!»
Шу — тақбир бизларга азал ибтидо,
Шу — мангу қулоқда янграган нидо.
Болаликдан қилдик шуни қироат,
Панду насиҳатдан тоқ бўлди тоқат.
Ҳар тонг юрагимда бир ғамли туйғу:
Янги қун баҳт бермас, ишончим комил,
Биламан, ушалмас бирорта орзу,
Бирорта муддао бўлмагай ҳосил.
Билъакс, соғ ҳисларни қилгай у забун,
Неки бўлса менга энг олий, сара,
Барчасини "этар остину устун,
Терсини кўрсатиб қилас масхара.
Тун чўкиб борлиқни қучар сукунат,
Аммо юрагимда бетинч ғалаён.
Кечамда ором йўқ, тушларим даҳшат.
Ўрнимдан тураман сапчиб ногиҳон.
Ажаб, кўкрагимда макон тутган ҳақ
Ҳоким экан фақат ўй хаёлимда.
Аммо неки бўлса борлиқ оламда
Ҳукми ўтмас экан унинг, муҳаққақ.
Шу боис ҳаётдан ювганиман қўлим,
Шу боис ўлимга ташнадир кўнглим.

М е ф и с т о Ф е л ь

Яхши меҳмон эмас ва лекин ўлим.

Ф а у с т

О, қандай саодат, ўлимга ногоҳ —
Дуч келса одамзод жанг майдонида.

Ва ё бу оламдан бўлмайин огоҳ,
Дилбар оғушида ётган онида.
Мен ҳам баҳти эдим унга дуч кёлсам —
Кеча руҳ васлига восил бўлгай дам.

М е ф и с т о ф е л ь

Насиб бўлар эди сенга бу фараҳ,
Ичилганда агар кечаги қадаҳ.

Ф а у с т

Демак, айғоқчисан, касбинг жуда мос.

М е ф и с т о ф е л ь

Қомусул аъламмас, билгичман холос.

Ф а у с т

Кеча мени алдамиш наҳот
Илоҳий ул айём куйлари.
Мени йўлдан қайтармиш, ҳайҳот
Болаликнинг ширин ўйлари.
Лаънат бўлсин авраб инсонни
Аллалаган ўшал туйғуга.
Лаънат бўлсин табаррук жонни
Тан горига солган додуга.
Лаънат, адо қиласувчи бизни
Кўнгилдаги такаббурга ҳам.
Лаънат, мурғак ҳисларимиэнни
Алдагувчи тасаввурга ҳам.
Лаънат сенга, бизни банд этган
Турмуш ўйи, оила, шуҳрат...
Лаҳза бизни сарбаланд этган

Ширин тушлар, сизга ҳам лаънат!
Сенга ҳам, эй бойликка ружу,—
Лаънат бўлсин бутун умрга.
Лаънат бўлсин муҳаббатга-ю,
Шароб берган тотли сурурга.
Лаънат сенга, ширин хаёлот,
Не ғулувлар солгувчи бошга.
Барчасига чидармиз ҳайҳот,
Лаънат бўлсин сабру бардошга

Жинлар қўшиғи

(пинҳона)

Оҳ, бу не алам,
Бу не бало, дод!
Кулбай олам
Бўлди-ку барбод!
Вайрона қиласи
Сен отган лаънат,
Чилпарчин бўлди
Гўзал иморат.
Тангри монанди
Эй одамизод!
Сен энди янги
Қаср айла бунёд.
Ўзгача бўлсин
Сен қурган бино.
У маскан қилсин
Юрагинг аро.
Мақсадинг сари
Дадил қўй қадам.
Шодлик куйлари
Янграсин бардам.

М е ф и с т о ф е л ь

Жажжи жинларим
Куйлар, тингла жим.
Куй тўла ақл,
Мағзини чаққил.
Дерлар:— Одамзод,
Кишанларни от.
Оlamга кўз оч,
Тор кулбангдан қоч.

Гуссаларни унут, ўзни фарруҳ эт,
Бошингда қузғундек чарх урмагай гам.
Қанчалик бемаъни бўлмасин муҳит,
Барибир одамсиз яшолмас одам.
Тўпори даврага бошламам, ишон,
Улфатлар топурмиз суҳбати аъло.
Гарчи мен одий бир камтарин шайтон,
Лекин зериктирмам сени мутлақо.
Кел, қилиб олайлик икков маслаҳат,
Ҳаёт йўлларидан ўтмоққа бирга.
Мен ҳамроҳинг бўлсан қочгувси кулфат,
Қайғу кўрмагайсан бутун умрга.

Ф а у с т

Эвазига нима сўрайсан мендан?

М е ф и с т о ф е л ь

Ҳисоб-китоб кейин, ҳали фурсат бор.

Ф а у с т

Не қилса шайтонсан, албатта сендан
Холис бир илтифот кутмасман зинҳор.

Ҳаққингни айт, бугун бўлиб иттифоқ,
Эрта орамизга тушмасин нифоқ.

М е ф и с т о ф е л ь

Сенга бу оламда бўлурман маҳрам,
Барча истагингни айларман бажо.
Ҳаққига нариги дунёда сен ҳам
Менинг хизматимни қилурсан адо.

Ф а у с т

У дунё қайғуси менга бегона.
Бу олам мен учун бўлгач вайронা,
Бошқа олам билан қолмагай ишим.
Мен замин ўғлиман,— шунда ягона
Менга ошицодир ғам, шодиёна.
Бу ёруғ дунёдан бўлгач равона —
Менга қолса ўтга туташсин жисмим.
Қанча сўйласинлар боқий дунёни,
Мен асло қизиқмам, недур у дунё,
Ишим йўқ, қайдадир унинг поёни,
Қайда ибтидо-ю, қайда интиҳо.

М е ф и с т о ф е л ь

Жуда соз, шу бўлса сендаги имон,
Демакки, ишимиз кўчади осон.
Сенга шундай нарса қилайки ато,
Уни кўрмагандир бу ёруғ дунё.

Ф а у с т

Ажабо, шайтондан хайр ила әҳсон!
Не бера олардинг менга, бечора?

Билармисан, нелар истайди инсон?
Унинг орзуларин тушунсанг зора!
Сен таом берурсан, тўймоқ йўқ унга,
Сен олтин берурсан, йўқ унга бақо,—
Симобдай тутқусиз, келмай қўлингта,—
Ўзга чўнтағига қочар доимо.
Сен қимор берурсан,— ютмоқлик йўқ ҳеч,—
Сен шуҳрат берурсан,— бир лақзалик у,
Менга ёр берурсан,— бағримда ҳар кеч
Ўзга бир йигитни қиласи орзу.
Неъматинг асрори менга аёндир:
Бугун куртак ёёса, эрта хазондир.

М е ф и с т о ф е л ь

Ҳа, булар барчаси иқтидоримда,
Истасанг берурман,— ихтиёримда.
Аммо сабр қилу муҳлат бер менга,
Лазизроқ неъмат ҳам берурман сенга.

Ф а у с т

Шунча лазиз бўлса сен берган таом,
Мен ўшал неъматга оғушта бўлсам,
Лаззат тўшагида олсаму ором
Шуҳрат гултожида шавқларга тўлсам,—
Унутсам оламни,— майлига ўлсам,
Майли ўша онда мени олса ер.

М е ф и с т о ф е л ь

Эсда тутажакмиз!

Ф а у с т

Майли, қўлни бер!
Агар мен бир онни улуғлар бўлсам,

«Тўхта, әй сония!»— деб айтсам агар,
Сенинг тутқунингман майли ўша дам,
Сен сайёд бўлурсан — овга муссар.
Ихтиёр сеники бўлур у кунда,
Менинг ихтиёрим — ҳукмингни кутмоқ.
Гўхтасин умримнинг соати шунда,
Мен учун чалинсин сўнгги қўнгироқ.

М е ф и с т о ф е л ь

Гапларингни албат сақлагай ёдим.

Ф а у с т

Ҳеч сўздан қайтиш йўқ, бўлгин хотиржам.
Тафаккур қилишдан агар тўхтасам,
Барибир әмасми жоним олса ким.

М е ф и с т о ф е л ь

Келишдик, докторлик базмida буқун
Садоқатлар билан қилурман хизмат.
Гап битта ва лекин эҳтиёт учун
Бериб қўйгин менга икки әнлик хат.

Ф а у с т

Ажабо, не учун бундоқ расмият,
Не учун қофозга шунча зарурат?
Демак, сенга зарур ҳужжатнинг ўзи,
Сен учун икки пул одамнинг сўзи.
Билгинки, инсонда субут бўлса оз,
Ёрдам бера олмас ҳеч қандай қофоз.
Аксинча, қофозлар гирдоби аро
Ҳали ҳам инсоннинг сўзи муқаддас.
У ўша сўз учун, қофоз учунмас, —

Қурбон бўлмоққа ҳам тайёрдир ҳатто,
Таажжуб қиласман, нечун одамлар
Эътиқод қилурлар ҳатга, муҳрга.
Қоғоз — фақат қоғоз, сўз эса гавҳар,
Қоғоз — йиртилгунча, сўз-чи — умрга.
Хўш, энди сен айт-чи не билан ёзай?
Қаламми, чўккичми ё мўйқалам, ҳал...?
Қоғозга ёзайми, харсанг тош қалай?
Еки мармаргами? Қай бири афзал?

М е ф и с т о ф е л ь

Фигонинг фалакка чиқмасин, шошма,
Мана, тайёр, етар бир парча қоғоз.
Бир томчи қон билан шу қоғозга ёз.

Ф а у с т

Ана холос! Шуми? Ола қол, ошна!
Шарт деган әвида бўлса-да бир оз.

М е ф и с т о ф е л ь

Қон — ўзгача шарбат, сира бекиёс!

Ф а у с т

Қўй, ўринсиз шубҳалардан кеч,
Сеникиман, алдамасман ҳеч.
Гаровдадир ҳаётим фақат,
Наҳот бўлса у менга қиммат?
Ҳаётим ие, менинг ўзим ким?
Инсонликдан ягона фахрим —
Коинотга бергувчи тузум
Буюк руҳ-ла сўзлашдим ўзим.
У назарга илмади мени,

Ҳатто писанд қилмади мени.
Менинг учун олам жумбоқдир,
Тафаккурдан жуда йироқдир.
Китоблардан қайтди ихлосим,
Энди менинг бор эҳтиросим —
Юрагимнинг бор шавқ гайрати —
Сенга бўлсин олам лаззати.
Ол бағрингга, замон тўфони,
Саргузаштлар қучогига от.
Шавқу дардга тўла дунёни,—
Шодликни ҳам, ғаму жафони,
Висолни ҳам ҳижрон балони
Берсинг менга борича ҳаёт.
Элтса фақат шиддат карвони,
Ўзлигинн топур одамзод.

М е ф и с т о ф е л ь

Истагингга йўқ сира тўғон,
Иштиёқда урганда юрак,—
Шодлик гулин узмоқ бўлган он
Бўлма фақат уятчан гўдак,
Дадил бўлу юлгин беомон.

Ф а у с т

Йўқ, шодликмас мендаги тилак,
Мен тилайман довул ва бўрон.
Менга ҳислар оташи керак,
Керак менга ўртагувчи жон.
Сўнди менда китобга истак,
Кўл чўзурман халойиқ томон.
Тор қафасдан қутулган юрак
Эл дардига бўлсин опшиён.
Ҳа, уларнинг ғам, кулфатлари,
Шодликлари, уқубатлари,

Кўз ёшлари, кулгулари ҳам
Юрагимда бўлсинлар ҳамдам.

М е ф и с т о ф е л ь

Тириклик, бу — мисоли чандир,
Минг йилларким, тишларим банддир.
Уни чайнаб ютмоқ душвордир,
Ҳеч ким эмас бу ишга қодир.
Бу оламни қамрамоқ бутун
Амалидири ёлғиз тангрининг.
Хонаи ҳақ ёруғ туну қун,
Бизлар учун борлиқ нилигун.
Ва лекин сиз — одамлар учун
Тангри бермиш тучу кунни тенг.

Ф а у с т

Мен қодирман аммо!

М е ф и с т о ф е л ь

Бу жуда ҳам соз!
Лекин жуда олис камолот йўли,
Берилган умр эса ҳаддан зиёд оз,
Зарур садоқатли ёрдамчи қўли.
Мададкоринг бўлсин, сен шоирни топ,
Унинг таълимига жон қулоғинг ос.
Барча фазилатлар сенга бўлгай хос:
Шердай мард бўлурсан, алқордай шитоб,
Шведдек устивор, румликтай хассос.
У ўргатар ўзда қиалмоқликни жам
Мунофиқликни ҳам, тўғриликни ҳам.
Сўнг ўйлаб тузилган режага монанд

Сени қилар севги риштасига банд.
Фикрингда жам бўлур бу мавжуд дунё,
Ўзинг микроскосма бўлурсан танҳо.

Ф а у с т

Мен кимман ҳам нечук бўлурман одам,
Агарда одамзод қилгувчи ҳавас —
Орзулар тожига ета билмасам?

М е ф и с т о ф е л ь

Сен — ўзингсан, ўзга ҳеч кимса әмас.
Миллион жингалаклик соч тақсанг гарчанд,
Пошиангни бир қарич кўтарсанг баланд,—
Барибир — ўзингсан, уринмоқ абас.

Ф а у с т

Демакки, билимлар маҳзани аро
Терган дурларимнинг барчаси бекор?
Демак ночор әдим, мен ҳануз ночор,
Заррача камолот бермабди дунё?
Бир қилча ўтмабман ўзимдан нари,
Бир қадам қўймабман чексизлик сари?

М е ф и с т о ф е л ь

Калта ўйламоқдир бандалар иши,
Сен ҳам бошқалардан эмассан ортиқ.
Бор әкан кўксингда ҳаёт оташи,
Сенга тангри бермиш омонат тортиқ,—
Сен ундан фойдалан, фурсат ғанимат.
Нечун бу дунёдан излаш ҳақиқат?
Ўзингники сенга берилган бу бош,

Ўзингники елканг, қўлинг, оёғинг.
Ҳуккум фармонингда не бўлса йўлдош,
Демак, бу сеники, лозим билмофинг.
Агар аравамга олти от қўшсам,
Қайга бурсам учса тўртта филдирак,
Демак, меникидир шу учқур қадам,
Йигирма тўрт оёқ меники, демак.
Қоронғу кулбангни тарқ эт энди, бас.
Мен билан бирга юр, кезайлик жаҳон,
Китоб бандаси, бу — бошвоқсиз ҳайвон,
Юлқиниб чопишдан ўзганни билмас.
Атрофида не бор — йўқ унда ҳавас,
Гулу чечакларни қиласудор пайҳон.

Ф а у с т

Қаёққа борурмиз?

М е ф и с т о ф е л ь

Кўз кўрган ёққа!
Қани бўл, бу ердан кетайлик тезроқ.
Бас, етар, термулиб қора чироққа,
Ғанимат дамларни бекор ўткармоқ.
Сенинг таълимингдан азобдир фақат
Бунда ўзингга ҳам, толибларга ҳам.
Сомон янчмай қўйсанг бўлмагайсан кам,
Ҳамкасбингга бўлсин бу бенаф меҳнат.
Не ҳам айтар эдинг шогирдларингга
Китобда ёзилган гаплардан бўлак?
Дарвоқе, улардан биттаси сенга
Дарс истаб келмоқда, ана у гўдак.

Фауст

Бемаҳал келибди, ҳозир вақтим йўқ.

Мефистофель

Кўй, бола умиди бўлмасин барбод.
Кира берсин, сенинг кўнглинг бўлсин тўқ,
Урнингга мен ўзим бўлурман устод,
Тақя, ёпинчиқни бу ёққа узат.

(Фаустнинг кийимларини кияди)

О, қандай ярашди кийиминг менга,
Йўлга шайлаға бер, бор жавоб сенга.
Шогирд билан ўзим қилурман суҳбат.

Фауст чиқади.

Нимадир тафаккур, инсон қудрати!
Йўқ энди сен учун улар қиммати.
Ўзни алдамоққа йўл берсанг, инсон,
Менинг қўлимдасан шунда бегумон.
Унинг феъли маълум, беором ўйи,
Бутун коинотни қамраш — тилаги.
Оlam шодлиги-ю шавқларин қўйиб,
Қайгадир интилар телба юраги.
Мен унга ўқитай ҳаёт китобин,
Тубанликка отай, қилай банди чоҳ.
Кўрсин бу оламнинг барча азобин.
Барча пасткашликка бўлолсин гувоҳ.
Мен унга сув бергум ичиб қонмагай,
Унга таом бергум — тўёлмагай ҳеч.
У ўзи илинди, лекин ҳар қалай
Қўлга тушар эди эртами ё кеч.

Толиб киради.

Т о л и б

Келганимга кўп бўлгани йўқ,
Аммо сизга ҳурматим улуғ.
Сиздай буюк зот билан бир бор
Кўришмоқча эдим интизор.

М е ф и с т о ф е л ь

Ҳурмат учун чин дилдан раҳмат,
Мендайлардан кўп бунда ғоят.
Ушбу маскан танишдир сизга?

Т о л и б

Шу борада ёрдамингизга
Муҳтоҷдирман, муҳтарам устоз.
Мен билимга бўлиб ишқибоз
Жуда олис юртдан келганман,
Илм олишни фарз деб билганман.
Кўп ёлборди кетма деб онам,
Бўлмас эди аммо кетмасам,
Илм менга — тириклик — ҳаёт!

М е ф и с т о ф е л ь

Бунда яйраб ёзурсиз қанот.

Т о л и б

Устоз, сизга ростини айтсанам;
Фикрим — энди уйимга қайтсанам.
Диққинафас ушбу хоналар
Дилга солди ғашлик ва қадар.

Бунда йўқдир кенглик ва ёғду,
Бунда уйлар тор ва қоронғу.
Үйлайман, бу ҳужралар аро
Зардоб ютиб бўлурман адо.

М е ф и с т о ф е л ь

Ўрганишда, дўстим, ҳамма гап,
Чақалоқ ҳам кўз очмай, дастлаб
Олақолмас она кўкрагин.
Одат қилгац, ажратиш қийин.
Сиз ҳам қўйгач илмга кўнгил,
Ундан сизни айирмоқ мушкул.

Т о ли б

Интилардим жон деб билимга,
Кўниқомгим мумкинми бироқ?

М е ф и с т о ф е л ь

Қизиқурсиз қайси илмга?
Қайси соҳа сизга мақбулроқ?

Т о ли б

Истагимга йўқ сира поён,
Ҳар соҳанинг олими бўлсам.
Сирин очса менга ер, осмон,
Сув, ҳаво-ю, табиат — олам!

М е ф и с т о ф е л ь

Жуда тўғри, жуда соз ният,
Энди зарур фақат ҳаракат.

Толиб

Кўнгилдаги ниятим учун
Борлиғимни бахш этай бутун.
Дам олиш кун, таътилда гоҳи
Ўйнаб олсам йўқми гуноҳи?

Мефистофель

Утказманг ҳеч фурсатни бекор,
Илм олишда тартибот даркор.
Олим бўлмоқ учун мукаммал
Мантиқ илмин эгалланг аввал.
У ақлни чархлайди бардам,—
Ўргатади интизомга ҳам.
Сиздаги бу содда тафаккур
Илм сари тўғри йўл топур.
Шу пайтгача бўлса оддий иш
Сизнинг учун ичмак ва емак,
Хато қилган әкансиз демак,
Лозим унга тўғри ёндошиш.
Бу ерда бор учта ҳаракат,
Бордур субъект, бор предикат.
Инсон ақли бамисли дастгоҳ,
Бунда ҳам бор дастак ва шона,
Бунда ҳам бор ўриш ва арқоқ,
Мингни боғлар бир ип ягона.
Аён бўлгач ушбу ҳақиқат,
Файласуфга келади навбат.
Унда ҳам бор программа,
Ўргатади у ҳам бирма-бир:
Биринчи ва иккинчи нима,
Учинчи ва тўртинчи надир.
Қанча билманг оламни аммо,

Қанча солманг борлиққа нигоҳ,
Бу тафаккур аталған дастгоҳ
Түқиёлмас ҳәёттій мато.
Билмоқ бўлиб олам асрорин,
Жондан жудо қилурлар уни,
Бўлакларга бўлурлар уни.
Бир кун келиб тўпласа барин
Топиб бўлмас тирик аслини.
Буни «Encheiresis naturae» атар,
Ўз устидан кулиб кимёгар.

Т о ли б

Сўзингизга тушунмадим ҳеч.

М е ф и с т о ф е л ь

Тушунарсиз әртами ё кеч,
Билгач редукция таъбири,
Ҳам мураккаб туркумлаш сирин.

Т о ли б

Англамадим, ҳеч нарса, чин сўз,
Бош айланди фақат, тинди кўз.

М е ф и с т о ф е л ь

Поёнига етгач бу ишнинг,
Метафизикага киришинг.
Неким билмоқ мумкин әмасдир,
Чуқур дея атамоқ басдир.
Сўз кўп — силлиқ, ҳар ҳолатга мос,
Машаққатдан қилгувчи халос.
Лекин билим олмоқда илк бор
Қатъий тартиб, қоида даркор.
Шуни билинг энг биринчи фарз:
Ҳар кун бўлсин беш соатлик дарс.
Чалинмасдан ҳали қўнгироқ,
Синфда сиз ўтиринг муштоқ.

Бир маслаҳат — бошланмасдан дарс,
Қўлланмага ташлаб қўйинг кўз.
Билажаксиз, домлангиз айтмас
Ундан ортиқ бир оғиз ҳам сўз.
Лек эринмай дафтариңгиэга
Ёзиб олинг не айтса домло.
Гўё тақдис сўзларни сизга
Айтиб турган каби Рұхилло!

Т о ли б

Ёзиб олгум битта қўймай, соз,
Ёзишга мен жуда ишқибоз.
Аён, неки хатга тушди, бас,
Уни асло йўқотиб бўлмас.

М е ф и с т о ф е л ь

Хўш, киурурсиз қайси бўлимга?

Т о ли б

Ҳуқуқ унча ёқмас қўнглимга.

М е ф и с т о ф е л ь

Балли! Бўлинг бу фандан нари —
Қуруқ қоғоз даста-дасталик.
Кўҳна қонун ақоидлари
Бамисоли ирсий хасталик.
Беш-ўн авлод яшар гоҳ қонун,
Ўтиб борар аммо давр эса —
Бир вақт қонун — кори хайр эса,
Ул кори хайр кулфатдир букун.

Тирикликнинг қонуни ўзга,
Аммо уни илмаслар кўзга.

Толиб

Қонуншунос бўлмоғим мушкул,
Унга менда йўқдир иштиёқ.
Илоҳиёт илми дурустров.

Мефистофель

Эндиор урманг бу илмга қўл!
У мисоли поёнсиз ўрмон,
Адашади кирған бегумон.
Мен қўрсатай сизга тўғри йўл:
Не деб сизни алдаса домло,
Ишонингу такрорланг фақат.
Шак келтирманг унга мутлақо,
Кўрмагайсиз шунда уқубат.
Сўзни маҳкам ушланг, тўғри йўл
Элтар сизни ишонч қасрига.

Толиб

Тўғри, аммо ҳар бир сўз эга —
Ўз мазмуни — маъно аслига.

Мефистофель

Маъно излаш — кераксиз меҳнат,
Унга йўқдир асло зарурат.
Силлиқ сўзлар топилса боплаб —
Маъносиз ҳам тузса бўлуро гап.
Қуруқ сўзнинг ўзидан доим

Навариёт яратар олим.
Билмоқ керак сўзни мұқаддас,
Сўзни асло рад этиб бўлмас.

Толиб

Савол бериб сизни чарчатсам,
Мени маъзур тутарсиз албат.
Гар бўлмаса илоҳиёт ҳам
Қалай экан илми табобат?
Уч йил экан ўқиш муддати,
Уч йил унча кўп әмас, фақат —
Астойидил қиласам ҳаракат
Насиб бўлгай бу фан ҳикмати.

Мефистофель

(Четга)

Тегиб кетди домлалик жонга,
Айлангим бор яна шайтонга.

(Толибга)

Табобатнинг асрори надир?
Билмоқ буни машаққат әмас.
Оlam аро бўлса қанча сир —
Барчасини ўрганинг бир-бир,
Сўнгра улоқтиринг,— шарт әмас.
Соғ мияни ачитмоқ нечун?
Таваккалнинг измини тутинг.
Неки сизга лазиздир буқун,
Олмоқ мақсад бўлсин сиз учун,
Ўзга ғамни тамом унутинг.

Келишгансиз, кучга тўлгансиз,
Ҳали ёшсиз, ўтсиз, алнга.
Ким виқорни касб этса ҳаргиз,
Халойиқнинг ҳурмати анга.
Қўйинг, дониш китобин ёпинг,
Аёлларнинг ёнига чопинг.
Сиз уларга бўлинг харидор,
Сиз уларнинг кўнглини топинг.
Қўлингида энг зўр дору бор
Жононларнинг оҳ-фигонига,
Оро киринг улар жонига.
Бўлиб гўё камтар камина,
Гўё әгри фикрдан йироқ,
Сиз касалнинг оҳистагина
Юрагига тутасиз қулоқ.
Андак дадил, андак ҳаёлик —
Текширасиз сўнгра беписанд —
Сиқиб қўйган эмасми нозик —
Кўкракларни қаттиқ сийнабанд.

Т о ли б

Бу — бошқа гап! Омаднинг нақди!
Маслаҳат соз — иш боривождир.

М е ф и с т о ф е л ь

Назария — қуруқ оғочдир,
Аммо яшнар ҳаёт дарахти.

Т о ли б

Сўзингиздан йўқолди ҳушим,
Үнгимми бу ва ёки тушим?
Раҳмат сизга, яна келаман.

М е ф и с т о ф е л ь

Келинг, жуда хурсанд бўламан.

Т о ли б

Табаррук бу даргоҳингиздан
Қуруқ кетмай — балки бирор сўз
Дафтаримга ёзиб берарсиз?

М е ф и с т о ф е л ь

Майли, бўлсин хотира биэдан.

(Толибининг дафтарига ёзиб беради)

Т о ли б

(Ўқийди)

Eritis sicut dei scientes bonum et malum:

(таъзим билан ҳайрлашиб чиқади).

М е ф и с т о ф е л ь

Холам илон сўзин ёд этсанг агар
Тангри монандликдан қолмагай асар.

Фауст киради.

Ф а у с т

Ҳўш, қаён борурмиз?

М е ф и с т о ф е л ь

Қайга десанг ҳам.
Аввал қичик олам, сўнг катта олам

Сирин очгай бизга. Фойдалик бу дарс
Сенга завқли бўлур, ҳеч мушкул әмас.

Ф а у с т

Аммо соқолимга қара, кўп узун,
Ярамасам керак шавқу завқ учун.
Шодлик оламига бўлардим әга —
Андак енгилтаклик етишмас менга.
Мен қувноқ улфатлар давраси аро
Узни йўқотурман боладек гўё.

М е ф и с т о ф е л ь

Яшашга ўрганиш уича қийинмас,
Шарти шу — ўзингга ишонч бўлса бас.

Ф а у с т

Қандоқ сафардур бу турфа ғаройиб?
От йўқ, арава йўқ, аравакаш йўқ.

М е ф и с т о ф е л ь

Мана ёпинчиғим, уни кенг ёйиб,
Ҳавога учгаймиз, кўнглинг бўлсин тўқ.
Аммо ола кўрма ортиқча тугун,
Ҳалал бергай бизга юксалмоқ учун.
Менда бор парвозга ўт билан ҳаво,
Учурмиз, вазнимиз сабодак бўлсин.
Қутлуг бўлсин сенга янги бу дунё,
Янги ҳаёт сенга муборак бўлсин!

ЛЕИПЦИГДАГИ АУЭРБАХ ЕРТУЛАСИ

Кайф-сафо билан машгул улфатлар.

Фрош

Хеч ким ичмас, демак? Кулги ҳам етар?
Хеч кимга керакмас шодлик ва ханда?
Кўрининишдан туппа-тузук йигитлар
Сувга тушган нондай ўлтирар бунда.

Брандер

Йигитлар кулмаса ўзинг айбдор,
Қилиқ кўрсатмадинг бизларга бир бор.

Фрош

(унинг бошидан бир стакан май қуяди)

Мана керак бўлса!

Брандер

Эҳ, тўнгиз, ифлос!

Фрош

Сен қилиқ сўрадинг, бажардим холос.

Зибелъ

Бас, жанжални тугат! Ким бошласа жанг,
Калтак ейди мендан. Қўшиқ айт ҳамманг!

А л ь т м а й е р

Бунча бақирмасанг, қулоғим битди,
Үч қават пардаси ёрилиб кетди.

З и б е л ь

Буни йўғон овоз дерлар, яъни бас,
Девор титрамаса ҳисобга ўтмас.

Ф р о ш

Қўшиқ ёқмаганлар чиқсин эшикка,
Та — ре — рай — рай!

А л ь т м а й е р

Та — ре — рай — рай!

Ф р о ш

Овозлар мослашди әнди қўшиққа.

(*куйлади*)

«Айтинг, муқаддас Рим империяси
Барбод бўлмадими, борми дунёда?»

Б р а н д е р

Кўйсангчи, сиёсий қўшиқ нимаси,
Бемаъни қўшиқ йўқ бундан зиёда.
Тангрига минг бора қилингки шукур,
Бесалтанат борсиз саломат омон.

Сизда империя ташвиши йўқдир,
Сизнинг муродингиз ўзгадир тамом.
Яхшиям эмасман на шоҳ, на қирол,
Ва на империя котибимасман.
Фақат кўп қатори оддий фуқаро,
Фақат хўп мириқиб май ичган мастман.
Ва лекин бошлиқсиз иш доим чаппа,
Шунинг учун керак бизларга папа.

Ф о ш
(*куйлайди*)

Уч, булбулим, жон булбул,
Юксал осмонга.
Саломим етказ кўнгил
Севган жононга.

З и б е л ь

Жононларга нима бор?
Улар не ҳожат!

Ф о ш

Жўрабоши, бу қадар
Бўлма бешафқат.

(*Куйлайди.*)

Эшикни оч, ёр келди,
Эй, соҳибжамол.
Тонг отди-ю, ёр кетди,
Энди қулфлаб ол.

З и б е л ь

Нечун жононларга бунча шараф-шон?
Уларга қилурсиз бунча жон фидо?
Менга жононларнинг кимлиги аён,
Бари алдоқчидир, бари бевафо.
Чорраҳадан ўтса, мен севган барно,
Така бўлиб унга йўлиқсин шайтон.
Блоксбергда эчки берсину салом,
Сўнг маъраб тиласин хайрли оқшом.
Кўнгли пок йигитга у бегонадир,
Қанча нола қилма — боқмас тош юрак.
Унга таъзим қилган фирт девонадир,
Дарчасини уриб синдиримоқ керак.

Б р а н д е р

(столга мушт уриб)

Бир таклиф бор, жаноблар, диққат!
Мен турмушдан анча хабардор.
Бунда барча — аҳли муҳаббат,
Бу йиғинни нишонлаш даркор.
Менда янги бир қўшиқ бор — зўр,
Нақоратга ҳамма бўлсин жўр.

(куйлади)

Бир қаламуш мойни еб,
Роса тўйибди.
Доктор Лютердек бўлиб
Қорин қўйибди.
Бека бир кун маргимуш
Ташлабди аста.

Қаламуш беҳол әмиш,
Ошиқдай хаста.

X а м м а

Ошиқдай хаста.

Б р а н д е р

Үзни ҳарён урди у,
Югурди ҳар ёқ.
Ичин ўртади оғу
Аммо баттарроқ.
Кўлмаклардан ичди сув,
Айланди гир-тир.
Чийиллаб йиглади у
Ошиқдай дилгир.

X а м м а

Ошиқдай дилгир.

Б р а н д е р

Ошхонага кирди у,
Сўнгра ногиҳон —
Ўт олдига келди-ю,
Йиқилди бежон.
Бека қаҳ-қаҳ уради:
«Ажабо, не ҳол!
Қаранг, шўрлик тугади
Ошиқдай беҳол!»

X а м м а

Ошиқдай беҳол.

З и б е л ь

Ажаб, шу ҳам қўшиқ бўлди-ю...
Каламушга бермишлар оғу,—
Бу не әртак, бу не ҳикоя?

Б р а н д е р

Гапга қаранг! Қай замондан у
Каламушни қиласр ҳимоя?

А л ь т м а й е р

Ҳайрон бўлманг, бу қориндор кал
Эшитганда қўшиқнинг сўзин,
Нафс балоси туфайли ўсал
Каламушга ўхшатди ўзин.

Ф а у с т ва М е ф и с т о ф е л ь

кириб келадилар

М е ф и с т о ф е л ь

Мана, келдик, сенга аввало
Кўрсатурман шу майхонани.
Бунда кўриб фақат кайф-сафо,
Эшитурсан шод таронани.
Маънилик гап ўғу қувнашиб,
Қаҳ-қаҳлашур ичиб олгач май, —
Худди думи билан ўйнашиб
Яйрагувчи мушук боладай.

Улар учун ғам-ташвиш абас,
Қилмаса бас бош оғриқ диққат,
Қаҳвахона әгаси фақат
Нася майни бериб турса бас.

Брандер

Үзга юртлик меҳмонлар, қаранг!
Хозир келган кўринур улар,
Чунки бири жуда ҳангу манг.

Фрош

Гапинг тўғри, келгинидурлар.
Лейпциг эса — кичкина Париж,
Одамлари тамоман ўзга.
Бу ерликни қийинмас таниш,
Бир қарашда ташланур кўзга.

Зибелъ

Қайдан келган улар, ўзи ким?

Фрош

Мен уларга икки қадаҳ май —
Бераман-да, сўрамай нетмай,
Кимлигини айтаман ўзим.
Мартабалик зот балки улар,
Боқишилари мағрур, бепарво.

Брандер

Улар — ўтакетган фирибгар.

А л ь т м а й е р

Бу түғри гап!

Ф р о ш

Шошманг мутлақо,
Мен синайман, шоҳиддинр худо.

М е ф и с т о ф е л ь

(Faustga)

Қара, шайтонга ҳам қилмаслар парво,
Боқмаслар бўғзидан тутсам-да агар.

Ф а у с т

Салом, эй жаноблар!

З и б е л ь

Саломат бўлинг!

(Мефистофелга кўэ қирини ташлаб, ўзича)

Бир оёғи оқсоқ қўринар бунинг.

М е ф и с т о ф е л ь

Мумкинми қўшилсак биз ҳам суҳбатга?
Бунда яхши шароб топилмаса ҳам
Хурсандмиз учраган яхши улфатга.

А л ь т м а й е р

Дидингиз нозикка ўхшар, муҳтарам.

Ф р о ш

Мабодо сиз кеча Риппахда қўниб —
Ганс тентакка ҳамдам бўлмадингизми?

М е ф и с т о ф е л ь

Топдингиз, шу бугун сўйлашдик тўйиб,
Акаси әкансиз, сўради сизни.
Ёдимдан чиқибди, қаранг, азизим,
Сизга йўллаганди салом ва таъзим.

(Фрошга таъзим қиласди)

А л ь т м а й е р

(секин)

Боплади-ку!

З и б е л ь

Закки әкан у, балли!

Ф р о ш

Кўрсатиб қўяман, шошмасин ҳали.

М е ф и с т о ф е л ь

Бизлар осто надан қадам қўйганда
Кўшиқ айтардингиз сизлар қувноқ, соз.
Ашулага жуда боп жой әкан-да,
Жаранглаб чиқади бу ерда овоз.

Ф р о ш

Үзингиз ҳам куйлаб чаласизми соз?

М е ф и с т о ф е л ь

Ҳавас зўру аммо қобилият оз.

А л ь т м а й е р

Бирор нарса айтинг.

М е ф и с т о ф е л ь

Майли, марҳамат.

З и б е л ь

Янги қўшиқ бўлсин, шарти шу фақат.

М е ф и с т о ф е л ь

Биз Испан юртидан келяпмиз бу он,
У юрт шароб билан ашулага кон.

(*куйлайди*)

«Бўлган экан бир қирол
Ҳам дўсти бурга».

Ф р о ш

Жуда соз — қиролга бургадир ўртоқ,
Лойиқ жуфт топилмас қиролга бундоқ.

М е ф и с т о ф е л ь

(қўшиқ айтади)

«Бўлган экан бир қирол
Ҳам дўсти бурга.
Яшар эканлар хушҳол
Икковлон бирга.
Доно қирол чақирди
Чеварин бир кун,
Либос тик деб бақирди
Бургажон учун».

Б р а н д е р

Айтиш шарт бўйруққа шуни ҳам қўшиб:
Силлиқ, соз кийинсин бургавой жаноб.
Агар бирор ери қолса буришиб,
Чевар боши билан беради жавоб.

М е ф и с т о ф е л ь

(қўшиқ айтади)

Мана, бурга әгнида
Шоҳона либос.
Нақшин қилич белида,
Саркардага хос.
Кўксисда нишон қатор,
Министр оти.
Саройда бор мансабдор —
Бурга авлоди.
Бурга сўрар ҳаммани,
Лекин ҳамма дам.
Пайса-пайса бадани

Киролича ҳам.
Ҳатто қичиб кўргани
Журъат йўқ, лек биз --
Биз оддий халқ — бургани
Шаққа әзамиз.

Ҳ а м м а

(хурсанд)

Биз оддий халқ — бургани
Шаққа әзамиз.

Ф р о ш

Нақадар соз қўшиқ! Жуда зўр маъно!

З и б е л ь

Барча бургаларга шу бўлсин жазо!

А л ы т м а й е р

Яшасин озодлик! Яшасин шароб!

М е ф и с т о ф е л ь

Озодлик ҳақига ичардим мен ҳам
Шароб бўлганида агар чинакам.

З и б е л ь

Бу тухмат! Қайда бор бундай тоза май!

М е ф и с т о ф е л ь

Майхона әгаси ранжимаса гар
Тотиб кўрадингиз мазаси қалай
Бизанинг ертўладан чиққан шароблар.

Э и б е л ь

Кўрсатинг, хижолат чекманг ҳеч, мен бор!

Ф р о ш

Фақат шароб таъмин билмоғим учун
Тўйғунча симириб кўришим даркор,
Бир-икки қултуми ҳеч қилмагай кор.
Тўлатиброқ қўйинг, сезай май кучин.

А л ь т м а й е р

(секин)

Ҳа, булар Рейндан келишган, топдим!

М е ф и с т о ф е л ь

Битта парма топинг.

Б р а н д е р

Не учун парма?
Еки ташқарида бочкангиз борми?

А л ь т м а й е р

Анов қутида бор ҳамма асбобдан.

М е ф и с т о ф е л ь

(парманни олиб *Фрошга*)

Айтинг, сизга қандай шароб мақбулроқ?

Ф р о ш

Қизиқ! Сизда майнинг хили кўп демак?

М е ф и с т о ф е л ь

Марҳамат, буюринг, кимга не керак?

А л ь т м а й е р

(*Фрошга*)

Шошма, сўлагингни артиб ол, ўртоқ.

Ф р о ш

Менга Рейн майдан, ўзгаси бекор,
Ўз юртим шароби мен учун азиз.

М е ф и с т о ф е л ь

(*Фрош ўтирган жойдан столни тешиб*)

Тешикни ёпишга озроқ мум даркор.

А л ь т м а й е р

Бу одам — афсунгар, ҳали кўрасиз!

М е ф и с т о ф е л ь

(Брандерга)

Сизга қайбиридан?

Б р а н д е р

Шампандан бўлсин,

Мавж уриб, кўпириб шипга отилсан.

Мефистофель пармалайди. Меҳмонлардан бирни мум билан тешикларни беркитиб боради.

Узга юрт инъомин рад этмоқ абас,

Олис эллардан ҳам келади савоб.

Француз немисга гарчи дўст эмас.

Лекин яхши кетар фарагий шароб.

З и б е л ь

(Мефистофель унинг ёнига яқинлашаркан)

Ҳеч ича олмайман мен нордон шароб,

Ширинроги бўлса — албатта бизга.

М е ф и с т о ф е л ь

(пармалайди)

«Токай» шаробидан қуяман сизга.

А л ь т м а й е р

Кўзимга бир қаранг, муҳтарам жаноб,

Бизни лақиллатмоқ бўляпсиз, аён!

М е ф и с т о ф е л ь

Қўйсантиз-чи, ахир эмаску осон

Шундай эътиборли зотларни алдаш.

Қани, энди қилинг истакни баён,
Биздан — қуйиб бериш, сизлардан — танлаш.

А л ь т м а й е р

Не бўлса ҳам тезроқ! Ўртанди-ку жон.

М е ф и с т о Ф е л ь

(турфа ҳаракатлар билан)

Токда шарбатли узум,
Эчкининг шохи узун.
Май онаси оғочдир,
Оғоч майлик саночдур.
Агарда мен истасам
Шу оғоч курсидан ҳам
Мисли фаввора — тинмай
Отилиб чиққуси май.
Муъжиза тўла одам,
Битта муъжиза бу ҳам.
Қопқоқларни очинг, ичинг марҳамат?

Ҳ а м м а

(Тешиклардан мумни кўчиришиади, ҳамманинг
тилаган шароби стаканларга қўйилади.)

Бахти кун борми бундай!
Булоқ бўлиб оқар май!

М е ф и с т о Ф е л ь

Бирор томчинини тўкмангиз фақат.

(яна бир стакандан ичишади)

Ҳ а м м а

(куйлашади)

Роса мириқяпмиз, яйраяпмиз биз,
Мисоли балчиқда беш юзта түнғиз.

М е ф и с т о ф е л ь

(Фаустга)

Озодликка чиқди, қара, дайр әли.

Ф а у с т

Кетайлик, күнгилга тегди бу макон.

М е ф и с т о ф е л ь

Шошмай тур, буларнинг ҳайвонлик феъли —
Бутун күрки билан бўлсин намоён.

Зибелъ эҳтиётсизлик қилиб майни тўқади, май тўқилган ердан ўт
чиқади.

З и б е л ь

Ўт кетди! Дод, ёрдам! Дўзах ўти бу!

М е ф и с т о ф е л ь

(дуо ўқииди)

Тинчлан, тез сўн, менга қадрдон офат!

(ҳаммага)

Бу фақат аросат алангаси-ку!

З и б е л ь

Бас қил, эй жодугар, ҳазилни тўхтат,
Йўқса ортирасан бошингга кулфат.

Ф р о ш

Яна бир такрорлаб кўргин-чи, қани!

А л ь т м а й е р

Бўлди, яхшиликча жўна, ҳе сани...!

З и б е л ь

Қандай журъат қилдинг, афсунгар разил.
Бу ерда биз билан қилмоққа ҳазил?

М е ф и с т о ф е л ь

Жим бўл, меш!

З и б е л ь

Тилни тий, чўлтоқ супурги!
Керакми ё сенга бўр-икки туртки!

Брандер

Ҳали муштимиэни сиаб ҳам кўрар!

Альтмайер битта мум қопиқни сугуради — тешикдан олов чиқади.

Альтмайер

Вой, дод! Олов! Ёндим!

Зибель

Ушланг! Жодугар!

Мукофот олади ким тутса агар!

Пичоқ сугуриб Мефистофелга ташланади.

Мефистофель

(бепарво)

Тинглаб жоду сўзларин,
Туман қоплаб кўзларин,
Кўрсин улар ўзларин
Ҳам бундаю ҳам унда.

Ҳамма бир-бирига ҳайрат билан қараганча тўхтаб қолади.

Альтмайер

Ажабо, қайдамен? Қандай сўлим бор!

Фрош

Бу токларни кўру узумларга боқ!

Э и б е л ь

Бош-бош узумлардан уэилмас кўзим!

Б р а н д е р

Мана нақ олтиндай бир шингил узум!

(Зибелнинг бурнидан ушлайди. Бонқалар ҳам шундай қиласидилар ва пичоқларини кўтарадилар)

М е ф и с т о ф е л ь

(аввали ҳолатда)

Тарқалсин кўзларни қоплаган тутун,
Ёдингизда қолсин шайтоний ҳазил.

(Фауст билан бирга кўздан ийқолади.
Қолганлар жой-жойларига тарқалишади.)

Э и б е л ь

Бу не ҳол!

А л ь т м а й е р

Ҳайронман!

Ф р о ш

Кўлимда бурун!

Брандер

(Зибелга)

Мен сенинг бурнигдан ушлабман, сабил!

Альтмайер

Курси беринг менга, бу нечук аҳвол,—
Танимда заррача қолмади мажол.

Фрош

Тушунолмай қолдим, ўзи нима гап?
Қаерда әдим мен? Не кўрди кўзим?

Зибель

Қани у найрангбоз? Ушласам, боплаб
Адабини бериб қўярдим ўзим.

Альтмайер

Кўрдим,— у бочкага сақраб минди-ю
Учиб кетди. Ҳануз титрайди тиэзам.

(столга қараб)

Тешикдан май чиқди. Рост әдими шу?

Зибель

Бўлмаган гап. Алдаб кетди муттаҳам.

Фрош

Аммо мен тешикдан ичдим-ку бода!

Брандер

Токзор-чи? Узум-чи? Ёлғонми бу ҳам?

Альтмайер

Мўъжиза бор экан, демак, дунёда!

АЛВАСТИНИНГ ОШХОНАСИ

Пастак ўчоқда ёнаётган ўтга катта қозон қўйилган. Қозондан чиқаётган бугда сирли шарпалар кўринади. Уроғочи маймун қозоннинг кўпигини олиб, шопириб туради. Эркак маймун эса, ўчоқ бошида болалари билан исиниб ўтирибди. Шифт ва деворларга алвастининг асблоблари осилган.

Фауст ва Мефистофель кириб келадилар.

Фауст

Беҳудман, кўз тинди, кўнгил беором,
Наҳотки зулматгоҳ бу маскан тамом —
Андуҳлардан халос этур бошимни.
Наҳотки алвости пиширган таом
Үттизга қисқартар менинг ёшимни.
Табиатнинг ўзи қилмаса даво,
Ўзи мақсадимга бермаса ривож,
Демакки ғамимга йўқ экан шифо,
Демакки, йўқ экан ҳеч қандай илож.

Мефистофель

Сўзларинг нақадар одил ва оқил,
Жодудан ўзга ҳам шифо бор албат.

Фақат сен әмассан бу йўлда омил,
Бажаришга бўйнинг ёр бермас фақат.

Ф а у с т

У нима?

М е ф и с т о ф е л ь

Бу амал қийин әмас ҳеч,
Керакмас манови таом ҳам сабил.
Бир парча ер олу сен уни боғ қил,
Ҳайда, чоп, әк, хуллас тер тўқ эрта-кеч.
Хаёл парвозини тарқ эт мутлақо,
Замин ила боғла умрингни тўқис.
Бир парча ерингда айлан доимо
Бамисоли қўшга қўшилган ҳўқиз.
Тонг отмасдан қўйигин далага қадам,
Жирканма, курак ол, ерга гўнг тўқкин.
Шунда сен ҳаттоқи саксон ёшда ҳам
Қайтадан ёшликка қайтмоинг мумкин.

Ф а у с т

Йўқ, асло! Менга бу тубанликдир ёт,
Феълимга бегона ўроғу курак.
Талабим ҳамиша юксак хаёлот.

М е ф и с т о ф е л ь

Шундай экан, демак, алвости керак.

Ф а у с т

Бу таомни ўзинг пиширсанг бўлар,
Нечун шум кампирга ялиниб турмоқ?

М е ф и с т о ф е л ь

Иқрорман, қўлимдан келмас бу ҳунар,
Мингта кўприк солиш менга осонроқ.
Бунда билим ўзи етмагай фақат,
Керакдир мислсиз баҳдошу тоқат.
Гиёҳ қайнаб, дори бўлгунча тайёр
Кўп йиллар сабр ила кутмоқлик даркор.
Бунчалик мушкул иш йўқдир оламда,
Тоқат қилмоққа ҳеч етмайди кўзим —
Шу сабаб, йўлинни яхши билсам-да,
Дору тайёрлашга ожизман ўзим.

(*маймунларни кўриб*)

Дўмбоқларни қара, қандай беозор!
Чўриси мана бу, манов хизматкор.

(*Маймунларга*)

Бекангиэ қаерга йўқолди зумда?

Ҳ а й в о н л а р

Бека ҳозир базмда,
Тутиб шамол қўлидан
Учиб кетди мўридан.

М е ф и с т о ф е л ь

Қачонгача санқиб юрмоқчи момо?

М а й м у н л а р

Панжамизни иситгуича то.

М е ф и с т о ф е л ь

(*Фаустга*)

Қалай бу ҳайвонлар, сенга маъқулми?

Ф а у с т

Бундай хунук нарса кўрмаганман ҳеч.

М е ф и с т о ф е л ь

Мен шод әтиб шулар билан кўнгилни
Сүҳбатлар қураман саҳардан то кеч.

(*Маймунларга*)

Қани, жавоб берсин аҳли пазанда,
Нима пишаётир манов қозонда?

Ҳ а й в о н л а р

Евғон қайнаётир гадолар учун.

М е ф и с т о ф е л ь

Демак, хўрандалар кўп бўлар бу кун.

Эркак маймун

(Мефистофелга яқин келиб суйкалади)

Келақол, бир бор —
Үйнайлик қимор.
Чўнтағим тўлар
Пулга бой бўлсам,
Манов калла ҳам
Ақлли бўлар.

Мефистофель

Ўзин йўқотгудек бўларди мамнун
Ютиб олса агар қимордан маймун.

Маймунчалар ўйнашиб катта шарни хона ўртасида юмалатишади.

Эркак маймун

Қўлингда болам,
Курраи олам —
Тўпдир юмалоқ.
Ялтирас юзи,
Ичи бўш ўзи,
Бир шишадир, боқ.
Бир ер нурафшон,
Бир ер зими斯顿.
Ўйнашма, болам,
Омонат олам,
Мўрт ойинадир.
Бўл ундан йироқ,
Тегсанг қалтисроқ
Чил-чил синадир.

Мефистофель

Айтинг, нечун манов панжара?

Э р к а к м а й м у н
(Панжарани олиб)

Үғри кирса гар хонамизга,
Шу панжара кўрсатур бизга.

(Ургочи маймуннинг олдига келади ва уни панжарадан қаратади.)

Уйимизда үғри бор, қара,
Сен ўгрини кўряпсан, фақат
Қилмаяпсан айтмоққа журъат.

М е ф и с т о ф е л ь
(Оловга яқинлашиб)

Манов кўза нимага керак?

Э р к а к м а й м у н
Бефаҳм тентак,
Ажратмоқ керак
Кўза нима-ю,
Нимадир қозон.

М е ф и с т о ф е л ь
Қандай жавоб бу,
Бетаъсир ҳайвон!

Э р к а к м а й м у н
Ана, курси, ўлтир марҳамат,
Супурги бор елпишга фақат.

(Мефистофелни ўтқазади)

Фауст

(Ойна олдида турғанча тоx яқинлашиб, тоx узоқлашиб
томуша қиларкан)

Ажабо, бу қандай мунаvvар талъат —
Сеҳрли күзгуда бўлди намоён?
Кел, менга қанот бер энди, муҳаббат,
Тезроқ олиб учгин паририй томон.
Қайдадир гўзалнинг қутлуғ маскани,
Яқинми, ё олам бурчидами у?
Ё бу фақат рўё, хаёл тумани,
Ушал туман аро қолгайми мангу?
Бу қандай гўзаллик, тафаккур билан
Унга бовар қилмоқ мушкул ниҳоят.
Наҳот бу оламда бўлса шундай тан,
Шундай юз, шундай лаб ва шундай қомат.

Мефистофель

Бўлмасам-чи, ахир тангрининг ўзи
Олти кун тер тўкиб ишлагач фақат
Еттинчи кун айтди «Офарин» сўзин,
Демак, ўзига ҳам ёқди бу хилқат.
Хозирча сен уни қилгин тамошо,
Мен сенга шундайин топайки ҳали,
Унинг висолига бир бор етгали
Оlam йигитлари қилсин жон фидо.

Фауст ҳамон ойнага тикилади, Мефистофель эса супургини ўйнаб,
курсида ўтирганича керишиб давом әтади.

Тахтдаман, қўлимда шоҳона асо,
Подшоман, фақат тож етишмас аммо.

М а й м у н л а р

(Турфа ҳаракатлар қилиб Мефистофель ёнига келишиади
ва унга иккига бўлинганд тож беришади.)

Мана сенга тож,
Ямашга илож —
Кўз ёшу қондир.

(Кўнгол ҳаракат қилиб тожни қўлдан туширишиади, у
чили-чил синади)

Тамом! У синди!
Ишимииз энди.
Оҳу фифондир.

Фауст

(ойна ёнида)

Тамом бўлдим, не ҳол, ўнгимми, тушим?

М е ф и с т о ф е л ь

(маймунларни кўрсатиб)

Менинг ҳам бошимдан учмоқда ҳушим.

М а й м у н л а р

Бўлса бир хуш дам
Ҳатто биздан ҳам
Чиқади маъно.

Фауст

Юрагим ёнмоқда бир оташ аро,
Бас, кетайлик, ортиқ чидашим душвор.

Мефистофель

Гарчи булар маймун бўлса ҳам аммо
Баъзи шоирлардан минг марта аъло.
Сўзлари самимий, очиқ ва ошкор.

Урғочи маймун қозонга қарамай қўяди ва қозон қайнаб тоша бошлиди. Аланга мўрига ўрлайди. Даҳшатли чинқириқ билан ўт ичидага Алвости пайдо бўлади.

Алвости

Ҳай-ҳай-ҳай!
Эй анқов, шалтоқ!
Қозонни қандай
Тоширдинг аҳмоқ?
Куйдирдинг мени,
Шошмай тур сени...

(Фауст ва Мефистофелин кўриб қолади)

Булар ким энди?
Бу нечук ташриф?
Ким сизни этди
Бу ерга таклиф?
Айтяпман сизга,
Йўқолинг дарров.
Башарангизга
Сочаман олов.

(Қозонга қўмич ботириб, ҳаммага олов сочади.
Маймунлар чинқиришади.)

М е ф и с т о ф е л ь

(Супурги дастаси билан идишиларни уриб синдиради)

Биз турмаймиз жим,
Жим қилиб таъзим.
Билмабсан биз ким,
Шошмай тур ҳали.
Сингай девор, том,
Ушалгай тамом.
Сен қилган таом
Тўкилгай бари.
Ҳали бу сенга
Ҳазилим холос —
Сенинг куйингга
Жўр бўлганим мос.

Алвости даҳшат ичиди узоқлашади.

Энди танидингми? Эгангман, ўлгур,
Сўйласанг бўлмасми сўзингни билиб.
Сени бу оламдан йўқотсам бўлур
Маймунларинг билан қўшалоқ қилиб.
Қизил камзулимни кўрмадингми ё,
Сезмадингми хўроздин патин бошимда?
Гердайиб турибсан зарра бепарво
Билмадингми кимдур сенинг қошингда?

А л в а с т и

Кечиринг, билмадим, қарилик қурсин.
Не қиласай, кўрмадим туёғингизни
Ҳам қарғани — мангу ҳамроҳингизни.

М е ф и с т о Ф е л ь

Кечирдим, балки сен бегуноҳдирсен,
Дийдор кўришмадик анчадан бүён.
Кўп фасллар кечди, ўтди кўп замон,
Илму маърифатдан ўзгарди олам,
Оlam — янги, демак, янги шайтон ҳам.
Шимол шарпалари эскирди буқун,
Урфдан қолиб кетди тирноқ ҳам бутун.
Шоҳ ҳам тарқ әтилди, йўқотилди дум,
Буларнинг барчаси эскича удум.
Шаклу шамойилим ўзгарди мутлоқ,
Менда қолди фақат бир белги — туёқ.
Уни ҳам яшириб замонага хос,
Қўнж тикитириб олдим оёғимга мос.

А л в а с т и

(ўйин тушиб)

Сизни кўрганимдан хурсандман чунон,
Хуш келибсиз бунда аэзим шайтон!

М е ф и с т о Ф е л ь

Жим бўл, бу исмимни ҳеч олма тилга,
Халқ билса обрўйим тушар бегумон.

А л в а с т и

Исмингиэни айтсан нимаси ёмон?

М е ф и с т о ф е л ь

Номим аллақачон достондир әлга.
Догу, касофатининг тимсоли бўлган,
Бу сўздан одамлар қилурлар хазар.
Оlam-ку шайтону ножинсга тўлган,
Уларга ҳурмат-ла қилурлар незар,
Аммо ёмон отлиқ биз — шайтон азал.
Мени барон дея аташинг даркор.
Шайтоннинг ҳам баланд наслу наслаби,
Мен ҳам князлару графлар қаби
Мағрур юрсам бўлар, мана тамғам бор.

(хунук қилиқ қилиб кулади)

А л в а с т и

(қаттиқ кулади)

Ха-ха-ха! Шунча йиллар ўтса ҳам
Ҳамон шўхлигинги қолмабди, эгам.

М е ф и с т о ф е л ь

(Фаустга)

Ўрганиб қўй, дўстим, алвости билан
Қандай муомила қилмоқни мендан.

А л в а с т и

Буюргайсиз әнди менга не хизмат?

М е ф и с т о ф е л ь

Сен ўша шаробдан келтир биро шиша,
Оддийсидан әмас — кўҳнаси фақат.
Шаробнинг эскиси создир ҳамиша.

А л в а с т и

Сиз айтган шаробдан биро шишиаси бор,
Гоҳи ўзим озроқ ичиб тураман.
Жуда соз, бадбўйи билинмас зинҳор,
Бажонидил сизга қўйиб бераман.

(Мефистофелга аста)

Ўрганмаган одам чидаши маҳол,—
Ҳамроҳингиз ичса ўлади дарҳол.

М е ф и с т о ф е л ь

Нималар деяпсан, ҳамроҳим бу хил
Шаробдан ўзини йўқотмас мутлоқ.
Дуюйингни ўқи, иримингни қил,
Сўнгра шаробингдан қуй, фақат тезроқ.

Алвости ғалати қилиқлар қилиб доира чизади ва доира ичига ҳар
хил идиш-асбобларни қўяди. Тогоракча-кўзачалар мусиқий товуш
чиқара бошлидилар. Алвости каттакон китоб олади, маймунларни
доира ўртасига қўяди ва китобни улардан бирининг устига қўйиб,
бошқаларининг қўлини машъала беради. Фаустни имлаб чақиради.

Ф а у с т

(Мефистофелга)

Бу қандай томоша, бу нечук эрмак?
Бемаъни қилиқлар нимага керак?

Ахир булар бари мен учун аён,
Билиб турибманки, ҳаммаси ёлғон.

М е ф и с т о ф е л ь

Қўя бер, шундайдир унинг одати,
Сен бу қилиқларга ҳеч қилма парво.
Ошсин деб дорининг таъсир қуввати,
Табиблар ҳам шундай қилар доимо.

(Фаустни доира ичига тортади)

А л в а с т и

(Китобга қараб жазава билан)

Бирни олиб жўн —
Ундан яса ўн.
Яшир иккени,
Үйлама уни.
Енига қўй уч,
Бу бойлик ва куч.
Тўртни бўлса ёп.
Беш, олтини топ.
Бўлсин учун қўш,
Етти билан қўш.
Сўнг уни кўтар
Саккизга қадар.
Тўққиз жуда жўн —
Беркитилар ўн.
Мана алвастининг карра жадвали.

Ф а у с т

Оббо, ал axleлашга бошлади кампир.

М е Ф и с т о Ф е л ь

Сабр қил, бу хамир учидан патир,
Хақиқий томоша олдинда ҳали.
Шундай бу китобнинг бошдан оёғи,
Мен ўқиб чиққанман сўнггигача то.
Унда зид гапларнинг йўқдирсаноги
Тентак ҳам, оқил ҳам билмас не маъно.
Бу — ҳам янги-ю ҳам қадимдан бор гап:
Асрлар панд бериб аҳли заминга —
Учлигу бирликдан ҳақиқат ясаб,
Ўтказиб келдилар ёлғонни чинга.
Ҳамон алдайдилар, эл эса кўниб
Уша ақидани қиласидилар ёд.
Нодон одамлар-чи, куйиб-уриниб
Сўзнинг маънисини топганидан шод.

А л в а с т и

(давом этади)

Илм асли пинҳон,
Етмоқ на имкон
Куйдириб жонни.
Ва лекин угоҳ
Узидан огоҳ
Қилур нодонни.

Ф а у с т

Васвасадан ақлим йўқотсан керак,
Бу гаплар фикримга сифмайди асло.
Шу тобда қулоғим остида гўё
Баробар қичқирап юз мингта тентак.

М е ф и с т о ф е л ь

Бўлди энди, бас қил доно Сивилла!
Ундан кўра қуйгин тўлатиб шароб.
Кўриб турибсанки, ҳамроҳим — мулла,
Унча-мунча майдан бўлмайди хароб.
Илмнинг ҳам, кайфнинг ҳам кўйига кирган,
Барча даражани бошдан кечирган.

Алвости ирим-сиirimларни жойига келтириб косага шароб қуяди.
Фауст косани лабига яқинлаштирганда ундан олов чиқади.

(Фаустга)

Ича бер, бир томчи қолдирмай сипқор,
Руҳингта шавқ етур, ором топур жон.
Сен учун оловдан қўрқмоққа не бор,
Шайтоннинг ўзига бўлгач қадрдон.

Алвости доирани очади ва Фаустни чиқаради.

Энди йўлга! Турма! Олға юр фақат!

А л в а с т и

Сизга саломатлик келтирсин шароб!

М е ф и с т о ф е л ь

Яхшилигинг менда қолмагай албат,
Вальпургия туни қилурмиз ҳисоб.

А л в а с т и

(Фаустга қоғоз беради)

Битта қўшиғим бор яна сиз учун,
Бу қўшиқ ортирадар шаробнинг кучин.

М е ф и с т о ф е л ь

Қани кетдик! Энди тўхтамоқ зарар,
Терлаб ғуборингни чиқармогинг шарт.
Шароб ўз қудратин кўрсатгай агар
Бутун борлиғингни қучса ҳарорат.
Сайр этгач, навқирон ёшликнинг ҳисси
Қалбу вужудингга бўлар ҳукмрон.
Шунда муҳаббатнинг гўзал тангриси
Юз жилвалар билан бўлгай намоён.

Ф а у с т

Шоширма, бу ҳурнинг тенгсиз жамолин
Яна бир зум кўриб қувонсин кўзим.

М е ф и с т о ф е л ь

Юр, тез, хушрўйларнинг энг баркамолин —
Тиригини сенга кўрсатай ўзим.

(секин)

Бу шаробни ичгач унга ҳар аёл
Бўлгай Еленадек соҳиби жамол.

К ү ч А

Ф а у с т, М а р г а р и т а ўтади.

Ф а у с т

Салом, гўзал хоним, хўп денг, бир нафас —
Сизга ҳамроҳ бўлиб қузатиб қўйсам.

М а р г а р и т а

Мен хоним әмасман, гўзал ҳам әмас,
Үйга етоламан кузатувсиз ҳам.

(бурилиб жўнайди)

Ф а у с т

О, қандай латофат! Ичурман қасам,
Бундайин умримда кўрмадим асло.
Нақадар покиза, маъсум бу санам,
Андак тикони ҳам йўқ әмас аммо.
Қип-қизил лаблару қонталаш юзлар,
Ерга қараб турган уятчан кўзлар
Кўзларимдан нари кетмагай асло,
Бир умр ёдимда қолгай бу сиймо.
Қандай оғанг берди у қисқа сўзга,
Илож йўқ қойилман демакдан ўзга.

Мефистофель киради.

Анов қизни меинга кўндириб бер тез.

Мефистофель

Қайси қиз?

Ф а у с т

Ёнингдан ўтиб кетди-ку.

Мефистофель

Гуноҳларин тўкиб, пок бўлиб бу кез
Кашишнинг ёнидан келаётир у.
Ўша пайт мен эдим унинг қошида,
Иқрору тавбасин эшитдим андак.
Ишон, гуноҳ йўқдир зарра бошида,
Кўнгли беғубородир мисоли гўдак.
Унга ҳукмим ўтмас, қилолмам таъсир.

Ф а у с т

У ёшмас, ўн тўртдан ошган-ку ахир.

М е ф и с т о ф е л ь

Гапинг ўтакетган суюқнинг гапи,
Шундай одамлар бор, улар талаби —
Кўринган ғунчани албатта узмоқ.
Гўё улар учун яралган олам,
Улар учун ишқ ҳам, бор гўзаллик ҳам.
Муқаддас туйғу йўқ уларда бироқ —
Сен ҳам ўшаларга ўхшама, ўртоқ.

Ф а у с т

Насиҳатингни қўй, муҳтарам хомий,
Усиз ҳам яшамоқ мумкин дунёда.
Бугун сипқорилсин муҳаббат жоми,
Кечам шу қиз билан ўтсин сафода.
Шуни бажарурсан, йўқса тамомий
Шартномалар бекор бўлгай албатта.

М е ф и с т о ф е л ь

Нима қилмоқ мумкин шу оз муҳлатда?
Учрашувга сабаб қидирмоққа ҳам
Икки ҳафта Фурсат керакдур ошнам.

Ф а у с т

Ихтиёрим бўлса етти соатда
Етишардим сўзсиз ўша жононга,
Ялиниб ўлтирмас эдим шайтонга.

М е ф и с т о ф е л ь

Учар фарангининг гапидир бу гап,
Аммо сен бўлмагин бундоқ беқарор.
Ўйлаб кўр, биринчи кўришдан бошлиб
Мақсадга етмоқнинг не қизиги бор?
Шириндир висолга уриниб етмоқ,
Тезда қўлга кирган ишқ ҳам беқадр.
Қандай соз илк дамлар, кўз ёшу оҳ-воҳ...
Китоблар ҳам шусиз бўлмайди ахир.

Ф а у с т

Қўй, шундоқ ҳам менинг иштаҳам дуруст.

М е ф и с т о ф е л ь

Қизиққонлик билан бу иш битмайди,
Севгида таваккал сира кетмайди.
Мумкинмас зўр билан висол ундириш,
Керак тадбир ила ишни дўндириш.

Ф а у с т

Топиб бер у қизнинг бирор нарсасин,
Майли тўғноғичми ва ёки сочбог.
Сўнг мени уйига олиб кир тезроқ,
Ҳеч кимса билмасин одам шарпасин.

М е ф и с т о ф е л ь

Агар чин бўлса бу шавқу ҳарорат,
Майли истагингни бажо қилурман.

У қиз хонасига ўткизмай фурсат,
Шу бугуноқ сени олиб киурман.

Ф а у с т

Оҳ, уни кўраман, қучаман!

М е ф и с т о ф е л ь

Асло!

Қўшнисин кўргани чиқиб кетар у,
Сен әса хонада қолурсан танҳо
Ҳамда баҳт онларин қилурсан орзу.

Ф а у с т

Совға ҳам топиб қўй унга ярашиқ.

М е ф и с т о ф е л ь

Совға! Ишни шундан бошлиш шарт, балли,
Хотиржам бўл, ҳадя топурман, аниқ.
Ер остида кўпдир хазина, бугун—
Бир титиб кўрурман жононинг учун.

О Қ Ш О М

Кичкина шинам хона. Маргарита сочини ўрмоқда.

М а р г а р и т а

Мен боримни берардим агар
Билмоқ менга бўлса мұяссар,
Кимдир ўша йўлда сўз қотган,—
Оромимни тамом ийқотган.
У албатта бирор зодагон.

Йўқса йўлда учраб ногиҳон
Нотаниш бир қизга у дадил
Қилмас әди бу тахлит ҳазил.

(чиқади)

Мефистофель ва Фауст кирадилар.

Мефистофель

Мана келдик. Кир — қўрқма асло.

Фауст

(Жимлиқдан сўнг)

Мени қолдир бу ерда танҳо.

Мефистофель

(хонани кўздан кечириб)

Қандай тоза! Шинам ва сулув.

(чиқади)

Фауст

Дилбаримнинг оромгоҳи бу,
Менинг учун энг қутлуғ макон.
Бу осуда, бу ним қоронғу
Хона ичра бир сеҳр пинҳон.
Эй севги деб аталган туйғу,
Борлиғимга бўл сен ҳукмрон.

Не бор бунда, ёр илки барин
Тартиб этмиш, озода, кўркам.
Ҳамма нарса бунда камтарин,
Ҳамма нарса оддий ва шинам.

(чарм курсига ўзини ташлайди)

Кўҳна хонадоннинг сарбаланд тахти,
Қутлуғ оғушингга ол мени бир он.
Сенда илк соҳибинг ўлтирган вақти
Кўзларим олдида бўлди намоён.
Ул кўҳна бобонинг осуда баҳти —
Нурсиз нигоҳида бўлганда аён,
Унинг теграсида гўдаклар аҳли
Жаранг кулгу ила кўтарган сурон.
Менинг дилбарим ҳам шу гурунг аро
Халоскор ҳаққига айтиб ташаккур
Бобо қўлларидан олгандир сово.
Ҳам ўша қўллардан ўпгандир масур.
Қандай озодалик! Қандай тартибот!
Оёқ остида йўқ ҳаттоки ғубор.
Бунда неки бўлса барида ҳайҳот,
Сенинг фариштадек руҳинг устивор.
Нозик бармоқларинг сенинг баногоҳ
Шу оддий кулбани қилмиш саждагоҳ.
Бунда әса...

(каравот пардасини кўтаради)

Э, воҳ, ташласам назар,
Бутун вужудимни чулғар бир титроқ.
Мен бу кўшк қошида насиб бўлса гар,
Соатлаб турардим сезмайин чарчоқ
Шу кўшк оғушида соҳиби жамол

Ширин тушлар кўрган, гўдак хаёли —
Шунда улғайгану тополган камол,
Букун — гўзалликнинг нурли тимсоли.
Сен-чи? Сен бу ерга келдинг не учун?
Ҳеч ўзинг эмассан, бошқасан бугун.
Нечун юрагингда ҳаяжон, ҳайрат?
Фауст, сен ростдан ҳам ўзингмисан, айт!
Излаб келган әдинг бир оний лаззат —
Мана юрагингда севги баркамол.
Шунчалаар ўткинчи наҳот кайфият,
Наҳот ўйнар уни эсгувчи шамол.
Тасодиф бўлса-ю, шу онда дилдор
Ногоҳ кириб қолса не қилар әдим?
Мен ўз хаёлимдан бўлиб шармисор,
Оёғи остига йиқилар әдим.

М е ф и с т о ф е л ь

(кириб)

Келаётир! Тез бўл, тугади фурсат.

Ф а у с т

Бўпти, сўнгги марта бир қарай фақат.

М е ф и с т о ф е л ь

Қара, қутичамиз оғир ҳар қалай,
Манови жавонга солиб қўямиз.
Бунда марвариду зеб-зийнат талай,
Эс-ҳушин йўқотар кўргач шўрлик қиз.

Булар овунчоқдиր — әрмак бўлгудак,
Ўйинчоққа эса ўч бўлар гўдак.

Ф а у с т

Қандоқ бўлар әкан?

М е ф и с т о ф е л ь

Шундайми ҳали!

Балки қутичани олиб қолгали
Жазм этдилар жаноб! Билмабман аввал.
Сенинг бу ҳолингдан ҳайронман мен ҳам.
Шундай хасисмисан? У тобда, ишкал —
Бу ишлардан мени озод қил, ошнам.

(*Қутичани шкафга қўяди ва қулфлайди*)

Энди кетиш керак бу ердан тезроқ,
Токи сен оғушта бўлган қизалоқ
Танҳоликда топиб бу армугонни,
Тайёр бўлсин сенга бермоққа жонни.
Киши кўргуликмас ҳозирги чеҳранг,
Аттанг!
Мен сени деб қилдим ўзимни гаранг.
Сен әсанг,
Турибсан хомушликда танг.
Юзингда ийқ ранг,
Худди одина кун ўтган каби дарс,
Метафизикадан қилган каби баҳс.
Юр, кетдик!

Чиқишади.

Чироқ қўтарган Маргарита киради.

Маргарита

Нечук ҳаво уйда бўғиқ, дим,

(деравани очади)

Ташқарида кезар салқин тун.
Бир ваҳима чулғар хаёлим.
Теэроқ кела қолсайди ойим,
Воҳ, мен бунча қўрқоқман нечун?

(қўшиқ айтиб ечина бошлиайди)

Бир қирол бўлган әкан
Қадим шавкатдор.
Қолган әкан ёридан
Олтин жом ёдгор.

Шу қадаҳда гулгун май
Ичганда ҳар кун
Қирол ўзин тутолмай
Йиглар әкан хун.

Вақт келиб у бойлигин
Қилди-ю тақсим,
Ололмади бу олтин
Қадаҳни ҳеч ким.

У сўнгги бор ибодат
Этмоқ ўйида —
Берди катта зиёфат
Денгиз бўйида.

Май қўйди — порлаб турган
Жомни бўшатди.

Сўнгра уни мавж урган
Денгиэга отди.

Олтин қадаҳ тўлқинда
Бўлдию ниҳон,
Шўрлик қирол ҳам шунда
Аста берди жон.

(Кийимларини қўймоқчи бўлиб жавонни очади
ва қутичани кўради)

Бу нечук сеҳрдир, бу нечук ҳикмат,
Қутича қаёқдан келди, ажабо!
Жавонни қулфлаб кетганман, албат.
Балки онам буни олган омонат,
Бирорга қарз берган бўлса мабодо.
Мана калит. Қизиқ, унда нима бор?
Бир бор очиб кўрсам бўлмас-ку гуноҳ.
О, тангрим! Мен бунча бойликни зинҳор —
Умрим бино бўлиб кўрмаганман, оҳ.
Бундай безакларни энг бой хонимлар
Олий йиғинларда тақсалар арзир.
Эҳ, кимники әкан бу зару сиймлар,
Кимники бўлса ҳам тақиб кўрай бир.

(Кимматбаҳо безакларни тақиб кўзигу олдига келади)

Оҳ, қани меники бўлса шу зирак,
Ҳусн ҳам ўзгача — уларни тақсам.
Табиий гўзаллик нимага керак —
Қачонки, йўқ бизда тузук либос ҳам.
Ачингандан кўплар мақтар, мақбул дер,
Асли, барча пул дер,

Бойлик дер барча.
Дунёда шўрлик зот йўқдир бизларча.

САЙРДА

Фауст хаёлга чўмганча кезиб юради. Мефистофель унга яқинлашади.

Мефистофель

Лаънат бўлсин сенга, дўзахий гумроҳ,
Афсуски, сўкиш йўқ бундан баттарроқ.

Фауст

Сенга нима бўлди? Сўкиниш нега?
Сен шўрлик шайтонни хафа қилган ким?

Мефистофель

Үэни ташлар эдим дўзах ўтига
Агарда дўзахий бўлмасам ўзим.

Фауст

Ақлдан озганинг йўқми мабодо?
Жазава ярашмас сенга мутлақо.

Мефистофель

Бир гап айтсан, сен ҳам бўлурсан ҳайрон,
Кашишнинг қўлида бизнинг армуғон.
Бунга Маргарита онаси сабаб,
«Воҳ» деб ҳушдан кетди бойликка қараб.
Унинг иши доим тоат ибодат,
Черковга жон ила қилур итоат.
Доим ажратади бечора аёл

Қай нарса ҳарому қай нарса ҳалол.
Бизнинг совғамиздан бўлдию огоҳ,
Нопок эканини сезди баногоҳ,
Деди: болажоним, қўлингни урма,
Бироннинг мулки бу, кўз сола кўрма.
Албатта, баҳтсиалик келтирас ишон,
Кел, буни тангрига қилайлик эҳсон.
Қовоғи уолди бечора қизнинг,
«Ғамимизни ебди аллаким бизнинг,
Ҳадисини олсак не гуноҳ экан?
Берганинг бетига қарама, деган».
Лекин хабар берди черковга аёл,
Маслаҳатга келди кашиш ҳам дарҳол.
Она қарорини у мақбул деди,
«Балли сизга, ҳақ йўл асли шул, деди.
Ўз нафси балосин енга олса ким,
Мурод мақсадига етади доим.
Черковнинг даргоҳи кенг, ичи азим,
Хатто шаҳарларни қилолур ҳазм.
Давлатларни сўриб ётар эрта-кеч,
Сизнинг совға бўлмас қопчиғига юқ,
Ким нима баҳш этса ютар — танлаш йўқ,
Ҳалолми, ҳаромми суриштиромас ҳеч».

Ф а у с т

Ҳа, худди дўкондор яҳудий мисол,
Е қирол — уларга берганинг — ҳалол.

М е ф и с т о ф е л ь

Сўнг у жавоҳирни қўлига олди,
Йигиштириб яна қутига солди.
Гўё булар әмас олтин тақинчоқ,

Балки қўвиқорин ва ёки ёнғоқ —
Олди-ю айтмади ҳаттоки раҳмат,
Жўнади тангридан тилаб саодат.

Ф а у с т

Гретхен-чи?

М е ф и с т о ф е л ь

Сира ўрнидан турмас,
Тақинчоқ хаёли ҳеч тинчлик бермас.
Ким бўлди әкан деб совға қилган зот,
Ўйлашдан тўхтамас шўрлик бир нафас.
Уни олиб қочар сўнгсиз хаёлот.

Ф а у с т

Оҳ, бечора қизча! Чекибди азоб! —
Энди сен тузукроқ бошқа нарса топ.
Биринчиси эди ахир овинчоқ.

М е ф и с т о ф е л ь

Сенга ҳамма нарса оддий ўйинчоқ.

Ф а у с т

Менинг истагим шу — қилурсан бажо,
Қўщниси орқали топажаксан йўл.
Шалпайма, шайтонсан — демак шайтон бўл.
Қаердан бўлса ҳам топ янги совғо.

М е ф и с т о ф е л ь

Жоним билан хизмат қилурман, жаноб!

(*Фауст кетади*)

Ажаб, совға қилиш — ошиқнинг дарди!
Мумкин бўлса, ҳатто кўкдан моҳитоб —
Юлдузларни олиб ёрга берарди.

Қ ү ш н и н и н г ү и и

М а р т а

(*Елғиз*)

Э, воҳ, эрим менга қилмади шафқат,
Аммо, тангрим, уни асра саломат.
Тирик бева қилиб ташлаб фироққа,
Ўзи сузиг кетди йироқ-йироққа.
Мен уни севардим фидо қилиб жон,
Садоқатим ёлғиз тангримга аён.

(*Инглайди*)

Улиб кетган бўлса йироқда агар,
Қани, ҳатто шундан тополсам хабар.

(*Маргарита киради*)

М а р г а р и т а

Оҳ, Марта!

М а р т а

Гретхен, не бўлди сенга?

М а р г а р и т а

Қаранг, титрамоқда вужудим бутун,
Уша сирли одам жавонда менга
Қолдирибди яна қутича бу тун.
Антиқа безаклар — ҳеч йўқ дунёда,
Аввалгисидан бу юз бор зиёда.

М а р т а

Асло айта кўрма онангга фақат,
Буни ҳам черковга беради албат.

М а р г а р и т а

Мана, қаранг буни — қандай аломат.

М а р т а

(ясантиради)

Болажон, кулибди сенга саодат.

М а р г а р и т а

Афсуски, на черков ва на сайдра
Тақиб юролмасман уни ҳеч қачон.

М а р т а

Менинг уйимга чиқ, ўзим шу ерда —
Сени ясатаман ҳар кун, болажон.
Чиройингни очар марварид инжу,
Бунга шоҳид бўлур: сену мен, кўзгу.
Эрта бир кун байрам, шунда бир дона
Узукни тақасан... сўнг балдоқ, маржон...
Онанг ҳам сезмасдан қолади, ишон.
Сезса топилади бирор баҳона.

М а р г а р и т а

Ким ташлаб кетмоғи мумкин совғони?
Бошлаб келмасин-да бирор балони.

(Эшик тақиллаиди)

Балки мени излаб келгандир онам.

М а р т а

Қараб кўрайин-чи...

(Эшик тирқишидан қарайди)

Йўқ, бошқа одам.
Аллақандай жаноб.

(Эшикни очади)

Қани, марҳамат.

М е ф и с т о ф е л ь киради.

М е ф и с т о ф е л ь

Бостириб кирганим учун бефурсат
Сиз мени, хонимлар, тутгайсиз маъзур.

(*Маргарита олдида тавове билан чекинади*)

Менга Марта Швердтлейн керак.

М а р т а

Марта — мен.
Биздан нима хизмат, жаноб?

М е ф и с т о ф е л ь

Ташаккур,
Кўп хурсандман, лекин боз бир марта мен
Узр сўрамогим керак, бемаҳал —
Кирдим чоғи, бердим суҳбатга халал.
Мартабалик хоним олдида ғоят
Ушбу қиласишимдан чекдим хижолат.
Мен кетдим, келарман эртами-индин.

М а р т а

Безакларинг билан, қара, қизалоқ,
Мартабалик хоним бўлиб кўриндинг.

М а р г а р и т а

Узр жаноб, хоним әмасман мутлоқ.
Оддий оиланинг оддий қизиман.
Менини әмасдир тақинчоқлар ҳам.

М е ф и с т о ф е л ь

Хонимларни беzaқ әмас — юзида,
Қоматидан, мағрур боққан күзида,
Ҳатти-ҳаракати, айтган сүзида
Ажратиб олади әси бор одам.
Демак, қолсам бўлар. Шодман бағоят!

М а р т а

Менга қандай хабар олиб келдингиз?

М е ф и с т о ф е л ь

Мени кечиргайсиз бўлсан бешафқат,
Яхши мужда әмас хабарим, эссиz.
Эрингиз олисда юмди кўзини,
Олиб келдим унинг видо сўзини.

М а р т а

Э, воҳ, не кўргулик юбординг худо!
Елризим, бағримдан бўлдимми жудо?

М а р г а р и т а

Кўйинг, кўп қайғурманг, йиглашдан не наф?

М е ф и с т о ф е л ь

Эрингиз ҳақида сўйлай, өшитинг.

Маргарита

Ўтмоқ минг бор афзал севгисиз яшаб,
Бундоқ кун мен учун ўлим билан тенг.

Мефистофель

Ғамдан қўрққан кулмас шодлик боғида.

Марта

Айтинг, қандай ўлди, қаерда, қачон?

Мефистофель

Падуя шаҳрида у топшириди жон,
Муқаддас Антоний саждагоҳида.
У қутлуғ даргоҳда — ҳақ паноҳида
Тош қабрни этмиш мангулик макон.

Марта

Бирор нарса ундан қолдими ёдгор?

Мефистофель

У қолдирди сизга ёлғиз васият —
Топширайин уни — қарздири омонат.
Арвоҳини йўқлаб унинг уч юз бор —
Маърака қилмоқни сўради сиздан,
Лекин юбормади ҳеч нарса биздан.

М а р т а

Наҳот, на бир узук, ва на бир тумор
Бериб юбормади хотира учун.
Ҳар бошда бор әкан яхши-ёмон кун,
Ҳатто ҳунарманд ҳам, қашшоқ ва ночор,
Ойлаб оч юради ва йиллаб юпун,
Аммо қолдиради бирорта ёдгор.

М е ф и с т о ф е л ь

Ҳоним, сизга жуда қийин албатта,
Исрофгар әмасди әрингиз аммо.
Унга ҳужум қилди юз дарду бало
Тазарру әтди у кўз юмар вақтда.

М а р г а р и т а

Инсон қандай баҳтсиз! Сажда қилган пайт
Унинг арвоҳини йўқлайман албат.

М е ф и с т о ф е л ь

Мушфиқ ҳисларингиз эвази учун
Турмушга лойиқсиз худди шу бугун.

М а р г а р и т а

Ҳали ёшман, ҳали анча фурсат бор,
Эрта турмуш қуриш урғ әмас бизда.

М е ф и с т о ф е л ь

Үндоқ бўлса топинг ўзингизга ёр.

Бу ҳусну жозиба бор әкан сизда,
Лутфингиз кимларни қилмас баҳтиёр!

М а р г а р и т а

Бизда йўл қўйилмас бу ишга асло.

М е ф и с т о ф е л ъ

О, бу иш олдида бир хилдир дунё.

М а р т а

У қандай жон берди?

М е ф и с т о ф е л ъ

Сўраманг, э воҳ!

Кўз юмди оламдан ёлғиз, бепаноҳ,
Эгнида увада, тагида похол,—
Жон берди ва лекин сўнгги дам ҳалол
Гуноҳларин бир-бир сўйлади бутун,
Юз минг тавба қилди, йиглади беун.
Деди, лаънат бўлсин мен беватанга!
Хотиним, уй-жойим, ҳунарим ташлаб —
Нега келдим бу ён, минг лаънат менга!
Олиб келмиш мени ажалим бошлаб,
Кечир хотин, деди, сўнг кўзин ёшлаб.

М а р т а

(Йиглаб)

Кечирдим, ружини эслай доимо.

М е ф и с т о ф е л ь

Барча айбни сизга тўнкади аммо.

М а р т а

У ёлғон сўзлаган,— баттол, беимон!
Улим олдида ҳам сўзлабди ёлғон!

М е ф и с т о ф е л ь

Балки алаҳлашдир, ким билади, у
Сизни кўп гуноҳга қилди рўбарў.
Ялқовлик қилмадим, деди, ҳеч қачон,
Ҳеч қачон билмадим меҳнатда тиним.
Бола ҳам туғдирдим, топиб бердим нон,
Ҳеч рози бўлмади аммо хотиним.
Тинчлик бергани йўқ у менга бир дам
Ичмадим бир қошиқ ёвғон хотиржам.

М а р т а

Наҳот унут бўлмиш уни эрта-кеч
Севиб қучганларим... Айтмадими ҳеч?

М е ф и с т о ф е л ь

Барини эслади, бўлди миннатдор.
Деди у: «Малтадан чиққаҷ кемамиз,
Оиласни әслаб чўқиндим такрор,—
Тангри қолдирмади саждамни беиз —
Турклар кемасига учраб қолдик биз.
Бизга ўлжа бўлди, ўлжа әмас баҳт,

Султон хазинасин элтгувчи кема!
Олтин, кумушларнинг ҳисобин дема.
Бойликни ўртада тақсим қилган вақт,
Жанг пайтида мардлик қилганим учун,
Катта улуш тегди менга ўша кун.»

М а р т а

Қани ўша улуш — кўмиб қўйгандир?

М е ф и с т о ф е л ь

Уни изламоқдан фойда йўқ асло.
Шўрлиқ эрингизни беомон тақдир
Танҳо қолдирганда Неаполь аро,
Бойликни қандай сарф этишни билмай
Бегона шаҳарда бўлганда сарсон,
Эрингизни ортиқ мунтазир қилмай
Мушфиқлик кўрсатди бир гўзал жонон.
Эрта-кеч қошида бўлди парвона.
Ҳамдам, ҳамдард бўлди унга ягона.
Бечора эрингиз ўлгунича то
Ўша ёр хаёлин қўймади асло.

М а р т а

Аблаҳ, уяти йўқ, ифлос, муттаҳам,
Одатин қўймабди хор-эор бўлса ҳам.
Қутулмабди, гумроҳ, нахс-балодан.

М е ф и с т о ф е л ь

Мана, яхши бўлди, кетди дунёдан.
Сизнинг ўрнингизда мен бўлсан агар —

Бир йилгина қора кийгач муқаррар
Дарров бошқа әрга тегиб олардим.

М а р т а

Унақасин әнди қайдан топардим.
Қандоқ танти әди, қандоқ содда, гүл,
Үндайлар топилмас бу оламда мүл.
Айби фақат күпроқ ичар әди май,
Бузуқ хотинларга әди ишқибоз.
Яна қўйса әди қарта ўйнамай,
Дунёда бўлмасди унингдек мумтоз.

М е ф и с т о ф е л ь

У ўзи нимага бўлса ишқибоз,
Йўл очиб қўйгандир сизга ҳам бир оз.
Эр шунақа бўлса — лаззат бўлади.
Шундай тенг ҳуқуқлик кўрилса баҳам,
Кўлингиз сўрашга тайёрман мен ҳам.

М а р т а

Ҳазилингиз қалтис — уят бўлади.

М е ф и с т о ф е л ь

(Ўзича)

Дарс беради чоги бу шайтонга ҳам,
Әнди бўлмас тезроқ қочиб қолмасам!
Илиниб қолмайин яна сўзимдан.

(Маргарита)

Ҳеч кимга банд әмас кўнглингиз, демак?

М а р г а р и т а

Нима деганингиз?

М е ф и с т о ф е л ь

(ўзича)

Бегуноҳ гўдак!

(ошкор)

Кетдим, хайр!

М а р г а р и т а

Хайр!

М а р т а

Тўхтанг, мен кимдан
Эрим ўлганига олурман ҳужжат?
Менга керак әди икки әнлик хат,
Қаерда ва қачон кўз юмди — билсан,
Элга рўзномадан ошкора қилсан.

М е ф и с т о ф е л ь

Ҳужжат керак әмас, икки кишининг
Далолати ўзи бўлгай кифоя.

Менинг бир дўстим бор — ундан эшитинг,
Тасдиқлар, не қилган бўлсам ҳикоя.

М а р т а

Майли, келсин.

М е ф и с т о ф е л ь

Балки келаор хоним ҳам.
Дўстим дилкаш йигит, доно ва ўқтам.
У кўп нарса кўрган кезиб дунёни,
Қизу жувонларнинг офати жони.

М а р г а р и т а

Не бўлур жанобдан уялиб қолсам...

М е ф и с т о ф е л ь

Уялиб қолмассиз шоҳ олдида ҳам.

М а р т а

Бўпти, иккингизни демак шу бугун
Боғда кутажакмиз икков кечқурун.

К У Ч А

Ф а у с т ғ а М е ф и с т о ф е л ь

Ф а у с т

Иш қалай? Мақсадга етамиз қачон?

М е ф и с т о ф е л ь

Вужудингда оташ. Ҳаяжон мечун?
Бағрингда бўлади албатта жонон,
Мартанинг боғида кўрамиз бугун.
Сенга айтсам, асли у бева жувон
Яралган қўшмачи ҳунари учун.

Ф а у с т

Жуда соз, хурсандман.

М е ф и с т о ф е л ь

Бизлардан фақат
Талаб этилади кичкина хизмат.

Ф а у с т

Хизматга хизмат-да, майли мен тайёр.

М е ф и с т о ф е л ь

Биз ўша жувонга эринг ўлди, деб,
Падуя шаҳрида нобуд бўлди, деб —
Гувоҳлик берурмиз, унга шу даркор.

Ф а у с т

Аввал у томонга борурмиз, демак.

М е ф и с т о ф е л ь

Santa simplicitas! Нимага қерак —
Арзимас бир ишга шунча қайғурмоқ?
Бир варақ қоғозга имзо чексанг бас.

Ф а у с т

Бошқа бир режа топ бундан дурустроқ,
Үйлаган бу ишиңг ҳеч түғри келмас.

М е ф и с т о ф е л ь

Қандай мұтабар зот! Фариштадек соғ!
Үйлаб күр, ахир сен шу кунга қадар
Қанча ёлғон сүэлар айтдинг ноинсоғ,
Қанча-қанча ичдинг ёлғон қасамлар.
Таңгри-ю тириклик, олам ҳақида
Сен тарқатдинг қанча әртак ақида.
Яна ишонч билан билениҳоя
Үзинг күрган қаби қылдинг ҳикоя.
Қанча билсанг ўлган әрин Мартанинг,
Шүнчадир оламдан сенинг билганинг.

Ф а у с т

Бу — мантиқ ўйинни, одатий найранг.

М е ф и с т о ф е л ь

Эй, покиза одам, менга бир қаранг,
Күзингизда ёнар әхтирос — учқун.
Күрайлик, бугун ё әрта кечқурун
Түшга тортиб гүзал Маргаритани
Қасам ичмасмилар ўзлари, қани?

Ф а у с т

Елғонмас, чин дилдан ичаман қасам.

М е ф и с т о ф е л ь

Ҳа, яна чин дилдан қилурсиз изҳор,
Мұхаббатим дея мангу барқарор.

Ф а у с т

Ҳа, севгим оташи мангу деб айтсам,
Виждоним кафилки, тұла ҳаққым бор.
Ахир борлиғимни құчған аланга
Ифодаси учун сүз тополмасам,
Ҳислар қанотида учсам баландга —
Ениқ күкрагимга тор келса олам,
Мени асир әтған ул сиймин танга
Ишқим боқий дея ичурман қасам.
Биламан, боқиймас тириклик ўзи,
Биламан, жоизмас мангуплик сүзи.
Аммо юрак сүзим изҳор айласам,
Наҳот бу иблислик, наҳот бу алдоқ?

М е ф и с т о ф е л ь

Ҳарқалай мен ҳақман.

Ф а у с т

О, ҳақсан мутлоқ!
Таслим бўлдим, сени енгмоқлик душвор,
Сенда шайтонлик ҳам, чечан тил ҳам бор.
Баҳсдан фойда недир, кўнаман, нетай,
Сен менга кераксан, хўп дейман атай.

БОФ

Маргарита Фауст билан, Марта ёса Мефистофель
билин қўл ушлашиб богда сайр қилиб юришиди.

Маргарита

Жуда ҳам раҳмдил, мунис әкансиз —
Илтифот қулдингиз менга жуда ҳам.
Кўп юртлар кезгансиз, кўпни кўргансиз,
Сизга одат бўлмиш тақаллуф, карам.
Бу — менга шафқату лутфингиз фақат,
Суҳбатимдан зарра топмайсиз лаззат.

Фауст

Сенинг биро нигоҳинг, биро сўзинг бироқ
Оlamча донишдан менга азиэроқ.

(Қўлини ўлади)

Маргарита

Қўлларимни ўпманг, бўсангиз увол,
Меҳнатда қабарган, дағал ва қўпол,
Үйда бу қўлларга тиним йўқ бир дам,
Жуда қаттиқ тутар тартибни онам.

(Нари кетадилар)

Марта

Йўлда ўтар бутуни умрингиз, демак?

Мефистофель

Не қилай, касбим шу, шу менга аъмол.

Бизга насиб бўламиш оламни кезмак,
Бир ерда қолмоқ йўқ ёзмишда аммо.

М а р т а

Ёшликка ярашар изламоқ, кезмоқ,
Ҳаёт нима — йўқдир заррача парво.
Лекин қарилликда танҳо ва бўйдоқ
Қора ерга бормоқ кўп оғир савдо.

М е ф и с т о ф е л ь

Шуни хаёл қилсам увишар юрак.

М а р т а

Вақт ўтмай бу ҳақда ўйламоқ керак.

(*Нари кетишади*)

М а р г а р и т а

Кўэдан нари кетгач унугтади дил,
Бу сўзлар одатий илтифот холос.
Дўстларингиз кўпдиր ўзингизга мос,
Улар оқил, доно,— мен битта ғофил...

Ф а у с т

Ишон, инсондаги дониш ва ҳикмат
Бемаъни кибрнинг белгиси фақат.

М а р г а р и т а

Наҳот!

Ф а у с т

Ә, воҳ, нечун поклик, соддалиқ
Билмас бу дунёда ўз баҳосини.
Фақат маъсумликдиր шарафга молик,
Инсон шундан тонар муддаосини.

М а р г а р и т а

Йўқласангиз эди сиз мени бир бор,
Эслаб юрар әдим сизни умрбод.

Ф а у с т

Доим уйдамисан?

М а р г а р и т а

Кўпинча ёлғиз.

Хўжалик әмас-ку унчалар катта,
Лекин юмуши қўп уйнинг албатта.
Бари менга, йўқдири хизматкоримиз.
Уйни тозалаш ҳам, овқат қилиш ҳам
Тикиш, чатиш, ювиш — бари ўзимга.
Тартиб интизомга қаттиққўл онам,
Гоҳ қоронгу бўлар дунё кўзимга.
Оиламиз унча қашшоқ әмас, йўқ,
Яшаймиз ҳарқалай ўзимизга тўқ.

Бўзга мерос қилиб қолдирган отам
Озроқ мол-мулқ, яна уй-жой, боғча ҳам.
Менга анча енгил — бир йилдан буён
Акам саллотликда, синглим берди жон.
Эрта кеч у билан әдим овора,

Эсласам юрагим бўлади пора.
Аммо у тирилиб келсайди қани —
Тайёр эдим қайта азоб тортгани.

Фауст

Бўлгандир албатта бамисли маълак,
Сенга ўхшар бўлса агар у гўдак.

Маргарита

У дунёга келди отам ўлган йил.
Мен энага бўлдим, бечора юнам
Оғир жудоликдан бўлиб хастадил
Ҳушсиз ётар эди, бизлар ундан ҳам
Тирик қолмас дея узгандик кўнгил.
У шўрлик шунчалар әдики беҳол,
Бола эмиэмакни қилмасди хаёл.
Синглимни мен боқдим, сут бердим ва сув,
Кўтариб юардим уни әрта кеч.
Менсиз туролмасди бир нафас ҳам у —
Яйрай олмас эдим мен ҳам усиз ҳеч.

Фауст

Бахтили санармидинг ўзингни у вақт?

Маргарита

Ҳолдан тояр эдим баъзида фақат,
Енимда туардиг тунлар беланчак.
Ўйғонардим дарҳол йиғласа гўдак.
Үнга сут берардим, алла айтардим,
Ўрнимга ғолардим, ҳеч бўлмаса жим —

Олиб чиқар әдим ўроғлаб боққа.
Тонгда эса яна сағар турмоққа
Мажбур әдим — яна кир-чир ва бозор...
Шунча азобларнинг ҳаққига фақат
Уйқу — роҳат әди, луқма ош — лаззат.

(Нари кетадилар)

М а р т а

Сиздек бўйдоқларни ҳақ йўлга солмоқ
Шўрлик хотинларга жуда ҳам қийин.

М е ф и с т о ф е л ь

Мен жон деб ўқувчи бўлишим мумкин,
Сиздек муаллима берса гар сабоқ.

М а р т а

Ундоқ бўлса менга айтинг-чи қани,
Кўнглингиз истарми бирор кимсани?

М е ф и с т о ф е л ь

Гап борки, ўз уйинг, жуфти ҳалолинг
Дунёча бойликтан кўра афзалроқ.

М а р т а

Сизни банд өтганми севги хаёли?

М е ф и с т о ф е л ь

Мен ҳар вақт бўлганман севикли қўноқ.

М а р т а

Йўқ, мени тушунинг. Сиз астойидил
Сира қўйғанмисиз бировга кўнгил?

М е ф и с т о ф е л ь

Мен хотинлар билан қилмайман ҳазил.

М а р т а

Нера тушунмайсиз?

М е ф и с т о ф е л ь

Нетай — мен ғофил,
Фаҳмим йўқ ва лекин тушуниб олдим.
Юрагингиз экан ишқда лиммо-лим.

(*Нари кетадилар*)

Ф а у с т

Оҳ, жонгинам, буқун кўришган чоғда
Мени танидингми бир боқишаёқ?

М а р г а р и т а

Албатта танидим қўрибоқ боғда,
Сўнг уялиб ерга қарадим шу чоқ.

Ф а у с т

У кун йўл устида ранжитдим сени,
Узр әнди, жоним, кечиргин мени
Ҳаддан зиёд қўпол ҳазилим учун.

М а р г а р и т а

Ўзимни ўйқотиб қўйгандим у кун,
Хали сўз отмаган ҳеч кимса менга,
Мен ҳақимда ҳеч ким сўйламас ёмон.
Ўйладим сўз қотди у йигит нега,
Мени аллаким деб қилгандир гумон.
Балки бунинг учун ўзим айбдор,
Ножўя бир қилиқ қилгандирман ё.
Йўқса йўл устида учратиб илк бор
Қиз болага бундоқ қилмаслар асло.
Сиздан ранжимадим сира ўша кун,
Галим рост, ўзимни койидим бутун.

Ф а у с т

Жонгинам!

М а р г а р и т а

Шошманг-чи...

(Ромашкани узаб япроқларини бир-бир
юла бошлиайди)

Ф а у с т

Нима ҳарақат?

Гулдаста учунми?

М а р г а р и т а

Шунчаки ҳавас...

Ф а у с т

Нима бу, тушунтири.

Маргарита

Кулмангиз фақат.

(Үэича пичирлайди)

Фауст

Нега пичирлайсан?

Маргарита

Севади... севмас...

Фауст

Гүзалим!

Маргарита

Севади. Севмас. Севади.

Севмас.

(Сүнгү түлбарғын үзіб, севинч билан қаттиқ)

Севади, ұал!

Фауст

Севганда қандоқ!

Ишон, у сен учун жонин беради,
Гул билан фол очдинг, бу фол, қизалоқ,
Тангри башорати бўлгай бегумон.

Маргарита

Титраяпман.

Фауст

Кўрқма ҳеч қачон.

Шу қўл ҳарорати.

Шу кўз оташи
Буюк чексизликни айласин баён.
Бу бир чексизликки,
Унинг таърифи,
Тавсифига йўқдир сира ифода.
Оlamda шодлик бор —
Икки юракни
Боғлагувчи шодлик фақат дунёда.
Бу шодлик, бу бахтнинг
Ниҳояси йўқ.
Ниҳоя нимадир?
Не тушунча у?
Севгининг сўнги, бу — оламнинг сўнги.
Йўқ, севги мангудир,
Муҳаббат мангу.

Маргарита унинг қўлини қаттиқ қисади ва юлқиниб бор ичига қочади. Фауст бир дақиқа саросимада қолади, сўнг қиёзинг кетидан кетади.

Мартा

(Ичкаридан чиқаркан)
Қоронғу чўкмоқда.

Мефистофель

Ҳа, қайтиш керак.

Мартा

Мен сизга бунча тез бермасдим жавоб,
Бизнинг шаҳарчада одамлар сергак,
Етга тикилган кўз бунда беҳисоб.
Ҳар кимнинг қадамин кузатиб турмак
Уларнинг ҳунари — иши йўқ бўлак.

Биэни боғ ичида кўрсалар шу тоб
Эртага қилурлар каттакон китоб.
Дўстларимиз қани?

М е ф и с т о ф е л ь

Улар боғ аро
Бир жуфт парвонадек ўйнашар ҳамдам.

М а р т а

Қиэча севиб қолди уни жуда ҳам.

М е ф и с т о ф е л ь

У эса қизчани. Щунаقا дунё!

С У Ҳ Б А Т Г О Ҳ

М а р г а р и т а чопиб киради ва эшик орқасига яшириниб, бармогини
лабига босганча эшик тирқишидан қарайди.

М а р г а р и т а

Келаяпти.

Ф а у с т

(Кириб)

Мендан қочолмайсан, қиз!

М а р г а р и т а

(Ўнади)

Борлигимга ҳоким фақат ўзингиз.

(Мефистофель эшик қоқади)

Ф а у с т

(Тепиниб)

Кимсан?

М е ф и с т о ф е л ь

Үз оғайнинг!

Ф а у с т

Бефаҳм ҳайвон!

М е ф и с т о ф е л ь

Кетиши керак.

М а р т а

(Киради)

Түғри, кеч бўлди, жаноб.

Ф а у с т

Бормикин кузатиб қўймоққа имкон?

М а р г а р и т а

Йўқ, йўқ. Кўриб қолса онам ногиҳон,
Бу қилимишим учун тортаман азоб.

Ф а у с т

Афсус. Демак менга бергайсиз жавоб.
Хайр.

Марта

Омон бўлинг.

Маргарита

Кўришгунча хайр.

(Фауст ва Мефистофель кетишиади)

Унинг фикри қиласр оламни сайд,
 Мен-чи, қаршисида бир гўдак мисол
 Тураман уятдан қизарганча лол.
 Лол тураман ёки «ҳа» дейман фақат.
 Аммо бир нарсага тушунмам ҳамон:
 Унинг-ку бошида бир олам ҳикмат —
 Қандай ёқиб қолдим унга — мен ҳайрон.

(Кетади)

УРМОНДАГИ ФОР

Фауст

(ёлғиз)

Эй сен илоҳий руҳ, неки тиласам,
 Барча тилагимни айладинг бажо.
 Сен олов ичида кўриндинг менга,
 Табиат кўркини қилдинг армуғон.
 Менга бердинг сўнгсиз шавқ туйғусини.
 Энди мен әмасман олам кўркига
 Ҳайрат нигоҳини тиккан бир меҳмон.
 Унинг замирини очиб қарайман
 Дўйстнинг юрагига боққандек гўё.
 Неки жонли бўлса бу олам аро
 Сен бир-бир ўтказдинг кўзим олдидан

Ҳам ўргатдинг менга улар барини —
Барча жонивору қуш ўт, ўланни
Оға биродар деб билиш фунунин.
Ўрмонни қучганда даҳшатли бўрон
Ерга қулар әкан асрий қарагай,
Ўзга дарахтларни қилганда поймол,
Акс садо берганда унга уфқлар —
Ўрмондаги форга етаклаб мени,
Бунда танҳоликда ўлтириб сокин,
Ўқитдинг ўзимга қалбим китобин,
Мени ошно қилдинг ажиб сирларга.
Мен ойга қарайман ва шабнам инган
Япроққа, қояга солурман нигоҳ.
Аста сузаётган булат сояси
Ўтмиш шарпаларин әслатур менга.
Қарайман ва менга юксак камолот
Насиб бўлмаганин сезаман шунда.
Мени тангриларга тенг қилгувчи куч —
Юксак хаёлларга айлаб ҳамнафас
Яна ҳамроҳ бердинг тубан ва шаккок,
Усиз ҳаётим йўқ, гарчи у сенинг
Менга бағишлаган барча неъматинг —
Қилган бўлса ҳамки тупроқ билан тенг,
У менга кўрсатди гўзаллик сеҳрин,
Еқди юрагимга сирли алана.
Совутмоқ буламан ўзимни, аммо
Яна ўртар мени сўнгсиз эҳтирос.

(Мефистофель келади)

Мефистофель

Эҳ, дарвеш! Жонингга тегмади наҳот,
Кимсасиз ўрмонда ўй сурмоқ танҳо.

Бу қандай кўргилик, бу нима ҳаёт,
Үйлаб топмадингми ўзга бир савдо?

Ф а у с т

Топсанг бўлар эди сен ҳам бирор иш
Айғоқчилик қилиб юришдан бўлак.

М е ф и с т о ф е л ь

Ҳазиллашдим. Ҳадеб арра тортишиш
Ўзинг ҳам ўйлаб кўр, нимага керак?
Бадфеъл, одамови экансан жуда,
Сенга дучор қилди не учун тақдир?
Эрта-кеч сен учун қайғурсам ахир,
Нимаки истасанг,— олам бурчидা
Бўлса ҳамки, сенга қилсам муҳайё —
Яна айборман, бошимда бало.

Ф а у с т

Таажжуб, айтмоғим керакми раҳмат
Эрта-ю кеч хира бўлганинг учун?

М е ф и с т о ф е л ь

Эй инсон, сўрашга қилурман журъат,
Мен бўлмасам қандай яшардинг букун?
Ким сени танҳолик уқубатидан
Диққи нафасликдан қутқарди мудом?
Мен бўлмасам жисминг, эй доно одам,
Замин сафҳасидан ўчарди тамом.
Бу тоғ ўрмонига келдинг не сабаб?
Гамларинг ёзмоқчи бўлдингми танҳо —
Елғиз хониш қилган бақага ўхшаб,

Вайронага қўнган бойқушдек гўё?
Бир карра ишондим, кўксингда ҳамон
Ўша яккаш олим яшар бегумон.

Ф а у с т

Қани билсанг әди мен бу маснаддан
Топурман қанчалар қувонч ва ёгду.
Билганингда әди, сўэсиз, ҳасаддан
Ўшал қувончимга солардинг оғу.

М е ф и с т о ф е л ь

Мана бу ҳақиқий самовий лаззат!
Тун бўйи ўй сурмоқ тогли ўрмонда!
Илоҳий ҳисларни асрамоқ жонда
Ва танҳо изламоқ роҳи ҳидоят.
Оlam яратилган қутлуғ олти кун —
Ҳикматин жам этмоқ кўнгилда бутун.
Бу ёруғ дунёда бўлса не дониш,
Неки асрор бўлса барини олиш —
Сўнг тафаккур этган ўша юксакдан
Алланарса қадар йиқилмоқ тубан.

(Хўнук қилиқ қиласи)

У нарса нимадир айтардим, фақат
Тилга олмоқ учун йўл қўймас уят.

Ф а у с т

Нақадар разолат!

М е ф и с т о Ф е л ь

Разолат? Ажаб!

Нечун кўзларингда бунчалар газаб?
Номусдан қизардинг, вужудинг — қаҳро
Оғзимдан чиқмаёқ ҳақиқат сўзи.
Тириклик ичра бу бор гап-ку ахир.
Ахир усиз йўқ-ку номуснинг ўзи.
Майли алдамоқни қўймагин сира,
Мунофиқ юзингга тута бер ниқоб.
Аммо билиб қўйгин, тор кулба ичра
Гретхен сен учун чекмоқда азоб.
У ёлғиз, у сени ўйлайди фақат,
Висол иштиёқи ээммоқда уни.
Емоқ, ичмагида йўқдир ҳаловат,
Тамом унугтган у ором, уйқуни.
Унинг муҳаббати тошқин беқирғоқ,
Унинг муҳаббати билмас интиҳо.
Сен эса шўрликни унугтдинг, қочқоқ,
Изтироб ичида қолдиридинг танҳо.
Тинч ўрмон қўйнида юлдузлар билан
Суҳбат қуриб бунда ётгандан кўра,
Хабар ол ўртанган қизнинг ҳолидан,
Сен деб хароб бўлган кўнглани сўра.
У шўрлик дарчадан термулиб букун
Карвон булатлардан сўрмоқда најот,
Қўшиқ айтмоқда у оҳиста, маҳзун:
«Э, воҳ қани әнди қуш бўлсан озод».
Гоҳ кулади шўрлик, гоҳ чимирап қош,
Гоҳ маъсум хаёлин чулағайди туман.
Ва лекин ҳамиша кўзларида ёш,
Ва лекин ҳамиша кўнглида армон.

Ф а у с т

Илонсан! Илонсан!

М е ф и с т о ф е л ь

(Ўзича)

Үт солдим жонга,
Отган ўқим бориб тегди нишонга.

Ф а у с т

Бас қил васвасаңни, эй руҳиллаъна,
У ҳақда бир оғиз сўз қота кўрма.
Базўр ором топган бўронни яна
Дардкаш юрагимда уйғота кўрма.

М е ф и с т о ф е л ь

Аммо қиз кўнглида қўрқув, ҳаяжон,
Мени унутди деб қилмоқда гумон.

Ф а у с т

Йўқ, қайдада бўлмай у менга ҳамнафас,
Кўзим олдида у, у деб тепар қалб.
Мен, ҳатто санамга қилурман ҳавас —
Ул санамга ёrim босганида лаб.

М е ф и с т о ф е л ь

Гуллар оғушида ётган жуфт танга
Қарамоқ нақадар завқ берур манга.

Ф а у с т

Йўқол, эй қўшмачи!

М е ф и с т о ф е л ь

Майли сўка бер,
Мен эса эшитиб куламан жолос.
Тангри яратди-ю аёл билан эр —
Бир-бирига мойил берди эҳтирос.
Етар, қувла мунгли хаёлларни, бас,
Ўзни йўқотма сен гўдак мисоли.
Ахир сени жаллод ёки дор эмас,
Кутаётир гўзал ёрният висоли.

Ф а у с т

Оҳ, дилбар оғуши мен учун жанинат,
Барча лаззатларнинг етук камоли.
Аммо ёр бағрида топганда роҳат
Кўз олдимдан кетмас қизнинг заволи.
Мен ким? Бир беватан, ғамли сояман,
Девона қўнглимда ором йўқ зарра.
Мен гўё кўз етмас юксак қоядан
Ўзни тубсиз жарга отган шаршара.
Ёнимда эса ул — сокин кулбада
Осуда тириклик кўргувчи бир жон.
Ўша ниҳол қомат, ўша гул бадан —
Торгина кулбаси унга кенг жаҳон.
Мен-чи, ёвуз тошқин, менга гўё кам
Юксак қояларни отганим пастга,
Улкан харсанглару, зарангларни ҳам
Беаёв қорганим қумга ва хасга.
Мен яна ул маъсум жон бир гўдакнинг

Сокин ҳайтига солурман чангаль.
Айтганинг бўлсин сен ёвуз малакнинг
Бошла мени қизнинг ёнига жадал.
Диёнат ҳислари чекинсин бир дам,
Адолат, шафқатга кўр бўлсин кўзим.
Мен уни қучганча баланд чўққидан
Тубсиз жар қўйнига отгайман ўзим.

М е ф и с т о ф е л ь

Яна газаб, яна мислсиз туғён!
Бор унинг ёнига, овутгин тезроқ.
Берк кўчага кириб қолса гар аҳмоқ —
Оlam тугади деб қилади гумон.
Ахир сен ҳамиша мард әдинг, ботир,
Олға юр, чекинма, хаёл сур камроқ.
Дадил бўл, нимадан қўрқасан, ахир —
Шайтоннинг ўзи-ку ёнингда ҳамроҳ.

ГРЕТХЕННИНГ ХОНАСИ

Г р е т х е н

(Елғиз урчуқ йигиради)

Кўнглимда нечун
Йўқ зарра ором.
Асируман маҳзун
Ўйларга тамом.
У бўлмаса гар
Ёнимда бир дам,
Қоронғу бўлар

Менга бу олам.
У қайда қолди,
Қуйилар ёшим.
Ақлим иўқолди,
Айланди бошим.
Кўнглимда нечун
Йўқ зарра ором?
Асируман маҳзун
Ўйларга тамом.
Дарчадан боқсам —
Уни кутарман.
Йўлига ҳар дам
Кўзим тутарман.
Хаёлдан кетмас
Қадду қомати.
У олган нафас,
Барча одати...
Унута олмам
Майин кўзларин.
Табассумин ҳам
Ениқ кўзларин.
Кўнглимда нечун
Йўқ зарра ором?
Асируман маҳзун
Ўйларга тамом.
Висолин тилар
Юрагим букун.
Унга интилар
Вужудим бутуни.
Не бўлгай охир
Бенасиб бўлсан?
Майли эди бир
Қучсаму ўлсан.

МАРГАРИТАНИНГ БОФИ

Маргарита ва Фауст

Маргарита

Ваъда қил, Генрих!

Фауст

Хўп, ваъда қиласман,
Сен учун тайёрман ҳар не савдога.

Маргарита

Айт, ишончинг борми, динга, худога?
Сен яхши одамсан, буни биламан,
Аммо әътиқодинг тушунмасман ҳеч.

Фауст

Қизалоқ, сен бундай саволлардан кеч.
Сен менга азизсан, шунинг ўзи бас,
Бошқа ҳеч әътиқод менга керакмас.
Ким менга азиэдир — унга жон фидо,
Аҳли саждалардан кулмасман аммо.

Маргарита

Фарз эрур тангрига доим сифинмоқ.

Фауст

Нечун?

Маргарида
Ишонтириш мушкул, сен ахир
Тангри асрорларин қилмассан қадр.

Фауст
Қадрлайман.

Маргарида
Фақат ақлда бироқ.
Асли бу сирлардан сен жуда узоқ.
Черковга бормассан қанчадан бүён,
Худойинг борми, айт?

Фауст
Жоним, ҳеч қачон
Бу саволга тегма. Айта олур ким
Ҳайиқмасдан, дадил, бор деб, худойим!
Сўраб кўр донишманд руҳонийлардан,
Уларнинг жавоби нақд турар ҳар дам.
Кулгудан ўзгамас бу жавоб аммо.

Маргарида
Демак ишонмассан!

Фауст
Жонгинам, асло —
Чиқарма сўзимдан ўзгача маъно.
Комил ишонч билан ким айта олур
«Мен унга ишонаман» деб?
Ёки ким
Манманлик билан сўйлайдур:
«Йўқ, мен унга ишонмайман», деб.

Оламни яратган — у,
Ҳам унинг таянчи — у
Унинг паноҳида ҳамма нарса жам:
Сену мен,
Ҳаттоти унинг ўзи ҳам.
Бошимизда йўқми гумбази само,
Оёқ остимизда йўқми ё тупроқ?
Йўқми тонг уфқидан қараган Зуҳро
Ва шуъла таратган бизга ярқироқ?
Беғубор кўзингга сенинг, эй сулув,
Маҳлиё кўз тиккан мен әмасми ё?
Ҳақиқатда йўқми теграмизда бу —
Сену мен сезгану сезмаган дунё?
Шу дунё бағрида борлигингни бил,
Ҳаёт бутунлигин англа доимо.
Буни не атасанг сўнг, билганинг қил,
Севги, баҳт дейсанми ва ёки худо?!
Бунга ярашиқ ҳеч топилмас нисбат,
Ном йўқ уни қамраб қолгувчи бутун.
Барча гап туйғуда, сўз эса фақат
Нурафшон фалакни тўсгувчи тутун.

М а р г а р и т а

Гапларинг барчаси тўғри, жуда соз.
Шундай дерлар бизга саждагоҳда ҳам,
Фақатина бошқа сўз билан бир оз.

Ф а у с т

Шаксиз, бу фикрни такрорлар олам,
Ҳар ким ўз тилида қилади баён.

Ҳеч таажжуб йўқдир мен ҳам бу аён —
Ҳақиқатни яна тақрор айласам?

Маргарита

Ҳақиқатга ўхшар даставвал сўзинг.
Маъносини чақса билинар аммо —
Исо мазҳабидан эмассан ўзинг.

Фауст

О, қизалоқ!

Маргарита

Нечун — билмайман, дўстинг —
Негадир кўнглимга ёқмайди асло.

Фауст

Ҳўш?

Маргарита

Қаердан топдинг бундай улфатни?
Иккингизда ўхшаш бирор хислатни
Топмадим. Унга мен ташласам назар
Таним жимиirlашар, қилурман ҳазар.
Чин сўз, шу пайтгача ҳеч ким ҳеч қачон
Уйғотмаган менда бунчалар нафрат.

Фауст

Ҳайиқма, қўрқинчли әмас у, ишон.

Маргарита

Кўрсам вужудимни қучади даҳшат.
Йўқ мен одамови эмасман сира.
Бошқаларга менда меҳру илтифот,
Сенинг ёнингда-ку мен бир асира,
Аммо дўстинг тамом юрагимга ёт.
Кўнглим асло суймас, қўрқаман кўрсам,
Кечир тангри, агар мен ноҳақ бўлсан.

Фауст

Не қилай, улфатим шундай девона.

Маргарита

Сенга ҳеч ўхшамас, тамом бегона.
У билан бир нафас бўлмасдим ҳамдам.
Кириб келганда у бу ерга ҳао дам
Жодугар бир оташ ёнар кўзида,
Масхара сезилар ҳар бир сўзида.
Одамни бир пулга олмайди зинҳор,
Менимча улфатинг умрида бир бор
Мұҳаббат шавқига бўлмаган ошино.
Эзгу ҳисларни у билмаган асло.
Биз иккимиз бўлсак — олам нурафшон,
Аммо унинг билан бўлсак учовлон,
Қоронғу кўринар кўзимга дунё.

Фауст

Фариштам, ҳисларинг новик нақадар

Маргарита

Уни кўриш менга даҳшат ҳар сафар.
Тикилиб турганда совуқ кўзлари,
Тилимга келмайди сажда сўзлари.
У биз билан бўлса, кўнглимда ҳатто
Сенга муҳаббатим туюлар ёғон.
Юракда бир бўшлиқ сезарман аён.

Фауст

Демак, кўнглинг уни сўймас мутлақо.

Маргарита

Вақт бўлди, мен кетай.

Фауст

Шошма бир нафас!
Наҳотки бир соат сен билан якка —
Дилни-дилга — кўксинг босиб кўкракка,
Бирга бўлмоқ менга ҳеч насиб бўлмас.

Маргарита

Бу кеча ётсайдим мен ўзим танҳо,
Эшик занжирини солмасдим, ишон.
Онам ухлар доим ёнимда аммо,
Жуда сеэгир ётар, агар мабодо
Иккимизни кўриб қолса ёнма-эн,
Мен ўша ондаёқ бўлурман адо.

Фауст

Бунинг чораси бор, мана шиша, ол,
 Бу доодан сувга уч-тўот томчи сол.
 Уша сувдан унга ичириб қўй кеч,
 Онанг тонгта қадар уйғонмайди ҳеч.

Маргарита

Жоним, сен учун мен ҳар ишга тайёр,
 Бу оғу эмасдир, қилмасдир заар?

Фауст

Сенга берармидим, жонгинам, заҳар?

Маргарита

Монелик қилмоққа куч қолмас зиндор,
 Сен бир бор кўзимга тикилсанг агар.
 Неки истар бўлсанг — мен шунга ҳозир,
 Сени жондан суйиб мен беистигно —
 Бутун борлигимни бахш әтдим, ахир,
 Ҳеч нарсам қолмади қилмоққа фидо.

Мефистофель

(кириб)

Маймунчанг кетдими?

Фауст

Айғоқчи! Яна —
 Эшитиб турганми әдинг?

М е ф и с т о ф е л ь

Албатта

Эшитдим ҳам билдим, бир қизча катта —
Олимга дин дарсин ўргатди, мана!
Қизлар орзусига эътиқод йўлдош,
Ниятлари аён — улар шундай дер:
Қанча эътиқодли бўлса агар әр,
Бўлур хотинига у шунча ювощ.

Ф а у с т

Ёвуз махлуқ! Қайдан билурсан, бу дам —
Кизнинг юрагида эътиқод — ёғду.
У фақат мен учун қўрқар, мени ҳам
Динсизлик ҷоҳидан қутқармоқчи у.

М е ф и с т о ф е л ь

Севги бор, ишонч бор кўнглингда ёлғиз,
Сен шўрликни роса лақиллатди қиз.

Ф а у с т

Оташ ва ифлосдан яралган! Йўкол!

М е ф и с т о ф е л ь

У қиз жуда айёр, юздан бемалол
Ўқиб олур ақлу дониш белгисин.
Менинг олдимда у, сезасанми сен,
Сира ўтириолмас, билади аён —
Мен ё донишманлмен ва ёки шайтон.
Демак бу кечаси?..

Фауст

Нима ишинг бор?

Мефистофель

Мен ҳам бу орада қолмасман бекор...

Қудук Енида

Кўза кўтарган Гретхен ва Лизхен.

Лизхен

Барбалъхен ҳақида әшитдингми гап?

Гретхен

Эшитмадим, ахир уйдаман доим.

Лизхен

Ҳаммани кулдирди Сибilla сўйлаб:

Қўлга тушиб қопти ўша гулойим.

Ажаб бўпти — энди сал тушар пастроқ!

Гретхен

Нима гап?

Лизхен

Хунук гап. У еб ичган чор —
Бир вужудда икки одам баҳраманд.

Гретхен

Тавбал

Лизхен

Баттар бўлсин, ҳаммадан балаанд
 Олиб юрар эди ўзини — ажаб!
 Ҳаммага топилди мана текин гап.
 Уялмай турфа хил қилиқ қиласарди.
 Йигити бўйнига кўп осиларди.
 Доимо ҳуснини қиласарди кўз-кўз.
 Унга ёғиларди доим мақтov сўз.
 Йигити қўлидан оларди совго,
 Рақсга тушар эди бирга доимо.
 Ўзини санаарди ҳаммадан гўзал,
 Уша йигит билан бирга ҳар маҳал
 Қаҳваҳоналарда ичарди шароб,
 Бўлишин билмасди охири азоб.
 Мана жазосини берибди худо,
 Гул шохи бўлибди гунчадан жудо.

Гретхен

Бечора!

Лизхен

Бечора демагин уни,
 Бизга ким ачинган? Бизлар ҳар куни
 Кечгача қоронғу кулбада қолиб,
 Урчуқ йигирганда әзилиб, толиб,
 Севгани ёнида яйраганди у,
 Билмаганди недир ёлғизлик, қайғу.
 Мана әнди барча қилмиши учун,

Заб бўлди — эгади мағрур қоматни
Ва бўйнига илиб тавқи лаънатни,
Тавбасин айтади чеरковда букун.

Гретхен

Йигит әнди унга уйланса керак.

Лизхен

Э, уйланиб бўпти! Йўқ бундай тентак.
Хотин топиладир бошқа, тузукроқ.
Ишини битириб ростлади жуфтак.

Гретхен

Чакки бўпти. Инсоф қилмапти, аҳмоқ.

Лизхен

Уйлангани билан барибир ҳеч ким
Қутқара олмайди қизни номусдан.
Тўй куни йигитлар туармиди жим,
Гулчамбарни юлиб ташлар ноқусдан.
Биласан, бизнинг ҳам Феълимиз ёмон,
Остонага сепиб қўямиз сомон.

Гретхен

(Уйга қайтар экан)

Авваллари мен ҳам роса кулардим,
Гоҳ жаҳлим чиқар, гоҳ ҳайрон бўлардим.
Бирор қиз гуноҳ иш қилиб қўйганда,

Қандай номус дердим, қандай шарманда.
Тутардим ўзимни ҳаммадан мағур,
Лаънат ёғдиардим ҳаммадан кўпроқ.
Гуноҳ қилиш ўзи қанақа бўлур —
Ҳаттоки тасаввур қилмасдим бироқ.
Ўзимга қайтди бор нафратим, сўзим —
Ўша гуноҳ йўлга кирдим мен ўзим.
Билмам нима бўлар энди оқибат,
Нима бўлар бу мен ортирган кулфат?
Аммо мени асир этган у туйғу
Қандай ширин эди, қандай серёғду?

ШАҲАР ДЕВОРИ ЕНИДА

Қалъа деворининг токча қилиб ўйилган ерида Биби Марям
ҳайкали. Ҳайкал қархисида гуллар. Гретхен ҳам гул қўяди.

Гретхен

Эй мунис, меҳрибон —
Табаррук онажон,
Дардли юрагимга бир ташла назар.
Кўзларингда алам,
Кўлларингда боланг,—
Салибга тортилган Исо муқаддар.
Лабингда зорларинг,
Фалакдан чорладинг,
Чорладинг: «Қайдасан, қайдасан, падар?»
Ким била олур, ким
Юракдаги дардим?
Бағрим ёнаётир — ҳеч кимса билмас.
Фақат сенга менинг борлигим аён,
Сен ўзинг мадад бер менга, онажон,

Мунис нигоҳингни ташла бир нафас.
Эл ичида тамом
Йўқдир менда ором,
Кўтара олмайман кўзимни асло.
Уйда бўлсам ўзим
Мен йиглаб-йиглаб жим,
Бўшатиб оламан кўнглимни танҳо.
Мана бу гулларни
Тердим сен учун
Кўз ёшла уларни
Хўл қилдим бутун.
Хонамга тонг нури
Тушганда илк бор —
Мен бедор ўлтириб
Чекар әдим зор.
Қутқар бу номусдан,
Қутқар, онажон!
Суяничим сенсан,
Елғиз меҳрибон!

ТУН, ГРЕТХЕННИНГ УИИ ҚАРШИСИДАГИ КУЧА

Валентин — саллот, Гретхенning акаси.

Валентин

Давраларда тортар әкан май,
Баъзи нодон мақтанчоқ тинмай,
Ўз ёрини мақтаб кетарди,
Пари қилиб тасвир этарди.
Гўё унинг ёридек барнио
Бу дунёга келмаган асло.
Мен-чи унинг сўзини тинглаб

Парво қилмай ўлтирадим жим.
Охирида бураб мўйловим
Қойил қилиб қўндирадим гап.
Май косани кўтариб баланд,
Боплаб туриб сўзни бичардим:
«Кимнинг кўнгли, майли, кимга банд,
Мен-чи синглим учун ичардим.
Борми юртда бирор қиз, айтинг.
Менинг гўзал синглим билан тенг?
Балли дерди майхона эли,
Лол бўларди мақтанчоқ тили.
Бу кун тамом ўзга ҳол аммо,
Ғазабимдан гоҳида ҳатто
Юлгим келар битталаб сочим,
Ургим келар деворга бошим.
Ҳар томондан, билмайман, нега.
Учирма гап қилишар менга.
Аллақандай қочирма маъно,
Нимагадир ишора, имо...
Мен уларнинг сўзини тинглаб
Очолмайман бирор сўзга лаб.
Мен уларни қўймасдим омон,
Агар бўлса сўзлари ёлғон.
Ана, келар девор панараб
Икки соя, кўрай-чи қараб,
Ўша иблис бўлса мабодо,
Тирик кетмас бу ердан асло.

Фауст ва Мефистофель кирншади.

Фауст

Қара, ҳов саждагоҳ даричасида —
Юксакда липиллар танҳо бир чироқ,
Гоҳида сўнгудек пасаяр жуда,

Гоҳ эса ёнади яна баландроқ.
Уни қоронгулик бўғмоқда гўё,
Худди шу кечадек кўнглим зим-зиё.

М е ф и с т о ф е л ь

Мен әсам қайғудан ўзгаман бутун,
Ҳассос дилим ҳаргиз хушнудлик топган.
Томда бароқхоннинг кетидан чопган
Нар мушук сингари баҳтлиман буқун.
Шўхликда тарағлан шуҳратим маним,
Шўхлик базми яқин — ўта шоддирман.
Завқдан ўйнаб бутун аъзойи таним,
Вальпургия тунин кутаётирман.
Ул кеча орзуси солмоқда қутқу,
Ул кеча илинмас кўзларга уйқу.

Ф а у с т

Шунда ер юзига чиқажакми ул —
Олисдан нур сочиб ётган хазина?

М е ф и с т о ф е л ь

Ха, албатта, фурсат қолди озгина,
Ўша хазинани қилурсан қабул.
Мен унинг ичига бир назар солдим —
Лиқ тўла турфа хил кумуш ва олтин.

Ф а у с т

Йўқмикин мабодо сирға ё узук,
Гретхенга совға бўлгудек тузук?

М е ф и с т о ф е л ь

Кўнглингдаги совға шаксиз топилур,
Бор, кўрдим, бир талай марварид ва дур.

Ф а у с т

Жуда соз! Олмасдан бирор армуғон,
Қиз ёнига бормоқ жуда мушкул иш.

М е ф и с т о ф е л ь

Албатта совғами? Усиз ҳам, ишон,
Мумкиндир оламда кўнгил яйратиш.
Гапни қўй, юлдузга тўлмоқда само,
Мен бир қўшиқ айтай бу ажойиб тун.
Бунда куйланади номус ва ҳаё,
Қизни алдаб уйдан чиқармоқ учун.

(Гитара чалиб қўшиқ айтади)

Бу осуда тун
Катрихен нечун
Турибсан маҳзун
Сен бу эшик ёнида танҳо?
Қилмасмисан ҳис —
Эшикдан ёлғиз
Киражаксан — қиз,
Қиз ҳолингча чиқмассан аммо.
Ишонма сўзга,
Нияти ўзга —
Иш битгач қизга:
«Ҳайр энди» — дейди, вассалом!
У қанча барно

Ва қанча доно
Бўлмасин аммо —
Никоҳгача то
Кўйма унга, бўлурсан тамом.

Валентин

(Олдинга чиқиб)

Нима овляяпсан, каламуштутар?
Сўйла, бу кўчада ким кёрак санг?
Даставвал қирқ бўлак бўлади гитар,
Сўнгра шу кун тушар аҳмоқ каллангта.

Мефистофель

Парчалаб ташлади гитарни тентак.

Валентин

Энди каллангни ҳам парчалаш керак.

Мефистофель

(Фаустга)

Қани, доктор, чиқар қилични тезроқ,
Менинг ёнимга тур, бошла, ҳужум қил.
Олға! Мендан бўлсин зарба қайтармоқ,
Сей эса қилич сол, қилич сол дадил.

Валентин

Қани, қайтариб кўр!

М е ф и с т о ф е л ь

Қайтараман ҳам!

В а л е н т и н

Буни-чи? Мана, ол!

М е ф и с т о ф е л ь

Шаймиз доимо.

В а л е н т и н

Йўқ, бу одам эмас — шайтон чинакам,
Зарра куч қолмади қўлимда асло.

М е ф и с т о ф е л ь

(Фаустга)

Санч тез!

В а л е н т и н

Тамом бўлдим.

М е ф и с т о ф е л ь

Тинчиди тентак,
Энди қолди тезроқ ростламоқ жуфтак.
Ўлтиришнинг пайти эмас имиллаб,
Ҳозир халқ йигилиб бошлар вовайдо.
Миршабни кўндириш мумкин амаллаб.—
Иш қозига етса бутунлай расво...

(Кетишиади)

Марта

(Дерава олдида)

Ким бор? Тез бу ёқقا!

Гретхен

(дерава олдида)

Келтиринг чироқ.

Марта

Бунда бўлаётир жанжал, қирпичноқ.

Халқ

Бирор ўлган.

Марта

(Чиқиб)

Қани у қотил ўғри?

Гретхен

(Чиқиб)

Бу ерда ётган ким?

Халқ

Онангнинг ўғли.

Гретхен

Оҳ, тангрим! Алам йўқ бундан ортиқроқ!

Валентин

Мен дунёдан юммоқдаман кўз,
Фарёд қилманг. Тугар ҳаётим,—
Кўнглимда бор икки оғиз сўз,
Шуни айтай, қулоқ тутинг жим.

Халқ уни қуршайди.

Жуда ёшсан, Гретхен, ҳали,
Қилимишингни англаб етгали —
Ақлинг ҳали жуда, жуда кам.
Энди бир йўл, йўқ ўзга имкон:
Фаҳш қўйнига кирдингми пинҳон,—
Фоҳиша бўл ошкор, чинакам.

Гретхен

Оҳ, акамни ўлдирма, эгам!

Валентин

Эгам энди беролмас ёрдам.
Наф йўқ энди бўлди бўлар иш,
Мумкин эмас уни қайтариш.
Сен биттага бўлдингми әрмак,
Эрта келаар бошқаси, демак.
Жазманларинг бўлгач ўн нафар,
Кела бошлар сўнг бутун шаҳар.
Хароми ҳам келаар дунёга,

Ҳозирча у чиқмай зиёга,
Бошга кийиб зулматдан қалпоқ,
Сокин ётар — кўзлардан йироқ.
Бўлмай туриб ҳали намоён,
Ҳозир уни йўқ қилмоқ осон.
Ва лекин ул яширин уят
Усаётир соатма-соат.
Кезганда у ёргуғ дунёда,
Даҳшат бўлмас бундан зиёда.
Ишонаман, вақт келар бир кун,
Инсон борки, имони бутун,
Ҳазар қиласар сендан тамоман,
Ҳазар қилган каби вабодан.
Лаънат дейди ҳам ёш, ҳам қари,
Одамлардан юрарсан нари,
Кўтармайсан ердан кўзингни;
Кўз-кўз қилиб энди ўзингни,
Ғурур билан қўймассан қадам,
Туролмассан саждагоҳда ҳам.
Вақт келарки, мажруҳ ва гадой —
Афтодалар бергай сенга жой.
Тангри сени кечирганда ҳам
Ер юзида энг тубан одам
Ўзинг бўлиб қолурсан танҳо,—
Номус доғи ювилмас асло!

Март

Ҳадеб лаънат отгандан кўра,
Тангридан ўз имонинг сўра.

Валентин

Эй, қўшмачи! Нетай, йўқ кучим
Умуртқандан синдиromoқ учун,

Шундай қилсам балки, илоҳим
Кечар эди барча гуноҳим.

Гретхен

Оҳ, акажон! Бу қандай жазо?

Валентин

Бас, йиғлама, фойда йўқ асло.
Сен йўқотиб ору номусинг,
Пичоқ урдинг кўксимга ўзинг.
Мен бегуноҳ ва тоза имон —
Саллот каби бермоқдаман жон.

(Улади)

БУТХОНА

Орган чалинади, халқ ибодат қўшигини айтади. Гретхен халқ ичидা. Унинг орқасида Иблис.

Иблис

Авваллар, Гретхен,
Сен меҳроб қошида
Турад эдинг маъсум,
Ҳам ўқир экансан
Ибодат сўзларини
Гитилган китобдан,—
Ҳаёлларинг эди
Гоҳи тангрида-ю,
Гоҳи болаликнинг
Шўх ўйинларида.
Гретхен!

Кайларда кезмоқда
Фикру йўларинг?
Нечун чекмоқдасан
Сўнгсиз изтироб?
Е сени деб мангу
Уйқуга кетган
Онаңг арвоҳини
Йўқлаётирсан?
Остонангда кимнинг
Қони тўкилмиш?
Юрагинг остида
Сақлаётганинг не?
Нимадир ул сени
Титроққа солган?

Г р е т х е н

Яна ўша,
Яна ўша машъум хаёллар.
Мен улардан қочиб
Қутулоғмасман.

Х о р

Dies irae, dies illa
Solvet saectim in favilla

(*Орган товуши*)

И б л и с

Тангри ғазаби
Етди бошингга.
Ана карнай саси!
Титрап қабрлар.

Дўзах ўтида
Ёнмоқда мангу
Хоки турбатдан
Чиқаётган ул
Сенинг жонингдур.

Гретхен

Кетайин, кетайин
Бу ердан тезроқ.
Даҳшатли куй мени
Бўғаётири, э вож.

Хор

Iudex ergosum sedebit
Quidquid latet, adparevit
Mil inultum remanevit.

Гретхен

Нафасим тиқилди,
Эзар мени гумбаз.
Қани эшик? Ҳушдан
Кетаётирман.

Иблик

Қоч! Аммо гуноҳинг
Беркита олмассан.
Ҳаво, нур керакми?
Улар йўқ энди,
Бор ёлғиз кулфат.

Х о р

Zudex ergo cum sedevit
 Quldguid letet, avparetit
 Nil ipultum remanavit

И б л и с

Аҳли имон сендан
 Пок юзин ўгирган.
 Сенга ёрдам қўлин
 Узатмоқдан улар
 Қилишар ҳазар.

Х о р

Quid sim miser tunc dicturus?
 Cum patronum rodaturus?
 Cum vix justus sit securus.

Г р е т х е н

Тамом бўлдим! Қани
 Шишангиз, қўшни?

(Беҳуш ийқилади)

ВАЛЬПУРГИЯ КЕЧАСИ

Ширке ва Эленд қишлоқлари яқинидаги Гарц тоғлари.

Ф а у с т ва М е ф и с т о ф е л ь

М е ф и с т о ф е л ь

Миниб олармидинг супурги бўлса?
Жон деб минар әдим эчкига ҳозир.
Хўп чарчадик, ҳали олис йўл эса.

Ф а у с т

Унча толгани йўқ ҳали оёғим,
Йўлни енгил қиласр қўлда таёғим.
Қисқа қилмоқ нечун бу йўлни, ахир —
Сайёҳга шавқ берар юришнинг ўзи,
Не наф йўлдан баҳра олмаса кўзи.
Менга йўл туюлмас унчалик оғир —
Чўққига интиласам қоялар ошиб,
Жилгалар куйига қулоқ тутсам жим...
Мен шуларни ўйлаб завқ билан тошиб,
Қўлга таёқ олиб пиёда чиқдим.
Қайнин барг ёзмоқда — олам наврўзи.
Хушнуд кўқрак кермиш қайрагочлар ҳам,
Наҳот бизга қудрат бермаса кўклам!

М е ф и с т о ф е л ь

Йўқ, менинг кўнглимда қаҳратон музи,
Аммо менга роҳат совуқ ва бўрон,
Аёз, изғириндан ором топар жон.
Қора туман ичра бўлиб асира
Маъюс нур таратар ярим ой хира.
Атроф тим қоронгу, бунда ҳар қадам
Дуч келмоғи мумкин битта фалокат.
Бошинг уриб олсанг бало қоя ҳам,
Оёғинг илашса илдиз ҳам оғат.
Мен ҳозир чорлайман, сўрайман ёрдам —
Дайди шуъла бизга беражак мадад.
Бунда яқин йўлни у билар фақат.

Ана бўлиб қолди ўзи ҳам пайдо.
Ҳей ошна, бекорга таратмай зиё,
Бизларга ҳамроҳ бўл — йўл кўрсат бизга,
Нурингни сочиб тур сўқмоғимизга.

Дайди шуъла

Менга одат эмас тўғрига юрмак.
Шундай яратибди мени худойим,
Эгри чизиқ бўйлаб юраман доим.

Мефистофель

Одамзодга тақлид қилурсан демак!
Шайтон номи билан буюрдим сенга,
Тўғри йўлдан нур соч, йўл кўрсат менга!
Йўқса учирман нурингни, тайин.

Дайди шуъла

Демак, сиз бу ерда катта хўжайин!
Сўз ийқ, бўйсунаман албатта сизга,
Доимо тайёрман хизматингизга.
Аммо юксак тоғнинг ўзи ҳам бу кун
Сеҳр жунбушида остину устун.
Дайди нур ёритар экан йўлингиз —
У беайб, шу боис одил бўлингиз.

Фауст, Мефистофель, Дайди шуъла наебат билан қўшиқ айтишади.

Фауст

Бизлар бу кун сеҳр ва рўён
Оламига бўлдик рўбарў.

Бошла бизни, эй дайди зиё,
Иўлимизга соча бер ёғду.
Элт бизларни чўққига томон.

Дайди шуъла

Икки ёнда поёнсиз ўрмон
Елиб учиб боради, ажаб,
Бир-бирининг устидан сакраб,
Букик қадди ташлаб соялар,
Мудраётир улкан қоялар.

Фауст

Тошдан тошга сакраган ирмоқ
Қўшиғига соламан қулоқ.
Не куйлар у — эшитаман жим,
Нималарни сўйлар бетиним?
Унут бўлган севги куйими,
Ё бенасиб висол ўйими?
Балки толе, шодлик орзуси
Ё топталган умид қайфуси?
Таралади сирли акс садо —
Олис ёшлик эртаги гўё.

Мефистофель

Водийларда гала бойқушлар
Қўшиқ айтиб кўнглини хушлар.
Эшитилар узоқдан кулгу.
Уккиларниң қаҳқаҳаси бу.
Ой нурида нақадар кўркам —
Яйрамоқда калтакесак ҳам.
Бу илдизлар — харсанглар аро

Етган улкан илонлар гүё.
Даҳшат билан турар ейман деб
Қарагайлар бамисоли дев.
Бу зимистон ўрмон йўллари
Худди улкан махлуқ қўллари.
Бунда сичқон, юмрон, каламуш
Кавакларда гала-галамуш.
Миллион юлдуз каби ярқироқ
Шиллиқ қуртлар бесону саноқ,
Жила ва қилиб таратар зиё —
Шуълаларнинг ўйини гүё.

Ф а у с т

Ақл билан боқингиз сизлар:
Жойимизда турибмиз бизлар.
Юраётир ўрмонлар, тоғлар.
Гүё ўзни ҳужумга чоғлаб,
Қўрқув солиб қоя турибди.
Дайди нурлар кезиб юрибди.

М е ф и с т о ф е л ь

(Фаустга)

Этагимни ушла маҳкамроқ,
Қара, тоғлар бағрида, пастда —
Нур таратиб ҳарён Маммон шоҳ,
Кўк тоқини айлаб ярқироқ,
Чиқаётир таҳтига аста.

Ф а у с т

О, нақадар, нақадар кўркам
Бунда қизғиш шафақ жилоси.
Үнгирларга, жарликларга ҳам
Етиб борар соҳир зиёси.
Бир томонда кўкимтири туман,
Бир томонда тим қора тутуни,—
Отиалмоқда гүёки вулқон
Чулғагудек оламни бутун.
Бунда шафақ кўкка талпинур
Нафасидан ўт сочиб гүё.
Зулмат билан қурашмоқда иур,
Йўл очмоқда булатлар аро.
Бунда сонсиз ва бениҳоя
Учиб юрар олтин зарралар,
Уйғонмоқда олис даралар,
Шуълаларда ёнмоқда қоя.

М е ф и с т о ф е л ь

Наҳот Маммон шунаقا кунда
Ўз қасрини этмас нурафшон!
Бу ташрифинг соз бўлди жуда,
Ана келар бир гала меҳмон.

Ф а у с т

Бўрон турди. Бас йиқилемасам,
Ҳасдек учиб кетмасам бас-да.

М е ф и с т о Ф е л ь

Коя тошни қучоқла маҳкам,
Йўқса ҳозир қуларсан пастга.
Туманларга чулғонди осмон,
Довул билан уйғонди ўрмон.
Бу — базмнинг оғози келар,
Безовтадир бойқуш, уккилар.
Даражатларни қулатар довул,
Ўрмон кўркин ҳеч аямас ул.
Учаётган қайнинларни кўр,
Қулаётган биноларга боқ.
Ҳа, базмнинг даҳшати ҳам зўр,
Лаззати ҳам оламча бироқ.
Ана, яқин келар тобора
Дилбар овоз — уввос, қичқириқ.
Ана, байрам аҳли тоғ аро
Биргалашиб айтмоқда қўшиқ.

А л в а с т и л а р қ ў ш и ғ и

Ҳамма юрсин Броқен томон!
Аопа, буғдой пищмаган ҳамон.
Шоҳ Уриан кўтарганча қўл,
Кўрсатмоқда баландликка йўл.
Алвастилар супурги минди,
Жинлар базми бошланур энди.

О в о з

Баубо кампир тоғи азимга
Тўнгиз миниб борар базмга.

К ўпчилик

Шум кампирга бўлсин шараф-шон!
Тўнғизга ҳам олқиши, бегумон!
Йўл бошласин Баубо амма,
Олға юрсии ортидан ҳамма!

Овоз

Сен қаердан?

Овоз

Ильзенштейндан.
Юриб келдим ўрмон ичиндан.
Бойўғлиниң кўрдим ўзини —
Олайтириди менга кўзини.

Овоз

Ҳей, қаққайма, йўл бўшат, қани!

Овоз

Ҳей, сен ўша... Шошмай тур сени...
Тимдаладинг этимни, қара,
Ҳамма ёғим тирноқдан яра.

Алвастилар

Тиқилишмай юринг илдамроқ.
Қийнамоқда бир ёқда чарчоқ.
Ҳей, қорнимдан панشاғангни ол,
Қиласам-ку боламни увол.

Ялмоғизлар

(Ярми)

Әрлар бунча секин одимлар?
Нега бунча чопар хотинлар?
Қайда бўлса қиёмат, бало —
Хотин зоти олдда доимо.

Ялмоғизлар

(Бошқа ярми)

Бўлмаган гап, бу йўлда хотин
Бўлса ҳамки минг қадам олдин,
Эркак нечун ортда қолади?
Икки хаклаб етиб олади.

Овоз

(Юқоридан)

Турманг пастда, қани бу ёққал

Овоз

(Пастдан)

Биз ҳам ҳозир чиқамиз тоққа.
Қуймоқдамиз устимиздан сув,
Фориг қилди пуштимииздан сув.

Ялмоғизлар

(Ҳаммаси)

Бўрон тинди — юлдузлар хира,
Беркинмоқда ой булат ичра.

Коинотни қучди қора тун,
Учмоқдамиз биз сочиб учқун.

О в о з

(Пастдан)

Тұхта, тұхта!

О в о з

(Юқоридан)

Ким у дарада ётган,
Ким у мени чақираётган?

О в о з

(Пастдан)

Менман бунда — берингиз ёрдам,
Олиб кетинг ійүлга мени ҳам.
Мен роса уч асрдан буён
Құшилолмай түдамга сарсон.

Я л м оғ и з л а р

(Хаммаси)

Әчкига мин, супургига мин,
Хаскашга мин,— ійүл бўлар яқин.
Агар бугун чиқмасанг, ишон,
Бўлмас ўзга чиқмоққа имкон.

Я р и м а л в а с т и

(Пастға)

Үринаман саҳардан буён,
Етолмайман уларга ҳамон.
Үйда узун күн үймалашсам,
Үралашиб қолдим бунда ҳам.

А л в а с т и л а р

(Ҳаммаси)

Баданга мой суртиш соз әкан,
Латта-пүттә — бизларга елкан.
Тогора ҳам кема биз учун,
Ҳеч учолмас учмаган буқун.

Я л м оғ и з л а р

(Ҳаммаси)

Аввал учар чўққига томон,
Сўнгра ерга тушар оломон.
Кирни кезиб эну бўйига,
Тўлдирамиз шайтон бўйига.

(Ерга қўнишади)

М е ф и с т о ф е л ь

Боқ, булар нақадар жирканч башара,
Сурон кўтаришар, туртишар, қара,

Чопишар бир-бирин устидан оша.
Алвости боворин қилдинг томоша,
Қани берироқ кел, узат қўлингни.
Ур-сурда йўқотиб қўйма йўлингни.
Қанисан?

Ф а у с т

Мен бунда!

М е ф и с т о ф е л ь

Зўрга топдим. Бас —
Энди хўжайинлик қилмасам бўлмас.
Четлан, эй аламон, шайтонга йўл бер,
Доктор, кел бу ёқقا, тез менга қўл бер.
Тўполондан четга чиқайлик тезроқ.
Бу халқ иззат қилмас ҳаттоки бизни,
Эҳтиёт қилайлик қовурғамизни.
Қара, ҳов у ерда мильтирар чироқ.
У ерга ўтайлик, уринмай ортиқ,
Майсалар устида олайлик ҳордиқ.

Ф а у с т

Ажабо, сени ҳеч тушуниб бўлмас,
Сенда бир-бирига тескари ҳавас.
Жинлар базмига-ку, бошлаган ўзинг,
Энди чекка жойни мўлжаллар кўзинг.

М е ф и с т о ф е л ь

Биз ёлғиз бўлмасмиз ўша ерда ҳам,
Қара, кўпаймоқда унда чироқлар,
Давра қуришмоқда аста қўноқлар.

Ф а у с т

Менинг орзум эса — баландга чиқсан!
Шайгон қавми унда йиғилмиш бутун,
Барча алвости-ю жинлар унда жам,
Ана, ўт ёқилди, чиқмоқда тутун.
Балки ўша сирли даврада бу дам
Ечилимоқда қанча мураккаб тугун.

М е ф и с т о ф е л ь

Тугун ечиlgани билан тугамас,
Бўла берар яна янгиси пайдо.
Менга маъқул этмоқ холи ерда баҳс,
Катта давраларга ҳушим йўқ асло.
Ҳар вақт шундай бўлар, шак йўқ албатта.
Кичикдан йиғилур доимо катта.
Ҳов, ёш алвастилар бўлди яланғоч,
Қарилари эса тутди ёпинчиқ.
Ўша хонимларга сен кўнглингни оч,
Бунда қоида шу — суҳбат қур очиқ.
Унчалик қийин иш әмас бу аммо,
Оқибати унинг туганмас сафо.
Ишга тушиб кетди, ана, чалғулар —
Нақадар бемаъни чийилдоқ овоз.
Билганини қилсмин, майлига, улар,
Биз эса олдинга юрамиз бир оз,
Томоша қиламиз икков сарафроз.
Кел, мана бу ердан атрофга қара,
Нақадар ажойиб сирли манзара.
Машъалларда ёнар Брокен тоги,
Гулханларнинг эса йўқдир саноги.
Ана, қайфу сафо, ўйин ва кулгу,
Ана базму ишрат, ҳаяжон, ғулу.

Минг йил кезсанг ҳамки қитъалар оша,
Топа олмас әдинг бундай томоша.

Ф а у с т

Сен қандай ҳолатда бўлурсан пайдо?
Шайтон бўлурмисан, ялмоғизми ё?

М е ф и с т о ф е л ь

Аслида ўзимни қилмайин ошкор,
Пинҳон юриш менга ёқар одатда.
Бу ер йўли бошқа, ҳамма албатта
Нишонларин тақиб келмоғи даркор.
Гарчи олий нишон — богоғиғоми йўқ,
Аммо туёқ — катта обрў, кўнглим тўқ.
Ана, кўр, шиллиқ қурт таниди мени,
Шу сабаб ўзини тортди панага.
Бу ерда яшириб бўларди нени?
Ҳамманинг турмуши аён ҳаммага.
Қани, юр, айланиб бир қилайлик ов,
Мен совчи бўлурман, сен эсанг күёв.

(Сўнаётган гулхан атрофига
ийғилган чолларга мурожаат қиласди)

Ҳей, нечун бўлдингиз бир чеккада жам,
Ешлар гуруҳига боринг яқинроқ.
Ҳаётга қўшилинг, мумкин уйда ҳам
Оғизга сув солиб бўкиб ўлтиromoқ.

Л а ш к а р б о ш и

Миллатдан яхшилик кўрмадим асло,
Фидо қилсам ҳамки минг бора жоним.

Халойиқ хотинлар каби бевафо,
Ешлар томонига оғади доим.

В а з и р

Замон ўтиб кетди қолдириб дөгда,
Үша хотиралар күнгилда ҳамон.
Бизлар ҳукуматни бошқарған чоғда
Олтин замон әди, ҳа олтин замон.

У д д а б у р о н

Тентак әмас әдик биң ҳам мутлақо,
Фойда этагидан тутардик шитоб.
Мана, остин-устун бўлди-ю дунё,
Бозоримиз касод, ҳолимиз хароб.

М у а л л и ф

Нега керак бу кун китоблар ёзмоқ,
Барибир ўқимас ҳеч ким бегумон,
Ешлар ҳеч нарсани тан олмас, бундоқ —
Қайсар бўлган әмас улар ҳеч қачон.

М е ф и с т о ф е л ь

(Бир зумда чол қиёфасига киради)

Ажабо, бу ёшлар қайга интилур?
Уларга ачиниб қарайман доим.
Охир замоннинг нафаси келар,
Яқинга ўхшайди қиёмат қойим.

Латтафуруш алвости

Келиб қолинг бу ёққа.
Келиб қолинг, вақтим оз.
Қаранг тарху бўёққа,
Қандай арzon, қандай соғ!
Тартиб билан терилган,
Бир-биридан әмас кам.
Булар бари келтирган
Одамзодга кулфат, ғам.
Келиб қолинг, харидор,
Билиб қўйинг, дунёда —
Тепилмагай ҳеч бозор
Бу бозордан зиёда.
Мана қилич! Зангига
Қора қоннинг изи бор.
Мана коса! Тагига
Зўр оғунинг ўзи бор.
Мана бунда зар, инжу,
Совға бўлиб ноқусдан,
Қанча-қанча қизни у
Жудо қилган номусдан.
Мана ханжарлар, кўринг,
Қатор-қатор терилган.
Булар бари инсоннинг
Кўкрагига урилган.

Мефистофель

Нелар олиб чиқдинг бозорга?
Янги нарсанг йўқми, холажон?
Буларингни бирор бекорга —
Олмас ҳатто — бошқадур замон.

Фауст

Бу не бозор, бу қандай савдо!
Хаёлимни олди мутлақо.

Мефистофель

Интилмоқда ҳамма юксакка,
Урилади тирсак тирсакка.

Фауст

Ким у?

Мефистофель

Лилит.

Фауст

Не қилай отин,
Айт, ким, нега келган дунёга?

Мефистофель

Билмайсанми. Одам Атога
Лилит эди биринчи хотин.
Унинг танҳо чиройидир соч.
Сен у сочга яқин келма, қоч.
Кимни асир айласа бу дом,
Озод бўлмас бу домдан мудом.

Фауст

Хов у ерда ёш қиз ва қампир
Олишмоқда рақсдан сўнг ҳорлиқ.

М е ф и с т о ф е л ь

Ҳордиққа ҳеч фурсат йўқ ҳозир,
Қани улар олдига бордик.

Ф а у с т

(*Қиз билан рақсга тушиб*)

Мен бу кеча ширин туш кўрдим,
Тушда олма боғига кирдим.
Кўрдим шохда қизил олмани,
У дер әди узиб ол мани.

Г ў з а л қ и з

Олма узиш ҳавас албатта,
Үргангансиз бунга жанинатда.
Кирасизми мен таклиф этсам,
Олмалар бор бизнинг боғда ҳам.

М е ф и с т о ф е л ь

(*Кампир билан рақсга тушиб*)

Мен тушимда кўрибман терак,
Терак эмиш— ўртаси кавак,
Хунук, аммо билмадим нега,—
Екиб қолди у кавак менга.

К а м п и р

Марҳаматли туёқли жаноб!
Сизга биёдан мана шу жавоб.

Таъзим бўлсин иззатингизга,
Кавак тайёр хизматингизга.

Проктофантасмист

Бас, тўхтагин, бу қанақа гап!
Ахир, руҳнинг бўлмас оёғи.
Шундай экан, одамга ўшраб
Мумкин эмас рақсга тушмоғи.

Гўзал қиз

(Рақс этар экан)

Не қилар у бизниңг базмда?

Фауст

Ичи қора ва бадҳазм-да!
Тентаклиги кўпдан аёндир.
Бу оламда нимаики бор,
Барини у қилади инқор.
Ҳамма нарса унга ёмондир.
Кимки юрса олдинга қараб,
Үтади у албатта қарғаб.
Ким бир жойда айланса агар
Худди унинг ўзи сингари—
Сира юрмас бўлса илгари
Ва ким уни мақтаб солса жар,
Уша унга албатта ёқар.

Проктофантасмист

Ҳамон сизлар бундамисиз, воҳ!
Буюрсамда кетмайсиз наҳот?

Табиатда йўқ руҳу арвоҳ,
Буни, ахир, қилганман исбот!
Аммо сизлар нечун доимо
Тигель ичра бўлурсиз пайдо?

Гўзал қиз

Бас қил әнди, тегди-ку жонга!

Проктофантасмист

Барча руҳу жину шайтонга
Очиқ айтай, бу аламга ҳеч
Чидомайман, руҳ бермас бардош.

Рақс давом әтади.

Аммо бир кун әртами ё кеч
Бўзлар яна бўлармиз йўлдош.
Шунда шоир аҳли ва шайтон
Мендан сира топмагай омон.

Мефистофель

У кўлмакка қўяр кетини,
Бўлмоқ учун дардидан тузук.
Шарпалардан кутқарар уни
Орқасига қўйилган зулук.

(Рақсадан тўхтаған Фаустга)

Нега жимсан? Гўзалинг қани?
Қани сени ром әтган жонон?

Фауст

Лаб очганда қўшиқ айтгани,
Чиқиб қочди, лол этиб мани,
Тил остидан қип-қизил сичқон.

Мефистофель

Нима бўпти? Шу гапми энди?
Сичқон кулранг бўлмаса бас-да,
Танлаш бўлмас ишида, ҳавасда.

Фауст

Ана...

Мефистофель

Нима?

Фауст

Менга кўринди
Хов у ерда бир гўзал қомат.
Боқ, Мефисто, кўзим ўшанда.
У зўр-базўр қиласар ҳаракат,
Оёқлари гўё кишанда.
Борлиғида маъсумлик, қайгу,
Гретхеннинг ўзгинаси у.

Мефистофель

Кўй, қарама ортиқ унга, бас,
Ундан сира яхшилик келмас.

Илон сочлик махлуқ арвоҳи,
Тушса унинг совуқ нигоҳи —
Томирларда қотиб қолар қон,
Харсанг тошга айланар инсон.
Оғиз очма, сўзимга кир сан.
Медузани эшитгандирсан?

Ф а у с т

Меҳрибон қўл ёпиб қўймаган,—
Очиқ қолган безиё қўзи.
У ахир мен қучиб тўймаган —
Маъсума қиз Гретхен ўзи.

М е ф и с т о Ф е л ь

Сен ҳам бўлдинг сеҳрига банда,
Барча кўрар ёрин ўшанда.

Ф а у с т

Шўрлик боқар маъюс ва танҳо,
Узолмайман кўзимни асло.
Не авоблар тортган әкан қиз,
Қара, унинг оппоқ бўйнида
Худди пичноқ тифи әнида
Кўринмоқда қип-қизил бир из.

М е ф и с т о Ф е л ь

Ҳайрон бўлма, сен кўрган чизиқ
Персей урган қиличнинг изи.
Унинг бўйни узук, шу сабаб
Баъзан юрар бошин қўлтиқлаб.
Кўп ўй сурма, ана, кир оша

Тепага боқ, базм қизиётир.
Бир базмки оламга татир.
Яйлов бу кун худди Пратер,
Балки бунда бирор театр —
Кўрсатмоқча келган томошад
Ҳей, нима гап?

Servibilis
(югурадак)

Бошланур ҳозир
Томошанинг янгиси яна.
Еттинчи бор мавсумда мана
Премьера қиласар театр.
Муаллифнинг ўзи ҳаваскор,
Ҳаваскорлар қилишар ижро.
Хизматчилар гуруҳи аро —
Бир ҳаваскор — камина ҳам бор.
Қўттармоғим керак пардани,
Кетдим, маъзур тутгайсиз мани.

Мефистофель
Брокентга қараб чопибсиз,
Жойингизни энди топибсиз.

ВАЛЬПУРГИЯ ТУНИДАГИ ТУШ ЕКИ ОБЕРОН
ВА ТИТАНИЯНИНГ ОЛТИН ТУИИ

ИНТЕРМЕДИЯ

Театр директори
Эй сиз, Мидинг авлоди,
Бу кун сизга дам.

Саҳнамизда тоғ, водий
Бўлгай жамул-жам.

Г е р о л ъ д

Олтин тўй надур ўзи?
Эллик йил турмуш!
Олтиндир умр ўзи
Ўтса беуриш.

О б е р о н

Гувоҳ бўлсин бу чоғлар,
Малаклар, қани!
Севги риштаси боғлар
Шоҳ, маликани.

П у к

Пук келар шод баэмдан
Қилиб ўйинлар.
Келаётир ортимдан
Мингларча жинлар.

А р и э л ь

Ариэль най чалганда
Жим тинглар олам.
Куйга гўзаллар банда,—
Бедаволар ҳам.

О б е р о н

Яшай десанг баҳтиёр,
Кулфатдан йироқ,

Вақтида висол даркор,
Вақтида фироқ.

Т и т а н и я

Агар бўлса эр тажанг,
Бижилдоқ хотин,
Бирин жанубга йўлланг,
Шимолга бирин.

О р к е с т р

Оlam ичра бунақа
Чолғу йўқдир соғ.
Пашша, чивин, қурбақа—
Бари жўровоз.

Яккаҳон

Қўшнайчига бир қаранг,
Қўпикдир юзи.
Бу ерда у катта занг,
Тентакроқ ўзи.

Ш а к л г а к и р м а г а н ж и н

Қурбақага ўргимчак
Оёгини бер.
Пайдо бўлар ўргамчик
Бадиҳа ё шеър.

О ш и қ - м а ъ ш у қ

Сакраб-сакраб ўйнаймиз,
Қиламиз сафо.

Учишни ҳам ўйлаймиз,
Қанот йўқ аммо.

Синчков сайдек

Бу ўнгимми, тушми ё,
Мен ҳануз ҳайрон.
Наҳот қаршимда пайдо
Буюк Оберон!

Ортодокс

Шох, туёғи йўқ унинг,
Аммо Оберон —
Юнон худоларининг
Баридек шайтон.

Шимоллик рассом

Бичигини чизурман
Теграмнинг бугун.
Мен Румони кезурман
Вақт келиб бир кун.

Пурист

Бунда алвости насли
Саноқсиз, бироқ —
Фақат икки алвости
Упа сепган, воҳӣ

Еш алвости

Упа-элик суриншар
Фақат қарилар.

Қип-яланғоч юришар
Биздек парилар.

Қари алвасти

Бир замонлар бизлар ҳам
Еш әдик сиздек.
Вақт келарки, сизлар ҳам
Бўлурсиз биздек.

Капельмейстер

Учди яланғоч танга —
Пашшалар бари.
Парво қилмас оҳангга
Кўл бақалари.

Шамол кўрсаткич

(Бир томонга бурилиб)

Қандай ажиб давра бу,
Қўнгилни овлар —
Гўзал келинчаклару
Қобил куёвлар.

Шамол кўрсаткич

(Бошқа ёққа бурилиб)

Э, барини ер ютсин,
Қўрмасин қўзим.
Бўлмаса, дўзахга мен
Киурман ўзим.

К с е н и и

Бизлар келдик бу ёнга —
Ҳашарот аҳли.
Падаримиз шайтонга
Таъзим әтгали.

Г е н и н г с

Қаранг, улар бўлишар
Гирди капалак.
Балки улар дейишар
Бор биэда юрак.

М у з а г е т

Илҳом аталмиш пари
Мендан йироқдир.
Шимол алвастилари
Еқимлироқдир.

Ў з д а в р и н и н г б у ю к а л л о м а с и

Кимнингки бор ҳуш-эси,
Даргоҳидур кенг.
Немиснинг зўр чўққиси
Брокенга тенг.

С и н ч к о в с а й ё ҳ

Анов жаноб сўкинар,
Қаранг юзига.
Яҳудийлар қўринар
Балки қўзига.

Т у р на

Тиниқми, лойқами сув —
Овлайман балиқ.
Демангиз — шайтонга у
Үлфатдир аниқ.

Р и н д

Ўзни фаришта деган
Йўл топгай осон.
Кўрсам, Брокен әкан
Уларга макон.

Р а қ қ о с

Кучли довул сингари
Турди тўполон.
Ҳа, бу ботқоқ қушлари
Кўтарди сурон.

Р а қ с ў р г а т у в ч и

Барча чўзар бўйини
Рақс айламоққа.
Ким қўйибди ўйинни
Букур, маймоққа.

Ф и ж ж а к ч и

Қўшнай тинчиса агар
Бир дам бу ерда,
Улар бир-бирин қиласар —
Бурда ва бурда.

Қироатхон

Үтмас танқид сабоги,
Бор бўлса шайтон —
У нимадир бўлмоғи
Керак, бегумон.

Идеалист

Агарда борлиқ бутун
«Мен»да бўлса жам,
Демакки «мен»да бу кун
Дониш жуда кам.

Реалист

Оlam борлигига ман
Келтиридим имон.
Бу кун ўша имондан
Қолмади нишон.

Супранатуралист

Фараз муҳим ҳар ишда:
Эзгудан фараз,
Ажинадан фаришта
Ясайди фараз.

Скептик

Ишонч менга ҳеч қачон
Бўлмаган йўлдош.
«Шайтон» билан «даргумон»
Ахир оҳангдош.

Капельмейстер

Чигиртка-ю қурбақа
Чалолмади соз.
Эй пашшалар, сиздақа
Чалғувчи йўқ соз.

Удадбуонлар

Биз узоққа борамиз
Йўлимиз билан.
Оёқ қолиб, юрамиз —
Қўлимиз билан.

Лапашанглар

Бир замон биэларнинг ҳам
Юрган ишимиш,
Бугун пул йўқ — муттаҳам
Бўлган кишиимиш.

Дайдишуъла

Олис ботқоқлик узра
Туғилдик, бироқ —
Наслимиз сиздан кўра
Сал покизароқ.

Учганијодуэ

Кўкда ёнардим, бирдан
Тушдим тупроққа.
Ким менга берар ёрдам
Қайта турмоққа?

Семизлар

Пўшт, йўл очинг тез, жой кам,
Йўл бер тоғ, ўрмон.
Бизлар жинмиз — бўлса ҳам
Оёқлар йўғон.

Пук

Эй сиз қўпол, фил бадан,
Бас қилинг, бу чоқ —
Пукнинг ўзи ҳаммадан
Бўлур семизроқ.

Ариэль

Мен билан учсин кимниг
Бўлса бол-пари,
Гулга чўмиб ётган кенг
Водийлар сари.

Оркестр

Уфқда бир тутам нур,
Еришур само.
Туман аста тарқалур
Уйғонур сабо.

БУМ УТЛИ КУН. ЯЛАНГЛИК

Фауст ва Мефистофель.

Фауст

У бечора танҳо! Иэтироб чекмоқда! Неча қийноқларда
зору саргардон кезиб, ниҳоят қоронғу зиндан асоратига

тушди. У ҳибсда. Бегуноҳ бир вужуд жинояткор каби мисал сиз қийноқларга маҳкум. Мана оқибат! Сен эсанг, сен тубан сотқин, бунга йўл қўйдинг. Яна буларнинг ҳаммасини мендан беркитдинг! Энди яйра, ҳузур қил, беномус! Иблисона бақрайган кўзларингни менга қарат! Бу манфур вужудингни кўрсатиб жонимни ҳалқумимга келтири! Тутқунда! Азобу ҳаламда! Иблислар қўлида ва қаттол инсонлар ҳукмида! Шўрлик бу уқубат алангасида ёнар экан, сен мени бемаъни саргузаштларинг билан овутдинг, уни ҳалокат қўйнида бенажот қолдириб, бу ҳолни мендан яширединг.

М е ф и с т о ф е л ь

У биринчи эмас.

Ф а у с т

Ит! Манфур ҳайвон! Эй илоҳий руҳ! Бу махлуқни ўз аслига қайтар! Ўша менинг қаршимда кечалари ликиллаб юрган, адашган йўлчиларнинг елкасига осилиб йиқитишга ўрганган ўша ит шаклига қайтар! Унга ўзи суйган ҳолатини бер, токи менинг қаршимда қорнини ерга бериб судралсин ва мен бу малъунни оёқларим остида топтаб-топтаб аламимни ёвай. Буни қаранг! У биринчи эмас! Бу сўзлар замирида ётган уқубатга инсон қалби сира чидаш беролмайди! Бу кўргиликлар бир эмас, неча-нечча маъсумалар бошига тушганидан ўртаммай бўлурми! Наҳотки биргина бегуноҳнинг чеккан изтироблари Буюк ва Мангу Раҳмон қошида қодган ҳаммасининг гуноҳини агадул агадга ювмоқ учун етмас. Мен фақат битта жоннинг қийноқларини кўриб ёнаяпман, сен эсанг минглаб-минглаб изтироб маҳкумларининг ҳолидан шодумонсан.

М е ф и с т о ф е л ь

Яна бизлар заковатимизнинг поёнига етдик. Бу ерда ақл тугаб, жаҳл бошланади. Охир чидамас әкансан, биз билан ҳамроҳ бўлиб нима қиласдинг. Ажабо, парвоз қилмоқчи бўласану бошинг айланиб қолишидан қўрқасан. Асли ким кимга ёпишди? Биз сенгами, ё сен бизга?

Ф а у с т

Оғзингни юм! Бу даҳшатли сўйлоқ тишларингни менга кўрсатма! Эй буюк ва поёнсиз руҳ! Сен мени бир бор кўрдинг, қалбимга қулоқ тутдинг. Нега энди мени бу маҳлуқ билан, хаёлида фақат ёмонлик бўлган, ўзгалар ғамидан доимо яйраган бу беномус билан боғладинг?

М е ф и с т о ф е л ь

Гапинг тугадими?

Ф а у с т

Уни қутқар, йўқса омон топмайсан! Ёвуз бошингга минг йиллар лаънат тоши ёғилур.

М е ф и с т о ф е л ь

Мен қасос кишанларини синдиrolмайман, зиндон эшикларини бузолмайман. «Қутқар!» Ажабо, ахир уни ҳалокатга дучор қиласан ким? Менми ё сенми?

(Фауст газаб билан атрофга қарайди)

Ҳа, шу пайт чақмоқ қиличи қўлингда бўлса. Яхши ҳамки сен бунга қодир эмассан. Ҳа, гап қайтарганин йўқ қилиш золимларнинг азалий одати!

Фауст

Мени ҳозироқ унинг ёнига элт! У озод бўлиши керак!

Мефистофель

Ўз жонингни хавф остида қолдиришдан қўрқмайсанми? Ахир биз бу ерга нима учун қочиб келдик? Шаҳарда сен тўккан қоннинг изи ҳали кетгани йўқ. У ерда қасос малаклари учиб юришибди. Улар қотилнинг қайтишини кутишмоқда.

Фауст

Яна нималар дейсан? Фалакнинг бор газабу лаънати сенинг бошингга ёғсин! Мени дарҳол унинг ёнига элт, тезроқ уни озод қил!

Мефистофель

Майли, олиб борай. Аммо еру осмоннинг ихтиёри менинг қўлимда эмас. Бажара оладиган ишим бу: Мен әшик олдидаги соқчини ухлатаман. Сен қалитларни ўғирлаб, қизни ҳибсдан ўзинг олиб чиқасан.

Мен ташқарида қўриқлаб тураман. Сехорли тулпорлар ёнимда шай туради. Мен сизларни олиб қочаман. Бу иш қўлимдан келади.

Ф а у с т

Тез бўл, кетдик!

ТУН. ДАЛА

Фауст ва Мефистофель икки қора тулпорда елиб боришади.

Ф а у с т

Нега ҳамма учар қатлгоҳ томон?

М е ф и с т о ф е л ь

Билолмадим. Бордир бирор гап.

Ф а у с т

Учишмоқда тоҳу, тоҳу бу ён.

М е ф и с т о ф е л ь

Жоду иши шудир, не ажаб?

Ф а у с т

Не тиклашар? Бу қандай одат?

М е ф и с т о ф е л ь

Олга! Қара олдинга фақат!

ҲИБСХОНА

Фауст қўлида бир бойлам қалит билан эшик олдида турибди.

Ф а у с т

Вужудим аламдан ёнаётир, воҳ,
Сўнгсиз уқубатдан юрагим пора.
Мана шу хонада маъсум бегуноҳ —
Банди бўлиб ётар битта бечора.
Нега жим турибсан, титрайсан нечун?
Кўзига боқишидан қўрқасанми ё?
Теэ бўл! Иккиланма! Ўтса агар тун,
Унинг ҳаётига етгай интиҳо.

(Қулғга қўл узатади)

И ч к а р и д а н о в о з

Мени ғар онам
Бўш қўйган эди,
Одамхўр отам
Гўштимни еди.
Танимни опам
Тупроққа берди.
Келганда кўклам
Топарман ҳаёт.
Учарман мен ҳам
Чиқариб қанот.

Ф а у с т

(Эшикни очиб)

Бечора сезмади бунда юрганим,
Кишан садосини тинглаб турганим.

(Ичкари киради)

М а р г а р и т а

(Похол орасига яшириниб)

Мени ўлдиргани келишди, ана!

Ф а у с т

(Секин)

Жим бўл, сени олиб кетгани келдим.

М а р г а р и т а

(Оёғига ийқилиб)

Эй қотил, озгина сабр қил яна!

Ф а у с т

Йиғлама, соқчини уйғотасан, жим.

(Кишинларни синдиromoққа уринади)

М а р г а р и т а

(Тиз чўкиб)

Қатл этмоққа мен бечорани
Ҳуқуқ берди ким сенга, бедод!
Қўй, тонггача ўлдирма мени,
Қўриб қолай тонг юзин, жаллод!

Ҳали вақт бор, ярим тун ҳозир,
Ҳукм тонгда әтилгай ижро.

(Ўрнидан туради)

Жуда ёшман, ёшман-ку ахир,
Бўлмоқдаман бемаҳал адо.
Гўзал әдим ғоят бир замон,
Ҳуснин мени ўлдириди, аён.
Ер ёнимда әди у чоқда,
Ҳозир эса йироқ-йироқда.
Мен гул каби сўлиб фироқда
Бўлурман ҳазон.
Қаттиқ қисма мени, шафқат қил,
Қилганмидим ёмонлик сенга?
Сени әнди кўряпман, қотил,
Нажот бер менга.

Ф а у с т

Қандай чидай мен бу аламга?

М а р г а р и т а

Майли, жаллод, майлига, ўлдир,
Қатлим яқин, тақдирим шулдир.
Сут берайин фақат боламга.
Ёлғизимни қучоқлаб бу тун
Йиглаб чиқдим у билан бутун.
Уни мендан тортиб олдилар,
Мени шундай дардга солдилар.
Энди эса қилишар туҳмат,
Мен ўзимни қотил ўйлашар,
Мен ҳақимда қўшиқ куйлашар,
Бу қандай оғат!

Ф а у с т

(Унинг қошида тиэ чўкиб)

Мен бундаман, менга қулоқ ос,
Келдим сени қилгали халос.

М а р г а р и т а

(Унинг ёнида тиз чўкиб)

Кел, чўкайлик тиз
Икков ёнма-ён.
Қўл чўзайлик тез
Тангримиз томон.
Ёришмоқда-ку
Зиндоннинг таши:
Сочмоқда ёғду
Дўзах оташи:
Ана, туради
У ерда иблис,
Қаҳ-қаҳ уради,
Дилда қўрқинч ҳис.

Ф а у с т

(Каттиқ)

Гретхен! Гретхен!

М а р г а р и т а

Ернинг овози!
У мени чақирди — мен энди озод!

(Сакраб туради. Кишанлар тўкилади)

Яқин әрк қушининг бахти парвози,
Тугар истибод!
Югурмоғим керак мен унга пешвуз,
Оҳ, қучмоғим керак бўйнидан маҳкам.
У «Гретхен» деди, таниш бу овоз,
Барча дардларимга бўлгувчи малҳам.
У эшик олдида. Сезмоқда кўнгил.
Бу ваҳший зулмату ғам-кадар аро,
Даҳшатли дўзахий хандалар аро
Уни тингладим мен — чорлаётир ул.

Ф а у с т

Шу ердаман!

М а р г а р и т а

Ана шу ерда ёрим!

Яна бир бор этгил сўзингни такрор.
Унут бўлди барча чеккан озорим,
Қолмади бир зарра кўнгилда ғубор.
Энди мен ўлмасман! Сен қиалдинг ҳалос!
Эрта-ю кеч сени ўйладим холос.
Кўёз олдимда кўча, ул оқшом чори —
Шунда илк бор гапга тутгандинг мени.
Кўёз олдимда яна Мартанинг бози —
Шунда биринчи бор кутгандим сени.

Ф а у с т

(Шошиб)

Кетайлик, юр тевроқ!

Маргари та

Шошма, жонгинам,
Софиндим, юзингга тўяйин бир дам.

(Құчоқладай)

Фаст

Тез бўл, тез!
Атрофда йўқ ҳозир инсон зоти ҳеч.
Чиқиб жўнамасак агарда бу кез,
Кейин бўлар кеч.

Маргари та

Кўп бўлганинг йўқ-ку мендан йироқда,
Кўнглинг совудими ёки фироқда?
Үпишни әсингдан чиқардинг наҳот?
Айт, нега бунчалар муздексан, ҳайҳот.
Не учун сен билан таним титроқда?
Куни кеча ахир қандоқ қучардинг,
Қучиб осмонларга олиб учардинг!
Кўзларингда әди жаннат яширин,
Бўсанг тотли әди, сўзларинг ширин.
Нега энди бунча совуқ нигоҳинг,
Үп мени, ёлборар сенга нигоринг.
Үп, нега қулогинг әшитмас сўзим,
Кел, ўпай ўзим.

(Құчади)

Бу не ҳол? Шулмиди умидим сендан?
Аввалги ҳарорат, ёнишлар қани?

Сен меники әдинг, йўқотдим сани?
Оҳ, ким ўғирлади, ким, сени мендан?

(Ундан юз ўғиради)

Ф а у с т

Жонгинам, юр энди, кетайлик тезроқ,
Юрагимда ёнган муҳаббат ҳаққи.
Мени олиб келган садоқат ҳаққи,
Кетайлик, кетмасак бўлмас ҳозироқ.

М а р г а р и т а

(Унга ўғирилиб.)

Наҳотки бу сенсан? Ишонмас кўзим.

Ф а у с т

Мөнман.

М а р г а р и т а

Қутқаргани келдингми ўзинг?
Келдингми қилгани кишандан озод?
Олурмисан яна бағрингга, жоним!
Мендан қўрқмайсанми? Мен аслида ким —
Билмасанг наҳот?

Ф а у с т

Тонг отмоқда, тез бўл, ўтказма дамни.

Маргарита

Мен ўлдириб қўйдим онамни,
Сувга отдим туқдан боламни.
У фарзандинг эди сенинг ҳам,
У келтириди толе әмас, ғам.
Сен келдингми? Туш әмасми бу?
Таниёлмай турибман сани,
Кўзим олди доим қоронгу.
Бер-чи менга қўлингни, қани.
Не кўргилик? Қўлларингда қон.
Артиб ол дарҳол.
Кўз тушмасин унга ҳеч қачон!
Қиличингни филофингга сол,
Тез яширақол.

Фауст

Ўтган ишга әнди салазот,
Тез қочмасак ҳопмасмиз најот.

Маргарита

Сен ҳаммамиз учун ҳам
Яшашинг керак.
Қабрларга, жонгинам,
Эк гулу чечак.
Учта чуқур кавлагин
Мозорда бу кун:
Онам ва акам учун,
Ҳамда мен учун.
Қабримни наридан ўй
Улардан оэрой.
Қизимни бағримга қўй,

Бўлмасин йироқ.
Уни қучиб жимгина
Уйқуга кетай,
Энди сени бу сийна
Қучолмас, нетай.
Гарчи ҳамон ўшасан,
Севгим, бироқ сен —
Бегонага ўхшайсан,
Мендан йироқсен.

Ф а у с т

Мен билан юр, агар севгинг бўлса чин.

М а р г а р и т а

Озодликами?

Ф а у с т

Ҳа, чиқ бу зиндондин.

М а р г а р и т а

Мени кутар бўлса у ерда ўлим,
Олиб борса мени мозорга йўлим —
Майли чиқай унга мен пешвоз, аммо
Ўтмам ундан нари бир қадам ҳатто.
Кетяпсанми, Генрих, жонгинам?
О; қани энди
Биргалашиб сен билан мен ҳам
Кетолсам эди.

Фауст

Эшик очиқ! Фақат сен истасанг бас!

Маргарита

Менга ҳеч озодлик имкони бўдмас.
Гарчи чиқолсам-да, бу ердан қочиб,
Қайдা юролардим юзимни очиб?
Элдан юзим шувут, виждоним нопок,
Яшамоқ не керак доим аламнок?
Не керак одамлар кўзидан пинҳон,
Узгалар юртида бўлмоқ саргардон?
Унда айғоқчилар кутишар мени,
Бир куни барибир тутишар мени.

Фауст

Унда қолажакман ёнингда мен ҳам.

Маргарита

Йўқ, йўқ, жонгинам,
Бу ердан тез бор,
Қизингни қутқор!
Бора қол, тез бўл,
Чакалак ёққа.
Сени әлтар йўл
Тўғри булоққа.
Кўприкдан ўтиб,
Бурил ўнг қўлга.
Теэгина етиб —
Оласан қўлга.
Боланг тирик, топ,

Йиғлар чақалоқ.
Қутқар уни, чоп,
Ҷопақол тезроқ.

Ф а у с т

Эсингни йиғ! Фурсат ғанимат!
Озодликнинг йўли олисмас,
Қўйсанг етар бир қадам фақат.

М а р г а р и т а

Тепаликдан ўтиб олсак бас,
Тош устида ўлтирар онам.
Титрамоқда муз бўлиб танам.
Йўл бўйида ёлғиз бу нафас
Тош устида ўлтирар онам.
У бошини тебратар аста,
Бемажол хаста.
Кўз очмоққа йўқдир мадори—
Уни қаттиқ ухлатмиш дори
Бизнинг ширин айшимиз учун.
Қандай шавқли эди ўша тун,
Қандай лаззат топганди жонлар!
Оҳ, қанисиз ўша хуш онлар.

Ф а у с т

Яхши гапга кўнмас бўлсанг нетарман,
Сени зўрлик билан олиб кетарман.

М а р г а р и т а

Йўқ, йўқ, куч ишлатма, кўнмасман асло.

Қўлларимни қаттиқ тутма бунча ҳам.
Шундоқ ҳам гапингга кўндин доимо.

Ф а у с т

Тонг отар, оппоқ тонг, қара, жонгинам.

М а р г а р и т а

Тонг отар, янги кун. Сўнгги кун менга.
Керак эди бу кун тўйим бўлмоғи.
Мен билан бўлганинг айтма ҳеч кимга,
Сира лозим әмас әлнинг билмоғи.
Бошимга бу кулфат тушди ногиҳон,
Бевақт гулларимни қилдилар хазон.
Насиб бўлмас энди бирга рақс этмоқ,
Кўришмоғимиз бор олдинда бироқ.
Халойик юради қатлагоҳ томон,
Каттакон майдонга сигмас оломон.
Мен учун чалинар сўнгги қўнғироқ,
Жаллод бошим узра синдиоар таёқ.
Чўкаман, тегади бошим кундага,
Даҳшат ичра бокар йифилган одам
Мендек маҳкум бўлган осий бандага.
Кўзларида қўрқув, гўё хаёлда
Уларнинг бошига тушмоқда болта.

Ф а у с т

Ўлсам бўлмасмиди бу кунни кўрмай.

М е ф и с т о ф е л ь

(Эшикда пайдо бўлиб)

Тез кетдик, ўласиз йўқса икковлон.
Бекорга оҳу воҳ қилиб ўлтирмай,
Чиқиш керак. Ана кунчиқар томон
Қизармоқда. Тингланг отлар кишиногин,
Улар сезаётир тонготар чогин.

М а р г а р и т а

Ногоҳ ер остидан пайдо бўлган ким?
Бу ўша, танидим, нақадар даҳшат.
Ҳа, у келган албат олгани жоним,
Бу муқаддас жойда турмасин, жўнат.

Ф а у с т

Яшамогинг керак, кетайлик, жоним!

М а р г а р и т а

Сенинг ҳукмингдаман, тангрим ҳоқоним.

М е ф и с т о ф е л ь

(Фаустга)

Юр, кетдик! Бўлмаса ташлаб кетаман!

М а р г а р и т а

Қутқар тангрим, сенга нола әтаман,

Малаклар, теграмда қилингиз парвоз,
Менга қалқон бўлинг ва айланг халос.
Сендан қўрқаяпман, Генрих.

М е ф и с т о ф е л ь

У мангу
Қийиноқларга маҳкум.

О с м о н д а н н и д о

Халос бўлди у.
М е ф и с т о ф е л ь

Теэ бўл, кетдик!

(Фауст билан йўқолади)

М а р г а р и т а

(Коронгилик ичидан)

Генрих! Генрих!

БИРИНЧИ ҚИСМ ТАМОМ.

ИЗОХЛАР

Гёте «Фауст» устида бутун ижодий ҳаёти давомида, 1772 йилдан то 1831 йилгача ишлаган.

БАФИШЛОВ

Ешигу илк бора севишган күнлар — шоир ёшликтан күнгил күйгөн Фридриха Брион ва Лили Шенеманлар күзда тутилади.

Сүнгиги қўшиқларим эшитолмади китобим илк бобин тинглаған дўстлар — шоирнинг синглиси Корнелия Шлоссер, ёшлик дўсти Мерк, шоир Ленц кўзда тутилади. Улар асарнинг дастлабки бобларини эшишган, китоб битганда оламдан ўтган әдилар.

ТЕАТР МУҚАДДИМАСИ

Кимдир шайдо қалбнинг түғён чорини тўфон шиддатига айлади қиёс в. ҳ. к.— Бу ерда Гёте поэзиянинг уч турига — драма, эпос ва лирикага шарҳ берган.

АРШИАЛЛОДАГИ ДЕБОЧА

Мусиқий самовот қабатларида — қадимги юонон файласуфи Пифагор назарияси бўйича осмон қабатларида ҳаракат қилувчи сайдера-ларнинг ҳар биридан борлиққа турли оҳанг тараалар экан.

Бамисоли менинг суюкли холам илондек судралиб кечиргай ҳаёт — гап жаънатда Момо Ҳавони йўлдан оздирган Илон ҳақида боради.

ТУН

Нострадам — XVI асрда яшаган машхур җаким ва мунажжим.
Асл исми — Мишель де Нотр Дам.

Макрокосм белгиси — олти қирралы юлдуз — борлық олам —
коинот ва самовот белгиси.

ФАУСТНИНГ ИШХОНАСИ

«Сулаймон мифтоҳи» — XVIII асрда кенг тарқалган диний ки-
тоб. Саламандра, Үндина, Сильфида ва Кобольд — ўт, сув, ҳаво ва
ер унсурлари.

Encheiresis naturae — табиатнинг феъли — одати.

Eritis sicut Deus, scistes bonum et malum — Тангридек ё яхши-
лик ва ё ёмонликни билажаксиз.

ЛЕИПЦИГДАГИ АУЭРБАХ ЕРТУЛАСИ

Бир оёғи оқсоқ кўринар... — ривоятларда айтилишича иблис
осмондан дўзахга ташланган вақтда бир оёғи синган әминш.

Мингта кўпrik солиш менга осонроқ — кўп халқларда «шайтон
кўпrik қуради», деган ривоят юради.

(Алвости кўпrik, шайтон кўпrik деган номлар шундан келиб
чиққан бўлса керак.)

Sancta simplicitas — табаррук соддалиқ.

Чех сиёсий диний арбоби Ян Гусни кофирликда айблаб ўтда
ёқаётганларида бир соддадил кампир ҳам савоб учун гулханга бир
қучоқ ўтин ташлаган экан. Шунда Ян Гус юқоридаги сўзни айтган.

ГРЕТХЕННИНГ УПИ ҚАРШИСИДАГИ КУЧА

Нима овлаяпсан, қаламуштутар? — ривоятга кўра Гамельн шаҳри-
да бу қаламуштуар бургомистрдан хизмат ҳақини ололмаганидан
кейин шаҳардан қаламушлар билан бирга ҳамма болаларни ҳам олиб
чиқиб кетган әминш.

ВАЛЬПУРГИЯ КЕЧАСИ

«Вальпургия кечаси» — ривоятга кўра биринчи майга ўтар тун Брокен тогида жинлар базми бўлар экан.

Ширке ва Эланд — Брокен яқинидаги икки қишлоқнинг номи.

Шоҳ Маммон — Мильтоннинг «Йўқолган жаннат» достонидаги иблис Маммон.

Уриан — немис диалектларининг бирда шайтоннинг номи.

Баубо — маъбуда Деметранинг энагаси.

Ильзенштайн — Гард тизмасидаги қояларидан бирининг номи. Генрих II нинг севиклиси малика Ильза исмига қўйилган.

Лилит — коббалистик афсонага кўра Одам Атонинг Момо Ҳаводан илгариги хотини Лилит бўлган эмиш. Лилит Одам Атодан кўрган болаларнинг ҳаммасини ўлдирган ва шу сабабдан ҳайдалган эмиш.

Проктофантасмист — Гётенинг рақиби Христиан Фридрих Николай кўзда тутилади.

Тигель — машҳур немис тилшуноси Гумбольдтнинг ери. Ривоятга кўра бу ерда жинлар бўлар эмиш.

Пратер — Венадаги томошабог.

ВАЛЬПУРГИЯ ТУНИДАГИ ТУШ

Оберон ва Титания — Эльфлар шоҳи ва маликаси.

Мидин — Веймар театрининг талантли ашё устаси.

Синчков саёҳ — Николайнинг «Германия бўйлаб саёҳат» номли кўптомли асарига ишора.

Шамолкўрсаткич — француз революциясига ҳам, унга қарши бўлган веймар класцистларига ҳам тарафдор бўлган журналист ва музикант Рейхард кўзда тутилади.

Геннингс, Мувает, Ўз даврининг буюк алломаси — Геннингс Август фон — Гёте ва Шиллерни христиан руҳига қарши деб айблаган публицист.

Турна — ёзувчи Лафатер кўзда тутилади.— Бу ном унинг қадам ташлашига ишора.

Ринд — Гёте бу образда ўзини кўзда тутади.

Дайди шуъла — революция вақтида юртини ташлаб қочган француз эмиграントлари кўзда тутилади.

МУНДАРИЖА

Ҳамид Ғулом. Шеърий тафаккур, фикрий шеърият 5

ФАУСТ

Багишлов	9
Театр мұқаддимасы	11
Арши аълодаги дебоча	21
Биринчи қисм	29
Изоҳлар	265

На узбекском языке

Г Е Т Е

Фауст (трагедия)

Часть первая

Перевод с издания ГИХЛ, М — 1955

Редактор Омон Матжон
Рассом Ж. Умарбеков
Техн. редактор М. Миркосимов
Расмалар редактори Г. Фролов
Корректор Ш. Собирова

Босмахонага берилди 15/VI—1972 й. Босишга рухсат этилди 18/IX—1972 й. Формати 70×108^{1/2}. Босма л. 8,375. Шартли босма л. 11,72. Нашр л: 9,75+0,17 (4 вкладка): Тиражи 10 000. Ғафур Ғулом номидаги Адабиёт ва санъат нашриёти. Тошкент, Навоий кӯчаси, 30. Шартнома № 269—68.

Узбекистон ССР Министрлар Советининг нашриётлар, полиграфия ва китоб савдоси ишлари бўйича Давлат комитетининг Тошкент полиграфкомбинатида маш/мел. қорозига босилди. Тошкент, Навоий кӯчаси, 30. 1972 йил. Заказ № 1773. Баҳоси 63 т.

Г 42

Гёте Иоган Вольфганг.

Фауст. Трагедия. Эркин Воҳидов тарж. К. И. Т.,
Адабиёт ва санъат нашриёти, 1972.
К. И. 268 б.

Гёте И. В. Фауст. Трагедия. Ч. I.

№ 142—72

Навоийномли УзССР Давлат
кутубхонаси.